





Ex Bibliotheca
majori Coll. Rom.
Societ. Jesu



N O D I
C I C E R O N I S
V A R I O R V M Q.
L I B R I S I I I I .

E N O D A T I .

A B

A N D . S C H O T T O A N T V E R P .

D E S O C I E T A T E

I E S V ,



A N T V E R P I A E ,
A p u d h e r e d e s M a r t i n i N u t i j .

T y p i s H E N R I C I Æ R T S I .

C I O . I O C . X I I . +

Superiorum permissu.



Bibl. Martini ad. us. Philos. C. R.



6.31.H.4

NOBILI VIRO

D. HENRICO
VAN-ETTEN

EQVITI AVRATO
SUMMO MILITARIS
ANNONAE

PRÆFECTO
QVAESTVRAE AERARII PRINCIPIS
A CONSILIIS &c.

AND. SCHOTTVS ANTVERP.

DE SOCIETATE

I E S V

Salut. in Dom.



VM PROVERBIORVM
Graecorum opus ingens
atque operosum, Vir
amplissime, è Zenobio,
Diogeniano haectenus in-edito, & è
Suidae atque Hesychij Collectaneis
edendo ad exitum adducere para-

*

2

rem,



rem, cuius iam partem Christophoro filio tuo Senatoriae dignitatis inscripsssem; visum est faciendum, ut parenti quoque multis pridem mihi nominibus caro Iuuenilium meorum vigiliarum partem aliquam offerrem, quam ad hanc aetatem, quo illae lucubrationes maturescerent magis, domi clausam asseruassem, & in Tuo nomine nunc proferrem. Primò, quia pueritiae memoriam repetens vltimam, memini nos vnà ferulae manum subiecisse, doctore in primis illis studiis, sine quibus magna constare non possunt, Theobaldo Hellio, viro opt. Quae post necessitudo inter nos arctissimo studiorum vinculo copulata (nam & M. Quintilianus Rhetor egregius, ut sacris, sic & studiis initiatos iisdem immortalē agere amicitiam censuit) cum aetate accreuit, ut fit, etiam inter absentes: cum & honorum tuorum incrementis non modò
non

non inuiderem, tacitus etiam gratularer. Mox enim ad Remp. administrandam vocatus es ; ego in Galliam, indeque in Hiberiam negotiorum, studiorumque gratia à parente missus, ita diuulsi corpore sumus, animus ut vnus concorsque in studiis perduraret. Nec enim locorum interuallo dirimi vera solet amicitia, quae litteris animi interpretibus foueri indies, augeri que possit. Tu adhaec merito tuo à Principe in aulam accitus, ea munia singulari fide obiuiisti, ut quod dici Prouerbio consuevit, Magistratus Te virum ostenderit; non retrò, Magistratum exhibueris. Annonae enim militari Catholici exercitus praefectus es, in difficili illa ac diuturna in Batauos expeditione Regis Catholici, post Alberti Archiducis Austriae auspiciis, ductuque Ambr. Spinolae, fortissimi ducis suscepta curam illam gessisti, vigilantiaque tua id es con-

fecutus, ne quid commeatus inopia,
neruique bellici egestate exercitus
Belgici robur, belli fulminâ, resque
publica caperent detrimenti. Cuius
rei praemium, si homines calumniâ
inducti deficiant, mercedēque caelo
trāsſcribe. Erit enim Deus, vt Abra-
hamo quondam patrio digredienti
ſolo, merces tua nimis. Et haec qui-
dem militiae abs te geſta; domi verò
ſtudiâ & tractas ipſe, & tua beni-
gnitate

Reſpiciens tristes hac tempeſtate Camenâs
foues ſtudioſos atque eruditos: tum
verò maximè Religioſas familias, in
his & ſingulari Societate beneficio
Tibi deuinxisti. Filium etiam relin-
ques, defuncta nuper coniuge le-
ctiſſima femina, praestantis iudicijs,
ac doctrinae, rebusque gerendis ac
legationibus in ſumma Repub. ido-
neum. Generum quoque aſciuiſti
D. Gaſparem Taium, Do. in Goicq
vt nobiliſſ. atque erudiſſimi paren-
tis

tis filium, sic & Graecis libris inui-
 gilantem: apud quem Graecorum
 Patrum, Greg. Nazianzeni, & Cy-
 rilli Alexandrini ἀνέκδοτα nuper cum
 gaudio vidimus. Me verò, (si quis
 fortè reprehendat) cur pudere ac pi-
 gere debeat non video, si has vel se-
 nex iuuenilis aetatis in M. T V L-
 L I V M N O T A S, in quibus mihi
 cum ceteris non satis conueniat, tan-
 dem aliquando proferam in lucem
 tuis auspiciis, efflagitantibus à me
 talia quòtidiano paenè conuicio
 familiaribus; cùm & Societatis no-
 strae iam septuagenarium videam
 P. Laelium Bisciolam *Subseciuarum*
Horarum, hoc est, rerum ad Philolo-
 giam pertinentium libros xx. Ingol-
 stadij edidisse, totidemque promit-
 tere: Sic & ipse Superiorum permis-
 su, quasi conuasans mea, *Observatio-*
num Humanarum, Diuinarumq; libros,
 in omni Philologiae, Poëticae, Hi-
 storiac, Rhetoricae, ac denique Phi-
 lo-

lofophiae genere exire patiar , in
apertumque proferam , fi & haec
qualiacumque Tibi,tuique ordinis,
hoc est, eruditis hominibus non vſ-
quequaque displicuiſſe cognouero,
& longiorē vitae vſuram Dei O. M.
benignitas largietur. N o d o s au-
tem inſcribere placuit, non Hercu-
leos, aut Gordios, quales machaera
Alexander ille Macedo facile diſſe-
cuit; ſed Democriti Abderitae voca-
bulo, quo vinculorum nexus, quibus
alios irretitos tenerent , texentes
ἐριθανίεας, καὶ ἱμανηλικίεας , teſtibus Cle-
mente Alex. Stromateo 1. & in
Sympoſiacis Plutarcho, nominabat:
quos & Romae M. Cato Cenſor
grauiffimus *Vitilitigatores*, auctore C.
Plinio , ſolitus erat appellare . Ita
N o d o s inquam vocamus . Inci-
dunt enim non rarò digni vindice
nodi, Delio egentes natatore, in ipſis
etiam C I C E R O N I ſ ſcriptis; locis
nonnullis poſt tot tantorumque co-
natus

natus adhuc obscuros ac deprauatos
 aevi vitio, & nimia Criticorum in
 castigando prurigne: qui sub omni,
 quod aiunt, lapide, scorpionum latere
 rati, omnia, etiam meridiana luce
 clariora, sollicitat, nodum in scirpo,
 quod aiunt, quæretes. Quorū equi-
 dem conatum non damno, immo iu-
 uare in partem cupiam, modò eam
 moderationē adhibeant, vt non nisi
 deposita ac deplorata tentent emen-
 dare, partim veterum exemplarium
 fide, partim *εὐσυχία* quadam: lucem-
 que obscuris adferant, nodosque ex-
 pedire studeant; à sanis verò clarif-
 que locis manum abstineant, ne lau-
 reolam in mustaceo quaesiisse vi-
 deantur. Valeat itaque valeat solle-
 mne illud Dionysij Lambini, homi-
 nis cetera accurati: *Inuitis ac repugnan-
 tibus libris omnibus lego, emendo: cū fe-
 rè tunc à scopo aberrer. Quando-
 quidem arbitrarij est res hæc tota
 Critica, non autem certi ac definiti*

Iuris. Quare, vt Iureconsulti vestri
Recepta Iuris Civilis saepiùs pronun-
tiant, recentioresque hac tempestate
eius interpretes, *Receptarii Lectionum*
Cómmentarios edant quotidie; li-
ceat mihi quoque, pace Tua docto-
rumque hominum, hoc syntagmate
receptis plerumque in C I C E R O-
N E lectionibus patrocinari, ac tuta-
ri pro virili, contra nimiam quo-
rundam Criticorum, & quidem
maiorum gentium, audaciam, sine
conuicio tamen, & contumelia, (à
quo vitio maximè abhorreo) sine
fucò, more maiorum, & Ex fide bo-
na: vt etsi sententiis in re leui dissen-
timus, amici cetera simus. Te igitur
harum vigiliarum iudicem sine
prouocatione capio, & æqui boni
vt facias, etiam atque etiam precor.
Valc. Antuerpiae CIO. IOC. XII.

PET. VICTORIVS

FLORENT.

ANTONIO FLOREBELLO,

LIB. I. EPIST. V.

NVM velim (idq̃, ex animo peto, atque oro) reliquos, qui elegantissimis M. TVLLII scriptis delectantur, aliquid operae, laborisq̃ue in illis perpurgandis ponere. Dedecus enim est, in libris illis ullam maculam reperiri, quos semper in manibus habent, & ex quibus omnem sermonis nitorem, verborumq̃ue elegantiam mutuantur. Multa autem sunt menda, quae facilius à plerisque indicari possunt, quàm tolli, sed quod vñ non conceditur, alijs datum est: ac nulla prorsus errata subterfugere possent tantam doctorum & ingeniosorum hominum in hanc rem conspirationem. Quod si hoc factum fuerit, quamuis sine laudis meae detrimento esse non possit, si quam in hoc negotio meruimus; (illi enim & plura, & meliora facile adferent) tamen incredibili laetitia afficiar. Antiquum namque illud meum consilium sic adiuvabitur, atque exitum reperiet, quod ego solus ad finem perducere non potui: atque id, quod tantopere expetiui, & in quo tantum laboravi, perficietur. Cur autem me pudeat auxilia aliorum in difficili, atque honesta re implorare? cum ipse nihil cessauerim, neque vllum laborem recusauerim. atque etiam profitear quidquid potero in reliquum tempus, me libenter ac studiose esse facturum.

A P P R O B A T I O.

FRANCISCVS Flerontinus Praepositus
 Prouincialis Societatis IESV in Belgio, po-
 testate ad id mihi facta ab admodum R. P. N.
 Praeposito Generali Claudio Aquaiua, fa-
 cultatem concedo, vt NODORVM CICE-
 RONIS LIBRI IIII: à P. Andrea Schotto
 compositi, & eiusdem Societatis eruditorum
 hominum iudicio examinati & approbati, ty-
 pis excudantur. In quorum fidem has litteras
 manu nostra subscriptas dedimus Tornaci
 die 28. Aprilis, anni M. DC. X.

FRANCISCVS FLERONTINVS.

HI NODORVM CICERONIS LIBRI IIII.
 à P. Andrea Schotto Antuerpiano Societ. IESV
*conscripti, magno Reipub. litterariae commodo in lucem
 emittentur. Antuerpiae in Seminario Episcop. 29. Au-
 gusti M. DC. X.*

LAVR. BEYERLINCK
 Sacrae Theolog. Licent. Ca-
 non. & Cenfor librorum.

CVM Priuilegio sex annorum ALBER-
 TI Archiducis Austriae, Ducis Burgun-
 diae & Brabantiae, &c.

Subscriptum

Busschere.

INDEX CAPITVM

NODORVM CICERONIS.

LIB. I.

CICERO II. de Oratore de Democriti risu
ex Hippocrate explicatus. Cap. I.

Si quid eo fiet. Humanitus accidere. Illustrata
apud Ciceronem Maniliana. Cap. II.

Vasarium quid, & Catillatio? Ciceronis loca duo
ab ingenio restituta. Cap. III.

Q. Ennii de P. Scipione elogia. Cicero in Liciniana &
Trebellius Pollio illustrati. Cap. IV.

De Luculli militibus Ciceronem & Horatium non
eadem tradidisse. Cap. V.

In hostium esse potestatem. In medium re-
linquere. Tullij alter pro lege Manilia post Agelium
correctus locus. Cap. VI.

Ciceronis lectio in Maniliana à Lambini correctione
vindicata. Traducere quid? Cap. VII.

Seges pro agro, & frugibus. Maro illustratus & Ci-
cero: Tibullus etiam castigatus. Cap. VIII.

Dignitas & venustas. Ciceronis lectio defensa in
Liciniana. Cap. IX.

Superstites praesentes. Insignis Ciceronis locus in
Muraniana illustratus. Cap. X.

Pars mei melior. Glossema in orat. pro Archia sub-
latum: alter item locus illustratus. Cap. XI.

Ciceronis Philippica prima, & item altera, quae illu-
strata, quae emendata. Cap. XII.

Iulius Seuerianus Rhetor è Cicerone, & Cicero Phi-
lippicis emendantur. Cap. XIII.

Cicero-

I N D E X.

Ciceronis loca aliter atque vulgò leguntur, ab antiquis allata. Cap. XIV.

Respectum habere, agere. ὡς πρὶν ἔχειν Philippica Tulliana illustrata. Cap. XV.

Vincta per ὑπὲν dictiones antiquis usitata. Nec opinanti, Nec-opinato, ἀπροσδοκῆτας. Ciceronis retenta lectio. Cap. XVI.

Idem Gracis, Latinisq̃ue Poëtis vsitatum ostenditur. Cap. XVII.

Clodij Prætura. Boues Lucæ, elephantæ. Glossæ in Oratione Cic. pro domo sublatum, Lætanii & Claudianus Mamercus emendati. Cap. XVIII.

Mos vetus explicatur. Cicero I. de Orat. & II. de Legibus è Lyfia & Platone illustratus. Cap. XIX.

Consilio regere. Recepta Tullij lectio defensa. Cap. XX.

Vltima & media terræ. Nec vola nec vestigium, Varronianum Prouerbum. Ciceronis in Maniliana vnus & item alter locus explicatus. Cap. XXI.

Belli impetus nauigauit. Ventorum pennæ, & nauium volatus. Cicero in Maniliana è Demosthenè, alijsq̃ue illustratus. Cap. XXII.

Falcidia lex. Ciceronis locus illustratus, glossæ in Eusebij Chronico sublatum. Cap. XXIII.

Aries subiicitur. Cicero in Topicis contra aliorum sententiam explicatus. Cap. XXIV.

Stratagema Mithridatis. Maniliana Cicer. illustrata. Cap. XXV.

L I B. I I.

CICERONIS Officia illustrata. Mendum à coniectura, & Historia fide sublatum. Cap. I.

Horten-

Hortensius Ciceronis, qui de laudibus est Philosophia;
fragmento nouo auctus. Cap. II.

De tollenda iracundia L. Seneca idem quod Ci-
ceroni consilium in mentem venisse. Aurea Epistola I. ad
Q. Fratrem lux allata. Cap. III.

Videndum pro verendum Ciceroni familiare. Imi-
ratus & Ciceronem Persius. Cap. IV.

Claudianus poëta sapius emendatus. Cap. V.

Tessera, frumentaria, gladiatoria, & Hospita-
lis. Cap. VI.

Democriti Aetægia Infinitio, Infinitasque
mundorum & atomorum concursio. Cicero in Philo-
sophicis ex Hippocrate & Laërtio illustratus. Cap. VII.

Medicina corporis & animi. Cicero illustratus
Tuscul. III. Corporis medicina triplex: Ausonio in Gri-
pho lux allata. Auarorum ingenium. Hippocratis Coi
Epistola de Democrito sapius correctæ. Cap. VIII.

Hippocratis ad Demagetum Epistola pars reliqua
emendando percurritur. Cap. IX.

Medici præmiis honorandi. Honor pro mercede in-
terdum, vt Græcis γέρας. Cur curatis iam corporibus
ingratos plerumque experiantur egros Medici, vt magi-
stri discipulos. consentiens Democriti & Hippocratis sen-
tentia. Cap. X.

Ciceronis liber I. Tuscul. Questionum illustratur &
emendatur, Plutarchus item correctus. Cap. XI.

Gladius furiosi. Migrare iura communia. Ci-
cero in Officiis castigatus. Cap. XII.

Dignitas & honestas. Cicero II. Tusculana con-
tra aliorum sententiam sapius emendatus. Cap. XIII.

Ennii apud Ciceronem versus. Ducere, in actionibus
vsurpatum. Magni Dii. Cap. XV.

Tres illos Tragædia principes Philosophos fuisse, &
Ciceronem

Cicerone demonstratum. Euripidem Anaxagora dogmata tradidisse. Cap. XV.

Ciceronis lectio in Epist. ad Famil: retenta atque defensa. Cap. XVI.

In quinta Ciceronis Tusculana quadam correctâ. Cap. XVII.

Epistolarum ad Familiares loca contra Lambini sententiam. Cap. XVIII.

C. Trebatius, & Cn. Matius Epicurei. Astute cogitare, & agere Cicero dixit ex Epicureorum sensu. Cap. XIX.

Tusculana quinta Notis variè percurritur. Cap. XX.

Vitiligatores apud Plinium. M. Cælij apud Ciceronem locus expensus, antiquitatis nimium studiosi.

Cap. XXI.

Cicero Tusculana III. sapiùs emendatus. Cap. XXII.

L I B. I I I.

PERDITVM ire; comparare se. *Ciceronis Epistola aliquot glossis sublatis emaculata.* Cap. I.

Crassus, & Callius. Cicero & Macrobius emendati. Cap. II.

Nervi sapientiæ. Cicero illustratus, Epicharmus expressus, eiusdemque Poëtæ allata plurima. Cap. III.

Fidem domino probare. Patre, auo, maioribus. Elegans Tullij in Epistolis locus castigatus.

Cap. IIII.

Spes, non res in pueris laudata. Ciceronis de Rep. libri cur Dialogi inscripti. Cap. V.

Aliensis pugna, Religiosus dies. Urbis capta annus. Ciceronis ad Atticum locus defensus. Varro emendatus, & Nonius à Turnebi castigatione vindicatus.

- dicatus.* Cap. VI.
Sagum. Res commodæ: Ciceronis è Xenophonte
Oeconomia qua correctâ, qua illustrata. Cap. VII.
In eo posita est Fortuna. In eo sunt omnia.
Tullius lib. XV. ad Famil. illustratus. Cap. VIII.
Beneficium, pro culpa, apud Iurisconsultos. Ci-
ceronis in Timæo locus unus & item alter emendatus.
 Cap. IX.
Comedicere, Aufonius è Cicerone illustratus.
P. Terentius laudatus. Cap. X.
Homerus è Platonis Repub. educitur vnctus, & coro-
natus. Ciceroni lux allata: Minucij Felicis tentatus lo-
cus. Cap. XI.
Cicero, & Claudianus Mamercus emendati. Plato in
Phadone conuersus. Cap. XII.
Requirere, Terror. L. Domitius. Q. Arrius.
P. Varius. Nympharum ades à Clodio incenso. Scantia
& Sentia. Apronius & Aponius. Miloniana sapius ad-
uersus Lambini sententiam castigata. Cap. XIII.
Stemma Clodianum. In Orat. pro Caelio obscuris lux
data. Cap. XIV.
Sex. & P. Clodij, Tribb. pleb. impuri. Ligurrire,
Ligurritio. Ciceronis pro Domo sua illustrata oratio.
I. Lipsij coniectura confirmata. Cap. XV.
Ligus & Pætus gentis Aelia cognomina. Aelius
Ligus Trib. pleb. improbus. Ciceronis Sextiana illu-
strata. Cap. XVI.
Singularia Tullij. Minuritio. Volaticus. Expia-
tio religionum, portentorum explanatio, No-
uissimus. Coæuus. Mansues. Cicero variè emen-
datus. Cap. XVII.

IN E P T V S, Ineptire quid Crasso apud Cicero-
nem primo de Orat. Et Horatio Trans pondera
dextram porrigere. Cap. I.

Dionysij Halicarnassei locus contra aliorum senten-
tiam emendatus. Cap. II.

Cicero pro Archia poëta emendatus. Animi auer-
sio. Cap. III.

Maçtare Deum hostia. Plautus Amphitruone
illustratus. Ciceronis in Vatinius lectio edita compro-
bata. Cap. IIII.

Iugula, Orionis gladius. Cicero in Arati Phaenome-
nis explicatus. Glossarium vetus emendatum. Cap. V.

Thenfæ, vehiculi quale genus. Verrinis Tullij lux
allata. Thenfarum Nomenclator. Cap. VI.

Opida & vrbes interire. Ser. Sulpicius ad Cicero-
nem illustratus. Cap. VII.

Ciceronis loca cum Aeschinis Oratione contra Ctesi-
phontem comparata. Cap. VIII.

Contentiùs ambulare. Cicero Tusculanis expo-
situs. Nonius Marcellus bis castigatus, & L. Sisenna Hi-
storia. Cap. IX.

Choragium, Domuitio. Cicero primo de Diui-
natione : Appuleij fabula Milesia è Fulgentio aucta.
Reuerfionem facere & reditionem. Cap. X.

Silentium superbiæ argumentum. Ciceroni lux:
L. Floro medicina interpunctione allata. Cap. XI.

Auerruncus Deus. Dij meliora. Dij per-
duint.

I N D E X.

duint. Aritinæ mentes. Cicero illustratus: No-
nius, Fulgentius, & Appuleius sapius emendati.

Cap. XII.

C. Plinij Præfatio Poëtarum versibus, & M. Tullij
loca declarata.

Cap. XIII.

• • •

CICERO

CICERONIS LOCA
QVA EMENDATA,

QVA ILLUSTRATA,

Librorum Cic. ordine.

*Romanus numerus prior est nostrorum li-
brorum, Barbaricus verò Caputum.*

TOMO I. RHETORIC. CIC.

I. de Oratore: Lib. I. cap. 9. & 19. III. 12. IV. 1.

II. de Oratore I. 1.

In Oratore I. 7.

Topicis I. 24. sapius.

TOMO II. ORATIONVM CIC.

Pro P. Quintio I. 6. bis.

Pro Sex. Roscio Amerino I. 14.

Pro Q. Roscio Comoedo III. 17.

Diuiuat. in Verrem. I. 6.

II. Verrina I. 6.

III. Verrina III. 2.

IV. Verrina de signis I. 14. III. XI.

V. Verrina de supplicis I. 6.

Pro M. Fonteio I. 7.

Pro Aulo Caecinna I. 6.

Pro Lege Manilia I. 2. bis 3. 5. bis 6. 7. 20. 21. bis 22.
23. & 25.

Pro L. Muraena I. 10.

Pro

Pro L. Flacco IV. 4.
Pro Archia poeta I. 4. 9. II. bis IV. 3.
Pro domo sua I. 18. III. 15.
De Aruspicum responsis. I. 16.
Pro Cn. Plancio I. 7.
Pro P. Sextio III. 16.
Pro M. Caelio III. 14.
De Prouinciis Consularibus I. 21.
In L. Pisonem I. 3. ter & 14.
Pro T. Annio Milone I. 14. III. I. & corrigitur
 III. 13.
Pro M. Marcello I. 14. IV. 13.
Pro Q. Ligario IV. 13.
Pro Rege Deiotaro I. 14.
 I. *Philippica* I. 12. 13. 14. 16. & 17. II. 5.
 II. *Philipp.* I. 12. *saepius.* 13. 14.
 V. *Philipp.* I. 15.

TOMO III. EPISTOLARVM.

Ad Familiares II. 10. 16. 18. 19. III. I. 2. corrigi-
 tur. 3. 4. castigatur. 17. 18. IV. 7. 8. II. bis
Caelius ad Cicer. II. 21. IV. 13.
Ad Atticum III. 3. 6. 17. IV. 12.
 1. *Ad Q. Fratrem* II. 3. III. I.
Ad M. Brutum I. 15.

TOMO IV. PHILOSOPHICORVM.

In Academicis II. 7. bis.

De Finibus bon. & mal. I. 16. II. 7.

I. *Tusculan.* II. 7. & II. III. 3. IV. XI.

II. *Tusculan.* I. 8. II. 13. III. XI.

III. *Tusculan.* I. 7. 14. II. 8. 15. 22.

IV. *Tusculan.* II. 22.

V. *Tuscul.* II. 6. 7. 17. 20. IV. 9.

I. *De natura Deor.* I. 6.

II. *De nat. Deor.* III. 6.

I. *De Divinatione* I. 15. IV. 10.

II. *De Legibus* I. 16.

I. & III. *De Officiis* I. 16. II. 1. 4. 12. 14.

Cato maior I. 17.

De Repub. III. 5. & IV.

Oeconomia ex Xenophonte III. 6.

Timaeus ex Platone III. 9.

Cic. Hortensius II. 2.

Arati Phaenomena IV. 5.

Q. Tullius de petitione Consul. III. 3.

VARIIS ETIAM LIBRIS
EMENDATI.

Plutarchus in Cic. Lib. I. c. 10. & alibi II. XI.

Hippocratis Epist. ad Demagetum. I. I. II. 11. 7. 8. & 9.

Eusebii Chronicon. I. 23.

Lactantius lib. de Opificio I. 18.

Claudianus Mamercus Vienn. I. 18.

Claudianus Poëta I. 22. II. 5.

Q. Ennii

Q. Ennii Elogia I. 4. & 32. II. 14. & 20.

P. Virgilius III. *Georg.* I. 17. IV. *Georg.* I. 7. & 8.
ex *Ennio* I. 22.

A. Tibullus I. 7. & 8.

Euripides emendatus II. 18.

Iulius Seuerianus Rhetor correctus I. 13.

Varronianum Proverbum, Nec vola, nec vestigium I. 21.

& *Ad Vestæ confugere* I. 19.

Epicharmi plurima III. 3.

Macrobius correctus III. 2.

ERRA-

I

AND SCHOTTI
 N O D O R V M
 C I C E R O N I S
 L I B E R I



CICERO II. *de Orat. de Democriti risu
 ex Hippocrate explicatus.*

C A P V T I.

DEMOCRITVM, quoties pro-
 diret, ridere omnia solitum re-
 ferunt; Heraclitū contrā, qui ab
 obscuritate sermonis *σφοδρῶς*
 sit appellatus, fletū assidue mise-
 ram rerum humanarum conditionem con-
 sueuisse. De illius risu M. C I C E R O lib. II.
 de Oratore ad Q. Fratrem de Joci agens (qui-
 bus idem Orator excelluit, & libros illos per-
 difficiles reddidit) hæc attulit: *Quid sit ipse risus,*
quo pacto concitetur, ubi sit, quomodo existat; at-
que ita repente erumpat, ut eum cupientes tenere ne-
queamus: & quomodo simul latera, os, venas; vultum;
oculos occupet, viderit Democritus. Sed cur quæso, de
risu agens, causam eius, rationēque ē Demo-
crito inuestigandam relegat? Hadr. Turnebus,
præstanti vir doctrina, & singulari in corruptis
emendandis, atque obscuris illustrandis εὐστο-
χία, quod huius rationem rei obscuram esse
non ignoraret, Ciceronem ad Democritum,
 A , *folle-*

sollertem Naturæ inuestigatorem homines re-
 mittere arbitratur. Quid si ad Democriti pu-
 teum, quo latere Veritatem Prouerbio iacta-
 tum, respexit? sic enim in Lucullo Tullius:
Naturam accusat, quæ in profundo veritatem, ut ait De-
mocritus, penitus abstruscit. Siue, quia risui assidue
 deditus erat, quod verius puto. Studium enim
 in animalium naturis per anatomen excutien-
 dis posuisse, discas ex Hippocratis Epistola be-
 nè longa atque erudita ad Demagetum: vnde
 lux his adferri tenebris queat. Scripserat
 enim de Natura, quæ in Physicis proble-
 matis laudari video à Theophylacto Simocat-
 to, quæst. x. Itaque à vulgi consuetudine sece-
 dens Democritus, seque abdens, insanire vi-
 sus est Abderitanis, cum supra omnes morta-
 les, rerum omnium despicientiâ saperet, in-
 sanirentque ipsi potius quam Philosophus.
 Publica igitur Abderitanorum legatione acci-
 tus Hippocrates, ut amentem ac delirantem
 curaret. Quem hominem ubi conuenit, egit-
 que de sæculi sui vitis meritò ridēdis, ciuibus
 dixit, quod res erat Hippocrates, valere illum
 ac sapere paenè solum, quod de Tiresia vate
 Homerus, & de P. Scipione Cato ait, reliquos
 verò velut umbras volitare; & non nisi doctio-
 res, sapientioresque ab illo dimitti professus,
 domum reuertit Hippocrates, omnemque
 adeò sermonem vltro citroque habitum diser-
 tis sanè litteris consignauit; testatus adhaec,
 vno se Philosophi congressu fructum retulisse
 non vulgarem. Pauca de multis Hippocratis
 apponam: *ὅτι διδάτω τῶ ἡμετέρῳ γέλωτος*
αἰτίαν.

αἰτίῳ. μαθὼν δὲ οὐδὲ ὅτι κρείσσονα τὴν πρεσβείαν
 ἀντιφορτισάμενος ἀποίσσης δευαπίειν τὴν ἐμὴν γέ-
 λωια τῇ παρδίῳ, καὶ ἐωυλίῳ, καὶ τοὺς ἄλλους διωκῆσαι
 ῥωφρονίζειν. ἀνθ' ὧς ἴσως καμὲν διδάξεις ἰατρικὴν ἀμοι-
 βηδόν. γνοὺς ὅσην πωρὸν περὶ τὰ ἀσπυδαζα φιλο-
 τιμεύμενοι πρῆσιν τὰ μηδεὸς ἀξία πάντες ἄν-
 ῥωποι τὴν βίον ἀναλίσκωσι γελώτων ἀξία διοικεῖν-
 τες. *Risus nostri caussam nondū nosti: quam cum didiceris,*
certius sum, quod meum risum meliorem curationem pro
tua legatione patriae, tibi quae ipsi vicissim sis reportaturus,
qua etiam alios prudentiores reddere poteris. Pro quibus
fortasse me etiam medicinam vicissim docueris: cum scias,
quanto studio omnes ad ea quae potius negligenda essent,
et nihili facienda conuertantur, et in his quae risu digna
sunt, confectandis vitam consumant. Et post non
longe: τίς τὸν ἐμὸν, Ἰππόκράτης, μέμειψαι γέλω-
τα; οὐ γὰρ αὐτὸς τὴν ἰδίαν ἀνοίαν, ἀλλὰ ἄλλος ἄλλως
καταγέληται. οἱ μὲν τῶν μεθυόντων, ὅταν αὐτοὶ
δοκέωσι νῆφειν. οἱ δὲ τῶν ἐρώνων, χαλεπωτέρῳ νό-
σον νοσεῦντες αὐτοὶ. οἱ δὲ τῶν πλεόντων. ἄλλοι δὲ τῶν
περὶ γεωργίαν ἀσχοληθέντων. οὐ συμφωνέωσι γὰρ οὔτε
ταῖς τέχναις, οὔτε τοῖς ἔργοις. Qua vero in re risum
meū, Hippocrates, reprehēdisti? Neque enim quisquā suam,
sed alter alterius amentiam deridet. Hi quidē ebrios, cum
ipsi sibi sobrii videntur; alij amantes, cū ipsi tamē grauiore
morbo laborēt; hi verò nauigātes; alij agriculturae deditos.
Neque enim omnes artibus, aut operibus inter se consen-
tiant. De hoc autem Democriti risu facetiisque
Timonis hoc exstat apud Laertiū epigramatiō.

Οἷον Δημόκριτόν τε περίφρονα, τριμένα μυθῶν
 λυγνόν τε λείαν καὶ μετὰ πρώτοισιν ἀνέγγων.
Qualis erat prudens Democritus, auctor amoeni
Sermonis, lepidique ioci, in primisque facetus.

Epigramma quoque Græcorum Antholog.
lib. I. cap. XIII. εἰς ἀνδρώπινον βίον.

Τὸν βίον Ἡράκλειτε πολὺ πλεον ἤπειρ' ὅτ' ἐζης
Δάκρυε, νῦν ὁ βίος ἐς' ἐλεεινότερος.

Τὸν βίον ἄρα γέλα Δημόκριτε τὸ πλεον ἢ πρὶν,
Νῦν ὁ βίος πάντων ἐς' ἑλαιοότερος.

Εἰς ὑμέας δὲ καὶ αὐτὸς ὄρων τὸ μέλαζ' ὑμεριμνῶ,

Πῶς ἅμα θι κλάυζω, πῶς ἅμα θι γελάζω.

Quin magis hanc lac rymes vitam Heraclite licebit:

Haec, prae quàm fuerat, nunc miserabilior.

Olim iure quidem, nunc plus Democrite ride,

Quin rides? vita haec nunc mage ridicula est.

Pressius intuitus vos, mecum cogito saepe,

Qui simul illacrymem, risu itidem emoriar.

C A P. I I.

*Testamenti formula : Si quid me fiet.
Humanitus accidere. Illustrata
Ciceronis Maniliana.*

Q HORTENSIVS, & Q. Catulus, viri
Consulares, ut antea legi Gabinia, quae
de piratici belli; sic & Maniliae, quae de belli
Mithridatici imperatore deligendo latae erant,
contradixerunt. In Gabinia quidem dissua-
denda Q. Catulus, cum ex populo Rom.
quaereret, si in Cn. Pompeio omnia pone-
rent, si quid de eo factum esset, in quo spem es-
sent habituri? cepit hunc suae virtutis fru-
ctum ac dignitatis, ut omnes perpetua
voce

voce in ipso spem habituros sese dicerent. Sic ferè M. TULLIVS in ea, quâ Maniliam legem suadendam putavit. Quibus in verbis vna expuncta de particula, nata è superiore, venustius fore, magisq̃ue ex vsu CICERONIS, videatur; sic rescribendo: *si quid eo factum esset*: vt alibi noster orator: *Quid illis factum est hominibus? Quid hoc homine faciam? Quid meo filio, quid pecunia fiet?* Velleius autem Paterculus eadem de Catulo narrans sic extulit: *Si quid ei acciderit.* Itemq̃ue Valerius Maximus lib. VIII. cap. 16. formulâ explanans: *Si, inquit, in vno Pompeio Magno omnia ponere perseuerasset, absumto illo subiti casus incursu, in quo spem esset habiturus?* Plutarchus quoque in Pompeio: *ἢ τίνα, ἤ τιεν, ἐξέλει αἶλλον, ἢ ἀπολέσσητε τὸν.* Quem alium habituri estis, hunc si amiseritis? Frequens autem ea Comicis formula: Plauto quidem in Poenulo Act. V. Sc. 2. sic enim lego.

Quin mea illo quoque habebit, Si quid me fuit.

Editur enim passim. *Si quid de me fuit.* Aut prisco more sic lege: *si quid meū fuit, pro, si mortuus fuero.* Et in Trinummo Act. I. Sc. 2. V. 119.

Si ille, illos huc reuenit. reddam suum sibi.

Si quid eo fuerit, certò illius filia.

Vbi Dionys. Lambinus addit non necessario, *fuerit factum.* Terentius saepenumero vt in Hecyra: *Quid faciemus puero?* Et alibi: *Quid ille facias?* venustius quàm *de illo.* vt est olim à Petro Bembo etiamnum iuvene, ingeniose obseruatum. Dicebant & in hac ipsa re: *si quid humanitus ipsi acciderit, vt Tusculana I. TULLIVS, Velleine Clazomenas, si quid ipsi accidisset, referri.*

& Philipp. II. *Si quid mihi humanitus accidisset, multa enim impendere videbantur.*

Ennius antea Annali. II. apud Festum:

Si quid me fieret humanitus, ut teneatis.

Et L. Caesar, ac Propertius:

Si quid forte mihi durius inciderit.

Vbi autem prisca hac forma in vitanda mortis mentione, cuius mortis scaeuam fugiebant antiquitus memoriam, ne ominari male, ac δυσφαινην viderentur. Hinc & *Abit, Fuit, Vixit*, similiaque vsurpasse libentius à plerisque animaduersum. Phaedrus Fab. LXXVII.

Abiturus illuc quò priores abierunt.

Et Græci πλείονας, ἀντὶ τῆς τεθνηχότας, dixerunt.

Adhibueruntque in Testamentis. Romanis quidem sollemne, ut Pomponio L. In vulgari 162. D. de verb. signif. *Si quid filio meo accideris.* Et Iuliano in L. Quidā. D. ad S. C. Trebell. *Si quid ei prius acciderit:* Graecis autē, ut Aristoteli initio testamēti apud Laertium: *ἔσαι μὲν ἐγώ, εἰάν τις συμβαίῃ, τὰ δὲ διέδοτο Ἀριστοτέλης. Rectē quidē sic fiet: sin verò quid euenierit, Aristoteles ita legauit.* Ibidem: *Εἰάν τις τῇ παιδὶ συμβῇ τι, ὃ μὴ γένοιτο. Si quid filiae, quod nollem, acciderit.* Idem Laertius in Stratonis vita eodem sensu extulit. *εἰάν τις πάσχω. &*

Homerus Iliad. φ.

Ζεῦ πάτερ, ὥς οὗτις με θεῶν ἐλκεῖν ὄν ἐπέση

Ἐκ πόλα μοῖο ἰάωσαι; ἔπειτα δὲ καὶ ἰνὶ πάθοιμι.

& Odyssæa Δ.

Τοῦ δὲ ἀμφιρομέω, καὶ δέϊδια μήτι πάθῃσιν.

Quòd ad mortem referri sequentia satis declarant. Ceterum eo ipso Tullij loco, quem recito:

Mea quidem sententia, Quirites, vnus A. Gabinius belli

uari-

maritimi, rerumque gestarum auctor, comes Cn. Pompeio adscribitur; ut Lambino vocem auctor verso hic stylo expungenti libenter assentior, sic à Manutiana editione discedo, qua Venetijs comes Cn. Pompeius euulgandum curauit.

C A P. I I I.

Vasarium quid? Catillatio, Propola.
Ciceronis loca duo ab ingenio restituta.

VETVS Romae eorum, qui de Rep. benè sentirèt, querimonia fuit de iniriis & cupiditate hominū, qui cum imperio in prouincias mitterentur; præsertim in Asiam ceteris opulentio rem, vectigalibusque magis opimam. Quod vel ex Maniliana C I C E R O N I S parebit: Nunc qua cupiditate homines in prouincias, quibus iacturis, quibus conditionibus proficiantur ignorant videlicet isti, qui ad vnum deserenda esse omnia non arbitrantur. Qui locus me torfit, non secus atque ille, qui proximè antecessit; Videbat enim populus Rom. doctissimos homines exercuit: vbi natum mendum è notis P. R. Accusandi enim casu Hotmanus Populum Romanum legit. Panagathus verò, homo Romæ doctissimus, & libris restituendis natus, Pratores paucos, ex Prater, conformat. Ant. Augustinus v. c. l. legendum hoc modo censuit: Videbat enim populus Rom. locupletari quot annis pecunia publica paucos. aliter enim Paulus Manutius emendandum coniecerat. Quid igitur vetat meam hic quoque proferri sententiam

tentiam de loco , quem alij non attigerunt, ac mendosum esse ne suspicati quidem sunt ? Sanè vox illa *iacturis* aures mihi feriens statim offendit , in eamque tandem cogitando senteritiam veni , vt credam corruptam vocem ex *versuris* , quae & ipsa detorta fuerit ex *vasarijs*. Itaque emendo : *quibus vasarijs, quibus conditionibus* , sensu probo ; non *iacturis* , quae nondum factae erant , profectis nondum in prouinciam imperatoribus. Sic in Pisoniana L. Pisonem ait *vasarij nomine* attributam pecuniam , Romae fenori occupasse , hoc est , in quaestu reliquisse. Verba Oratoris apponam : *Nónne HS centies & octogies, quod quasi vasarij nomine in venditione mei capitis adscripseram , ex aerario tibi attributam , Roma in quaestu reliquisti ?* Quod vitium in hac ipsa Oratione , quae de C. Pompeij laudibus est , reprehenderat CICE-RO , Lucullum , Pisonem ceterosque id genus sic perstringens : *Quid hunc hominem magni aut amplum de Rep. cogitare , qui pecuniam ex aerario depromptam ad bellum administrandum , aut propter cupiditatem prouinciae , magistratibus diuiserit , aut propter auaritiam Romae in quaestu reliquerit ? Vasarij autem nomine intelligitur omnis supellex , omneque instrumentum , quo magistratus in prouinciam proficiscens instruebatur. Vnde hodièque Vassalli nomen , pro nobilium clientibus , conformatum , quasi in vasario aut vasa eorum censeantur , vidit doctissimus Turnebus libro xxi. Aduersariorum, Dictum autem ea forma*

Vasa-

Vasarum, vt *calcearium* Suetonius extulit in Vespasiano cap. VIII. & *Clauarium* Tacitus lib. III. Historiarum quod pro calceis & clauis caligarum vestigal soluebatur: & *Camelarium*, quod pro alendis camelis pende- batur; apud Ammianum libro XVII. CICERONI verò nostro familiare hoc *Vasarum* verbum fuisse, sed in paucis locis integrum relictum, incertum librariorumne inciticia, an correctorum audacia, vel ex hoc Lampridij loco in Alexandri Imperatoris vita discas: *Iudices cum promoueret exemplo veterum, vt & CICERO docet, & argento, & necessariis instruebat, ita vt praesides prouinciarum acciperent argenti pendo vicena, phialas senas, annulos binos, equos binos, vestes forenses binas, domesticas singulas, balneares singulas, aureos centenos, cocos singulos.* Plinius verò tralatè libro VII. Natur. Histor. cap. XLIX: *Neque excutienda sunt vasaria omnia.* Aliter M. Cato in re rustica, capite CXLV. hanc vocem adhibet in præmio ac mercede factorum, nomine ducto à vasis torcularibus, quibus oleum exprimitur. *Catillatio* quoque à *Catillo* in eadem re, probri nomine dicebatur in eos, qui prouincias in magistratu diripuissent: quod tanquam prouincialium bona abligurissent: auctore Festo & Macrobio libro III. Saturnalium, capite XVI. A Catino autem ὑποκομισιῶς *Catillae* dictæ patinæ, quibus escae apponebantur, atque interdum etiam opera dulciaria: quasi in catillis bona aliorum

fortunasque comessent. Plautus Casina: *Vt properarent catillorum more.* Sed priusquam Orationem de manibus depono, alterum mendum, quà potero, diluam; e glossa, ut suspicor, natum: *Quare nolite dubitare, quin huic viro credatis omnia, qui inter annos tot vnus inuentus sit, quem socij in vrbes suas cum exercitu venisse gaudeant.* Hic vocem annos ut intrusam ac superuacaneam iugulo. Nec enim vsitata Oratori nostro, nisi quid iudicans fallor, illa anastrophe pro *inter tot annos.* Quare *tot annos*, ut alienum, reicio. Tale & Propola qui & Graecis *Εμπόλα*, de quibus CICERO l. Officiorum, & *Institores* vulgo opponuntur. Idem Orator in Pisonem: *Panis & vinum à propola & de cupa;* quod Lambinus mutauit in *propola*, secutus, ut ait, H. Turnebum, atque in eundem traxit errorem Hadr. Iunium, quasi sit qui res propalam, & palo suspensas vendat. Ac ego vulgatam cum And. Dunaeco Britanno tueor: qua *propolae* voce & vetus sic vtitur poeta:

Ac veluti pretio ingenti propola recentes

Cum dare conatur ficus, dat primitu' paucas.

Ab eiusmodi autem priscis, vocibus non planè abhorruisse Tullium, sed condimenti loco interdum, in Philosophicis potissimū, adhibuisse, in Tullianis Quaestionibus disputo; obseruatque vir eruditiss. M. Ant. Muretus Variarū lib. VI. cap. 19. & 20. & libro IX. cap. 19. & lib. XV. cap. 20. è Seneca epist. LIX. & Sidonio docens *Essentiam* dixisse, quam in Ser. Flauio dictionem ut nouam notarat M. Fabius lib. II. III. & VIII. Institutionum Oratoriarum. Sic & *Ens, τὸ ἐν*
C. Caes.

C. Caesarem in libris de Analogia dixisse Priscianus monet, & Acro, seu quis alius Horatij vetus interpres. Sed nos de his mox pluribus extremo libro tertio.

C A P. I V.

Q. Ennij de P. Scipione elogia. Cicero in Liciniana & Trebellius Pollia illustrati.

MTVLLIVS in Liciniana, quæ est pro A. Licinio Archia poëta habita: *Carus, inquit, fuit Africano superiori Ennius. Itaque in sepulcris Scipionum putatur is esse constitutus è marmore.* Elogia sibi & Scipioni Maiori constituit versibus Elegiacis Q. Ennius, quæ apud Senecam Epistola cix. sed mutila leguntur, suntque à doctissimis hominibus in Ennianis suppleta:

Hic est ille situs, quoi nemo civi neque hosti

Quiuit pro factis reddere opæ-premium.

Aliud eiusdem Epitaphium laudat ibidem Seneca, & Orator noster Tusculana V. & Lactantius lib. i.

A Sole exoriente supra Maeoti paludes,

Nemo est qui factis me acquiparare queat.

Si fas endo plagas caelestium scandere cuiquam,

Mi solei caeli maxima porta patet.

Lactantij codices vitiosè præferunt *caedendo, & caelestia.* L. Senecæ vero exemplaria: *si fas est plagas caelestium.* In antiquioribus tamen: *si faciendo*
plagas

plagas. Sed germanam hanc lectionem si *fas endo plagas* (*endo* enim pro *in*, Ennio familiare,) omninò constituendam vidit doctissimus Pithœus in *Aduersariis Subseciuis*, de optimis quibusque auctoribus eruendis sic meritis quam qui maximè.

Ennius verò sibi elogium apud Ciceronem in *Catone maiore & Tuscul. 1.* hoc posuit.

Aspicite, ô ciueis, senû Ennij imaginî formam:

Heit vestrum pauxit maxima facta patrum.

Nemo me lacrumeis decoret, nec funera fletu

Faxit. quur? volito viuû per ora virûm.

Sed & aptius elogiû repperisse videor Q. Ennij de Scipione Africano apud Trebelliû Pollionẽ, in Claudij Aug. vita: quod sic ad numeros redigere tentabam: Felicius alij, cupio quidẽ certè:

Quam statuam faciat populus, vel quanta columna,

Quae res ipsa tuas saepe loquatur, erit?

Quod huc potissimum Elogium pertinet. Subiungit enim M. TULLIVS: *At iis laudibus certè non solum ipsi qui laudantur, sed etiam populi Rom. nomen ornatur.* De sepulcro poëtae sic in *Chronicis Eusebianis*: ENNI I ossa ex Ianiculo Rhodium translata fuisse traditum, vbi forte Rudium aut Rudias reponendum, quae eius patria est, auctoribus Aufonio, Silio Italico, CICERONE hîc, atque adeo ipsomet Ennio, qui de se alibi cecinit:

Nos sumû Romanei, qui fuuimus ante Rudeinei.

Aliter tamẽ plerique sentiûnt: sepultû nimirum fuisse poëtã via Appia in Scipionis sepulcro, qui Ennio statuam in monumẽto suo erigi iusserit: de qua T. Liuius lib. xxxviii. C. Plinius lib. vii. cap. xxxiv. & Val. Maximus li. viii. cap. xii. i.

CAP.

C A P. V.

De Luculli militibus, Ciceronem & Horatium non eadem tradidisse.

Fvs o ad Cyzicum fugatoque à Q. Lucullo Michridate Ponti rege, captaque Tigranocerta, in qua octo talentorum millia prædæ illi cesserunt, opulentiores iam Rom. milites spoliisque ditati, & donis ab imperatore acceptis, ut fieri amat, insolentiores imperium recusabant, nec satisdicto audientes domum cogitabant. Quod ita M. TULLIVS in Maniliana, modestè tamen, apud Quirites interpretatur, ne offendisse quosdam videretur, quasi patriæ potissimum desiderio tenerentur; utpote qui longius à patria diutiusque abessent, quàm æquo ferre animo possent: Noster, inquit, exercitus, etsi urbem ex Tigranis regno ceperat, & praelijs usus erat secundis, tamen nimia longinquitate locorum, & desiderio suorum commovebatur. Q. Horatius verò apertius, quod res erat, ostendit, L. Lucillum longè parentiorem habuisse militem, dum is inops esset, qui fortiter in hostem pugnaret, quàm cum spoliis ditatus imperium ducis abijceret, militaremque disciplinam detrectaret. Ità etiam se iam carmina pangere desisse, & altum stertere velle per iocum Poëta refert, factum iam locupletem, agris aliquot acce-

acceptis; qui antea re non ita lauta versus
quam plurimos stans pede in vno conderet.
Sic enim ille, lib. 11. Epist. ad Florum :

*Luculli miles collecta viatica multis
Aerumnis, lassus dum noctu stertit, ad assem
Perdiderat, post hoc vehemens lupus & sibi & hosti
Iratus pariter ieiunis dentibus acer
Praesidium regale loco deiecit, ut aiunt,
Summè munito, & multarum diuite rerum.
Clarus ob id factum donis ornatur honestis :
Accipit & bis dena super sestertia nummum.
Forte sub hoc tempus castellum euertere Praetor
Nescio quod cupiens, hortaricoepit eundem
Verbis, quae timido quoque possent addere mentem.
I bone, quo virtus tua te vocat, i pede fausto,
Grandia laturus meritorum praemia. Quid stas !
Post haec ille catus, quantumvis rusticus, ibit,
Ibit eo quo vis, qui zonam perdidit; inquit.*

Discedit vero, ut solent saepenumcro poetae,
dum omnia in immensum augent, ab historiae
veritate. Plutarchus enim in Lucullo militibus
Rom. octingentas drachmas Lucillum viritum
dedisse praemij loco capta Tigranocerta re-
fert. Poeta verò viginti millia sestertia num-
mum, qui quingentos aureos, decem drach-
marum singulos efficiunt : quod amplius est
octingentis drachmis.

Mox ἐν παρόδῳ admonéo, in eodem CICERONE
ambigi utro modo legatur: *Mithridates*, inquit,
& suam manum iam confirmavit. Editiones enim
vulgares, *Suum animum confirmavit*, quod placet
magis, praeferunt. Supra enim non longè
M. TULLIUS de Tigrae ait diffidentē rebus
suis

fuis Mithridatem confirmasse. Mentem autem addere dixit Horatius in illis ipsis versibus, praeter Sallustium in Catilinaria, hoc modo :

Verbis, quae timido quoque possent addere mentem.

C A P. V I.

In. hostium esse potestatem : in medium relinquere. Tullij alter pro Lege Manilia post Agellium correctus locus.

M TULLIVS principio Orationis, qua belli imperatorē Mithridatici deligendum Cn. Pompeium, praeterca neminē, suadet; *Regnum, inquit, Ariobarzanis, quod finitimum est vestris vectigalibus, totum esse in hostium potestate. Equidem accusandi casu legendum esse contendo, Totum esse in hostium potestatem :* quomodo possit in hac ipsa oratione reponendum vidit, docuitque Agellius Noctium Atticarū scriptor, lib. i. cap. vii. *In praedonum fuisse potestatem: ἀρχαίων, concinnius nimirum & ad numeros suauiter cadentes aptius, quàm in vulgus editum circumfertur, in praedonum fuisse potestate. Ita Plautus Amphitruone; Nec vero mihi in mentem fuit. Terētius Eunuchō: Ille ubi me videt esse in tantum honorem.*

Et Sex. Propertius lib. ii. Eleg. ix.

Appositum fluvii in Simoënta vadis,

Sed διχοθεν μάψυρα CICERONEM in rem praesentem aduocemus. Sic enim in Quintiana: Itaque ex eo tempore res esse in vadimonium coepit.

Et

Et diuinatione in Verrem: *Ab exteris nationibus, quae in amicitiam ditianemque populi Romani essent.* Pro Quinctio, & pro A. Caecina: *Esse in possessionem bonorum.* Et Verrina II: *Qui illam partem urbis non in eorum potestatem, & portum futurum intelligebant.* Qui locus nostro ita geminus est, ut nō ouum ouo similis esse videatur.

Sic & interdum Graeci εἰμὶ dicunt pro τὸ ἀσπίως πορεύομαι, & contra ἡκα, ἀντὶ τῆ ἀσπίως ἡλθόν. Sic: *In medium relinquere & ponere in medium dixit Q. Claudius I. Annali apud Agellium, lib. xvii. cap. ii. M. tamen C I C E R O in medio ponere, Verrina vi. & i. de Nat. Deor. si propi sunt editi codices: Ut autem In hostium esse potestatem dixit, sic Iure-consulti veteres hostium potiri pro bello captum esse dixerunt, aliter atque Victoria potiri dicimus, ut in Enendationum libris iuuenis admodum obseruarat acui sui flos Ant. Augustinus v. c. Sanè exilia hæc, nec infitior: verum nihilò his meliora adferunt alij in Variis: certè ad similia in assidua C I C E R O N I S lectione, vel his etiam præstantiora obseruanda adolescentes inuito.*

C. A. P. VII.

CICERONIS *lectio in Maniliana à Lambini correctione vindicata.*

Traducere quid?

MTULLIVS de rei militaris in Cn. Pompeio peritia verba faciens, quæ prima in qua-

quatuor virtutibus, quas summo imperatori inesse oportere existimat, cum virtute, auctoritate, ac felicitate: Cuius, inquit, *adolescētia ad scientiam rei militaris non alienis praeceptis, sed suis imperijs; non offensionibus belli, sed victorijs; non stipendijs, sed triumphis est traducta.* Hic enim Lambinus, dum erudita supponit, frustra est, mea quidem sententia: licet hoc loquendi genere orator in extrema Fonteiana sit usus: *Homo non litteris ad rei militaris scientiam, sed rebus gestis ac victorijs eruditus.* Vulgatam tamen facio libenter ut retineam, cum veterum librorum auctoritate, tum quod ita frequentius locutum alibi observem: ut in Planciana: *O adolescētia traductam eleganter.* In Oratore verò paullo aliter: *Adolescentes, inquit, à minutis concertationibus ad omnem vim dicendi traducendos puto.* In Catone Maiore: *Etatem traducere otiosam & quietam, sine vlllo aut labore aut contentione.* Vitā verò traducere Tuscul. III. *Si voluerit hoc, quod datum est, vita, tranquillè placideque traducere.* Et ad Brutum: *Egregijs vitam factis traducere.* Tibullus autem elegās Latini sermonis poëta lib. I. qui locus plurimos de Traducendi verbo ambigentes adhuc exercet:

Me mea paupertas vita traducat inertī,
hoc est, ad inertem ignauamque vitam traducat: quomodo initio huius Manilianæ, omne meum tempus amicorum temporibus transmittendam putavi. Paupertatis inertem vitam appellat, seu ingloriam, ut Maro extremo Georgic. *studijs florentem ignobilis oī, de poëtica, cuius otium gloria vacaret.*

Sic & Matth. I. *παρα δ' ὑμῶν τὸ καὶ, vertit inter-*

pres vetus, noluit eam traducere, quod Græcè sonat exemplum in ea dare noluit, quidam etiam pro traducere in domum suam noluit, accipiunt. B. Augustinus Epist. LIIII. vertit diuulgare, & Sermones XVI. de Verbis Domini in monte. Mox tamen Epist. LIX. exemplare reddit. Quod Hiberis hodie esset, *Saccar à la verguença.*

C A P. V I I I.

Seges pro agro & frugibus. Mæro illustratus & Cicero, Tibullus etiam castigatus.

PRIVS QUAM Poëtam de manibus depono, operam illi demus, ut mutuū præstent. Est enim purus & elegans, bonusque Latinitatis auctor T I B U L L U S, Eques & ipse Roma qua tempestate, ut hodièque, nobilium quam plebeiorem cultior ac politior sermo fuit. Is porro lib. II. Elegia III.

At tibi dura seges Nemesis qui abducis ab Urbe,

Perfoluat nulla semina terra fide.

Guil. Canterus homo doctissimus, non malè de poetis illis meritis, tentavit veriùs, quam sanauit:

— semina testæ fide.

Ego verò si fas ab amico dissentire, retineo. hic enim ait Eleg. VI. lib. II. *Spes sulcis credit aratis*

Semina, qua magno fenore reddat ager. Repono quoque

quoque versu qui antecedit ad *segetem* aspiciens, genere sequiore:

—*quae abducis ab Vrbe,*

sensu plano: Molestè enim fert poëta ruri de-
gere *Nemefin*, domoque abesse; sterilitatem
etiam agro. *imprecatur*. *Seges* itaque hic pro
agro & campo, vt & maiorum gentium poëtae
principi *Virgilio* vsitatum lib. iiii. *Georg.*

Illa seges demum votis respondet auari

Agricola, bis quae solem, bis frigora sensit.

Poëta quoque veteri apud *Tullium* *Tuscul.* ii.

Esi segetem sunt in deteriorem datae

Fruges, tamen ipsae suapte natura enitent.

Idemque *Tibullus* lib. iv. *Eleg.* i.

Nec frugem segetes praebent, nec pabula terrae.

Et lib. i. *Eleg.* iii. ad *Messallam*:

Fert casiam non culta seges, totosque per agros

Floret odoratis terra benigna rosis.

Quem ipsum locum, de campis *Elysiis* illustro
Pindari illis versibus, quos à *Plutarcho* extre-
ma *Consolatione* ad *Apollonium* laudari vi-
deo, itemque libello *περὶ τῆς Λάθε βιώσεως*: Τοῖσι
λάμπει μὲν μένθ' αἰλίου τὰν ἐνθάδε νύκτα κάτω,
φοινικοροδία τε λήμῶνές εἰσι προάσπον ἀνθῶν, καὶ λι-
βαίνω σκιερὸν καὶ χρυσόχαρποισι βέβριθε. Quae *Latini*
sunt numeris reddita: *Fulget illis iubar Titanis*
Cum terras nox obumbrat, Prataque puniceis ornata ro-
sis Eorum sunt suburbium Thuriferis arboribus, Et au-
reos ferentibus fructus opacum.

Alias pro frugibus *seges* adhibetur, vt à *Ma-*
rone: *Quid faciat laetas segetes.* Et idem cultissimus
Poëta, lib. ii. *Eleg.* i.

Neu seges eludat messem fallacibus herbis.

C A P. I X.

Dignitas & venustas. *Ciceronis lectio
defensa in Liciniana.*

CONSERVATE, Iudices, hominem pudore
eo, quem amicorum studijs videtis comprobari, tum
dignitate, tum etiam venustate. rō studijs, vt glossema,
tollendum Lambinus censuit, quasi significet
Orator pudorē Archiae ab amicis & dignitate
præstantibus viris, & venustis ac politis cōpro-
bari. Fulvius verò Vrsinus studiij vocē retinet ac
venustatis. Pudor enim, inquit, dignitas, venu-
stas, & ingenium sunt in Archia omnia; vetu-
stas neque est, neque esse potest. Variæ itaque
hîc ac repugnantes Criticorum sententiae,
quas tamen ne paginas impleam; in præfatis
omitto. Muretus enim elegantissimi vir inge-
nij, lib. xii. Variarū lect. cap. xv. *venustate* hîc,
Paullo Manutio aliter antea sentiente, repo-
nendum putavit. Equidem vulgatam libenter
retineo, nisi si veteres libri, quorum magna est
apud me auctoritas, repugnent. Scio M. T V L-
L I V M in Officiis vt *dignitatem* viris, sic feminis
tribuere *Venustatem*; non raro tamen ab ipso di-
crimen negligi observatum. Non longè abie-
ro. In hac ipsa oratione pro Archia de Roscio
histrione verba faciens: *Qui*, inquit, *cum esset*
senex mortuus, tamen propter excellentem *artem & ve-*
nustatem, videbatur omnino *mori non debuisse*: nisi for-
tè de actionis, gestuumque, nō de hominis for-
ma

ma accipias. Alios itaque testes dabo omni & ipsos exceptione maiores. Terentianus Pamphilus ille in Hecyra ait :

Quis me est fortunatior, venustatisque adeo plenus?

Alter item Pamphilus in Andria.

Adcon' hominem esse inuenustum aut infelicem quemquam, ut ego sum?

Horatius quoque Epist. vi. lib. i.

Et genus & formam regina pecunia donat,

Et bene nummatum decorat Suadela, Venusque.

Accedit adhuc cur venustatem hic libentius retineam, quod eam fere Orator dignitati coniungere soleat, ut in Oratore: *Vultus multam adfert tum dignitatem, tum venustatem.* Et i. de Orat. *Ad extremum agere cum dignitate & venustate.*

C A P. X.

Superstites præsentes, Libripens.
Vindiciae. Insignis Ciceronis locus in
Muraeniana illustratus.

MTVLLIVS Cos. cum L. Licinium Muraenam Consulem cum Decimo Junio Silano designatum in annum Urbis conditae 1561. ambitus accusatum non solum à Cn. Postumio, sed & à Seruio Sulpicio, & M. Porcio Catone defendendum suscepisset; quorum hic grauitate nullius in Rep. delicto ignoscendum esse putabat; ille vero competitor repulsam tulisse, seque Iure-consultum ab homine armis dedito victum molestè ferebat:

B 3



bat: ita Iuris-prudentiam cum militari gloria iracundè, vt apparet, an causæ feruiens, comparauit, vt militiam Iuris-prudentiæ longe anteferret; adeoque vel triduo, si stomachum mouerent, Iuris-consultum se professurum iactaret. Cumque illi defensionis cum M. Crasso, quiq̃ eloquentiæ laude tum maximè florebat, Q. Hortensio instituta esset contentio, totam, vt vinceret, insomnem lucubrando noctem traduxerit; vsque eo vt nimis curis, vigiliisque afflicta valetudine inferior Hortensio, ipsique in actione concedere visus sit. Ita enim reddenda illa Plutarchi: ὡς ὑπὸ τῆ σφόδρα προύλίσαι καὶ διαγρυπνῆσαι κακῶθεις, ἐνδεέστερον αὐτῷ φανῆναι. Non, vt quidam mutarunt, αὐτοῦ pro αὐτῷ: neque vt alij, μὴ ἐνδεέστερον αὐτῷ φανῆναι. In ea igitur oratione consulari, maximeque illustri lure-cōsultorum formulas irridens C I C E R O, Vindiciarum hoc carmen exagitat, in quo variae sunt & repugnantes doctorum hominum sententiæ, vt & ipse, qui ferè de plano pronunciat Lambinus, hic animi dubius ἐποχῇ illam Academicorum laudet, probetque. Sic itaque C I C E R O: Praetor, inquit, interea ne pulcrum se ac beatum putaret, atque aliquid ipse sua sponte loqueretur, ei quoque carmen compositum est, cum ceteris rebus absurdum, tum vero nullo vsui, VTRISQ. SUPERSTITIBVS PRAESSENTIBVS ISTAM VIAM DICO. ITE VIAM. praesto aderat sapiens, qui ire viam doceret: REDITE VIAM eodem duce redibant. Hic cum olim Ant. Augustinus, excellenti vir doctrina, pro VTRISQ. legendū coniecisset VIRISQ.

ad Fe-

ad Festum Pompeium, quem cum M. Varrone etiam tum adolescens legi primum & intelligi docuit; Ant. Couarruias Didaci frater, Senator regius, qui-cum omnia mihi necessitudinis iuraintercellerunt, VIRIS QVINO SVPERSTITIB. non longè discedens, legendum sibi videri coram affirmavit. Iure enim Quiritium, vt septem in testamentis testes adhibebantur, sic in codicillis quinque. In testamentis verò postea Leonis Imp. iunioris Constitutione in Nouellis, totidem adhibiti, qui hodiè Iure Pontificio ad tres reuocantur. Quinque autem illis testibus à Romanis *Libripens* additus. Sic enim ex lib. I. Caij Institutionū Boëtius in Topica C I C E R O N I S lib. III. *Emancipatio adhibitus non minus quam quinque testibus ciuibus Romanis puberibus, praeterea alio eiusdem conditionis qui libram aeneam teneat, qui appellatur Libripens: & Priscianus lib. V. extremo ex eodem Caio: Adhibitis, inquit, non minus quinque testibus puberibus: item libripende, qui libram aeneam teneat, qui appellatur Libripēs.* Petrus vero Ciacconius Toletanus, quem aevi sui alterum Varronem merito dixerim, ita hunc locum concinnandum rogatus per epistolam respondit: Tum verò nullo usu vtrifq; SVPERSTITIBVS PRAESENTIBVS, SVMITE VINDICIAS ITEVIAM. Ciceronis enim & Caesaris aetate quarti ordinis nomina dādi casu in uenisse, vt usu pro vsui dixerint, monent Priscianus, Diomedes, & Agellius lib. IV. cap. XVI. *Superstites autem hic testes nominantur. Sic enim Festus Pompeius: Superstites praesentes, testes praesentes*

significant. Cuius rei testimonium est, quod superstitibus praesentibus, si inter quos controuersia est, vindicias sumere iubentur. Plautus in Artemone :

Nunc mihi licet quiduis loqui, nemo hic adest superstes. Priora enim Festi idem Petrus sic emendabat è dictione Pubes : Pube inquit, praesente, est populo praesente. E sequentibus verò Sex. Pompeij verbis, quibus actorem & reum iuberi ait à Praetore superstitibus praesentibus vindicias sumere ; eodem modo legendum esse in Cicerone putabat s V M I T E V I N D I C I A S, ex obscuris hisce vestigijs istam viam dica. Nullo itaque vsui esse hæc verba iactat Orator vtrisque, id est actori & reo; ideoque dicis dumtaxat caussa ea à Praetore dicebantur, neque vindiciae in re praesenti sumebantur, neque in iure manu confertum. Alij autem V T R I S Q V E S V P E R S T I T I B V S formulae Praetoris applicant, Seruius Honoratus ad illud Virg. III. Aeneid.

—superestne & vescitur aura Aethera?

Sic legit: superstes praesentem significat in Muraeniana: S V I S V T R I S Q V E S V P E R S T I T I B. id est praesentibus. Quare tò praesentibus ex ora in contextum C I C E R O N I S irrepsisse videtur, vel, quod est verius, corruptum esse locum ac mutilum, cum pro vsui, suis legat Seruius. Priscianus quoque sua tempestate vitiose lectum in M. T V L L I O lib. x. Grammatic. satis ostendit. Rectius verò Isidorus Hispalensis legit libr. xviii. Etymolog. cap. xv. Testes, inquit, antiquitus superstites dicebantur. Vindiciarum autem Lex sic fere in

XII. Tabulis concepta à x. Viris apud Agellium libr. xx. cap. ix. SEI. QVEI. IN. IVRE. MANVM CONSERVNT. VTREIQ. SUPERSTITIB. VINDICIAS SVMVNTO. Seruius vero Sulpicius, qui Muraenam ambitus, vt dixi, accusauit, in conuulsis lacerisque Festi scedis, nomine (sic enim sarciri locum posse video) etiam singulariter formato Vindiciam esse ait, quae de re controuersa est, ab eo quod vindicatur. Non igitur assentiamur iis qui Vendico per secundam vocalem scribendum esse contendunt; cum à Vindice nota manumissionis virga Vindiciae deriuentur: etsi Vendito à vendo frequentatiuum scribatur.

C A P. X I.

Pars mei melior. Glossema in Orat.
pro Archia sublatum: alter item
locus illustratus.

DE animorum immortalitate ex gloriae cupiditate ducto argumento disputans extrema Liciniana CICERO: Haec, inquit, siue à meo sensu post mortem futura sunt, siue, vt sapientissimi homines putauerunt, ad reliquam animi mei partem pertinebunt, nunc quidem cogitatione quadam, speque delector.

Quandoquidem *tò animi* in libris quibusdam desiderari Muretus affirmat, assentior eidem veram esse lectionem, *Ad reliquam meì partem per-
tinebunt.* Superstitibus id testibus comprobe-
mus : Ovidius :

*Parte tamen meliore meì super alta perennis
Astriferar. —*

Horatius lib. III. Carminum extremo:

*Non omnis moriar, magna que pars meì
Vitabit Libitinam, usque ego postera
Crescam laudò recens*

Idē tamē poëta Venusinus *animā* alibi adiecit:
—— *Finibus Atticis*

*Reddas incolumem, precor,
Et serues animae dimidium meae.*

Verum in eadem ipsa Oratione supra occur-
rit : Iam vero ille, qui cum Aetoliis Ennio comite bellavit
Fulvius, non dubitavit Martis manubias Musis consecra-
re. Illud idem Orator Tusculana I. sic extulit.
Honorem Poëtarum generi non fuisse declarat oratio Ca-
tonis, in qua obiecit ut probrum M. Nobiliori, quod in pro-
vincias Poëtas duxisset. duxerat autem Consul ille in
Aetoliam, ut scimus, Ennium. Et C. Plinius lib. xxxv.
cap. x. Zeuxis fecit figulina opera, quae sola in Ambra-
cia relicta sunt, cum inde Musas Fulvius Nobilior trans-
ferret. Hic autem M. Fulvius in Fastis trium-
phat Capitolinis anno post Ro. cond. 104 xvi.

C A P. XII.

CICERONIS *Philippicae*, prima &
 item altera quæ illustratae, quæ
 emendatae.

DEMOSTHENEM imitatus M. TULLIUS suas in M. Antonium inuectivas non Antonianas sed *Philippicas* appellauit, in quas hoc capite notare quædam visum est. Earum prima sic habet: *Quod est Augurum antediceret ea quæ vitari possunt.* Expressit, credo, Demosthenis illud in ea quæ de Corona est: Ο γὰρ σύμβουλος καὶ ὁ συκοφάντης ἐν οὐδενὶ τῶν ἄλλων οὐδὲν τοιχότες ἐν τοῦτῳ πλεῖστον ἀλλήλων διαφέρουσιν. ὁ μὲν γὰρ πρὸ τῶν πραγμάτων γνώμῃ ἀποφαίνεται. &c. Ad alteram transeo. Placuit idem quod *Consularibus M. Catoni*, qui cum multa vitâ excedens pronidit, tum quòd te *Consulem non vidit.* Sensus hic commodus videatur, quasi è vita abire atque decedere maluerit M. Cato Uticensis, quam, quod futurum prouiderat, Consulem te videre. Mox: *Dat natalitia in hortis, cui? neminem nominabo.* Putate tum *Phormioni alicui, tum Gnathoni, tum Ballioni:* nō temere id Orator dixit. *Ballio* enim quidam in *Plauti Pseudolo* dat item natalicia: *Phormio* quoque apud *Terentium.* Sequitur: *At etiam quodam loco facetus esse voluisti.* Quid si ioco legas? nam de iocis egit antea paullo. De iocis autem M. Antonij *Plutarchus.* Siquis tamen vulgare scripturam, ut de loco orationis Antonianæ sermo sit, tuebatur.

bitur, animus est cum eo non admodum pugnare. Post paullum: *In te, M. Antoni, id decreuit Senatus, & quidem incolumis, nondum tot luminibus extinctis, quod in hostem togatum decerni est solitum, more maiorum.* Cur togatum potius quàm sagatum? cum in Caesarem armatum Senatus-consultum illud latum esse ipse affirmet: *Videret Consul, ne quid Resp. detrimenti capiat?* Fuit cum hic rogat, pro rogatione rescribendum putarem. Togatum tamen retineo. Decernere enim, quod Senatus est proprium, non rogatione fit, sed est auctoritatis proprium. Illud *more maiorum*, recte hic accipit Paullus Manutius, optimè de C I C E R O N E meritis. Deinde: *Licinium Lentulum de alea condemnatum collusorem suum restituit.* Addit hic rursus de suo nimis largus Dion. Lambinus: *non ut luderet cum restituto: frustra, si quidem cum Mureto mox legeris: Non quasi ludere cum condemnato.* Longius paullò: *Modo egens, repente diues.* Respexit eodem M. Seneca Rhetor. in Suaforia extrema, & Muretus lib. xx. Variarum, quos libros à naufragio seruauimus. Omnino ex Poëta aliquo depromptum esse cōijcio. Anacreontici propemodum numeri sunt, qualia ferè illa quae antecedunt: *Persultabat gaudio persona de mimo.* Et supra salis aliquid de mima vxore traxisse ait. Infra: *Materia facilis est in te, & in tuos dicta dicere.* Hic glossemata multa sunt, quae & in Suetonij libello, aut cuius est, de claris Rhetoribus hunc locum exhibente reperias: sed vel dicere tantum (nec enim hic Atticismus ille quadrat, *dicta dicere, ut vitam viuere:*) vel certe nisi me aures tritae, mensque fallunt,

dicta

dicta iacere, scripsisse arbitror M. TULLIUM.
 Sub finem orationis : *Vexauit Puteolanos, quòd C. Cassium & Brutos patronos adoptassent, magno quidem studio, iudicio, beneuolentia, caritate; non vt te & Basilum, vt & armis & alios vestri similes.* Dion. Lambinus rò patronos delendum curauit. Sed quid illud, *Vt & armis?* Reponendum fortasse vt *Tamisium*, de quo gladiatore non semel suprà, & in epist. ad Atticum. *Basili autem lib. III. Officiorum meminit.* In eadem oratione : *Sumfisti virilem togam, quam statim muliebrem stolam fecisti.* Gab. Faernus accuratae vir diligentiae in Latinis auctoribus tractandis, de vetere cod. Rom. sic edebat : *sumfisti virilem, quam statim muliebrem togam reddidisti.* At meretricum toga erat, matronarum vero stola. Horatius, lib. I. serm. Sat. II. v. 62.

—quid inter-

est, in matrona, ancilla peccesue togata?

Eademque Satyra de matrona loquens stolam attribuit :

Ad talos stola demissa, & circumdata pallis.

Adulterij quoque damnatae impudicitiam profiteri, togamque gestare cogeabantur, vt apud Martialem, aliosque auctores legisse memini.

C A P.

CAP. XIII.

*Iulius Seuerianus Rhetor è Cicerone, &
CICERO Philippicis emendantur.*

CALVMNIABATUR M. Antonius Ciceronem, quodd corpus Lentuli Surae, qui coniurationis Catilinæ conscius fuisset, sepulturæ non mandasset: impieque factum videri, sumtum esse de eo more maiorū supplicium in Tulliano, cū tamen iure caesum concederet. Ad quem locum respiciens Iulius Seuerianus Rhetor (cuius & Sidonius Apollinaris meminit, estque nuper è tenebris in lucem à Luca Fruterio Brugenſi reuocatus) cum de aduersariorum argumentis dicendi ille magister praeceptiones tradit: *Propositis, inquit, quibus responsuri sumus, quaerendum nobis erit, an inter se comparatae repugnantes sint, vt suis armis corruant: vt* CICERO de Antonio: *Auunculum sceleratum esse fatebatur; poena affectum querebatur.* Hic emendandum è M. TVLLIO censeo, quia *μνημονικὸν* est ἀμείλιχον, aut pro *Auunculum*, P. Lentulum rescribendo: aut certe *vitricum*, non *auunculum*, qui L. Caesar fuit. Sic enim Philippicis CICERO: *Vitricum tuum fuisse in tanto scelere fatebare, poena affectum querebare.* De hoc autem Lentulo, cognomento Sura, & in coniuratione Sallustius, & Plutarchus commemorant. Lentulum autem Antonij vitricum fuisse in ea ipsa Oratione TVLLIVS docet: Iuliam scilicet M. Antonij

tonij matrem iterum nupfisse P. Corn. Lentulo Surae, qui post cum Catilina aduersus Remp. coniurauit, poenasque capitis dedit: *Hunc tu, inquit Orator (Lucium Caesarem) cum auctorem & praeceptorem omnium consiliorum, totiusque vitae debuisses habere, virrici te similem quam auunculi maluisti.*

In prima autem Philippica locus est subobscurus: *An si cui quid ille promisit, id erit fixum? Quod idem facere non potuit, ut multis multa promissa non fecerit.* Ant. Muretus Notis ad Philippicas post Faernianas editis tentabat: *Quod idem non facere potuit.* Sensus sic erit apertus: Nihil minus ratum habendum quam eius promissa, quæ tali tempore non potuit non multa facere, ne suos abalienaret, sed sibi potius adiungeret. At alterum deesse membrum Manutius credidit: *Quod autem in aes incidit, id ratum non erit? nisi forte ἀποσιώπησις est, iratis familiaris.*

C A P. XIV.

CICERONIS loca aliter, atque vulgò leguntur, ab antiquis allata.

No t v m. est Tullij ut optimi Latinitatis auctoris, testimonia plerosque scriptores scriptis suis inferuisse. Vnde enim potius hauriant, quam ex fonte illo Rom. eloquentiz vberissimo? Si quid enim doctè, eleganter, sci- teque dictum est, dixit idem TULLIVS: si
senten-

sententiarum splendor & nitor requiritur, est in Tullio: si Philosophum subtilem, Senatorem perfectum, Oratorem optimum quis desideret, in vno Tullio coniuncta haec reperientur: ut minimè mirum videri debeat ad eius se imitationem praestanti semper iudicio viros contulisse, eiusque in re litteraria principis sententiam secutos. Quod verum esse paret, cum doctorum hominum iudicijs, quae libro secundo Tullianarum Quaestionum nuper collegimus; tum multorum auctoritate Scriptorum, qui eius sunt testimonio vti, confirmare possumus. At sufficiat in praesens diuersa ab alijs laudata, allataque verba cum ipso fonte conferre. Vnde liquido discas plurima hodie in auctoribus notæ melioris aliter citata legi, quam apud Ciceronem reperiantur. Verbi gratia, cum in Pisoniana vulgo legatur: *Quem in hoc animali inuenire non possum*, Isidorus Hispal. lib. 11. Etymolog. cap. xxxi. legit: *In hoc maiali. Philippica quoque 11. Seruitus est postremum omnium malorum, non modò bello, sed morte etiam repellenda.* Sic idem Isidorus in antiquis Originum membranis lib. 11. cap. xxx. profert, Ciceronis verò editiones repellendum habet, ut ad postremum referatur. Ibidemque Isidorus sic habet: *Gloria est laus recte factorum ex 1. Philippica in M. Antonium.* Aliter enim M. TULLIVS in capro M. Marcello. *Gloria est illustris ac peruagata multorum & magnorum, vel in suos ciues, vel in omne genus hominum fama meritorum.* Disertius etiam 111. Tusculana: *Est consentiens laus bonorum, incorrupta vox bene iudicantium de eccellente virtute. Ea Virtuti respondet,*

spondet tanquam imago gloriae. Vbi rō gloriae fodio, aut verò subrici malim: quomodo hxc reddidit
Q. Flaccus in Odis. Pro Deiotaro quoque aliter hunc Oratoris locum legit: Is non modo de tali periculo liberatus; sed honore amplissimo ditatus domi te interficere voluerat. Amplius enim vulgati
CICERONIS codices: Is non modo à tali periculo, sed etiam honore amplissimo ornatus arguitur, domi suae te intersectum voluisse. In Miloniana principio hic locus aliter apud Isidorum est, lib. III. Originum cap. XVIII: Etsi vereor, Iudices, ne turpe sit pro fortissimo viro dicere. Addit enim & ille incipientem timere: quod saluo sensu abesse posset. Et mox. Veterem consuetudinem fori, & pristinum morem iudiciorum minime vident. At M. Fabius lib. XI. Instituit. Orator. legisse eo saeculo videatur, pristinum morem iudiciorum requirunt.

Lib. IV. in Verrem, quae de Signis est oratio: Tum iste (Verres) ab Equite Ro. splendido & gratioso Cn. Calidio, cuius filium sciebat Senatorem populi Ro. & Iudicem esse, equuleos argenteos nobiles, qui Q. Maximus fuerant, aufert. Vbi ad oram Lamb. alleuit eculeos etiam scribi, quod & litteratoribus in vulgus notum: C enim Q & K commutari inuicem solent. Illud malè, nescio an ab alio Dionysio adscriptum, nec enim Lambini id esse arbitror, culleos argenteos legèdum esse, pro vasis vinarijs, quae correctoris illius audaculi mensae potius quadrent, quam huic loco conueniant. Pugnant enim libri veteres, & magna Prisciani auctoritas, qui lib. III. Grammat. de ὑποκορισμοῖς agens, in Leus terminantibus eculeos legit: sed illud librariorum ibi vitio corruptum:
 S *quique*

quique maximè fuerant. Sed quid ago? C I C E R O ipse οἰκοθεν μαρτυρῶν testimoniū dicat: retinēdam nimirum editam scripturam: *Nollem* (inquit) *statim dixisse: iactabit se, & in his equitabit equuleis.*

In ea pro Sex. Roscio Amerino, hunc quoque locum Carisij Sosipatri ope, diuini vir ingenij I. L I P S I V S noster in Variis libr. IV. cap. VI. amplius legendum acutè vidit, etsi admodum adolescens tum esset. Sic enim in vulgus editur: *Cum iam proscriptionis mentio nulla fieret, & cum etiam ij, qui antea metuerant, redirent, ac iam defunctos sese periculis arbitrarentur, hominis studiosissimi nobilitatis manceps sit Chrysogonus.* Fl. vero Grammaticus ille pereruditus suo ita aeuo legisse videtur: *Cum iam nulla proscriptionis commemoratio fuerit, cum etiam ij qui autem metuerant redirent, ac defunctos sese periculis arbitrarentur, nomen refertur in tabulas sex Roscij, hominis studiosissimi, nobilitatis manceps sit Chrysogonus.*

C A P. X V.

Respectum habere, agere: ὀφειλόμενον
Philippicae Tullianae illustratae.

IN diuinis illis, vt Satyricus quidem nominat Philippicis modum loquēdi saepiùs obuium notabam, indictum tamen aliis eruditissimis interpretibus, Ferrario, Caelio, Faërno, ac Mureto. Sic enim ille lib. x. de Graecia, quae, nisi M. Bruti virtus obstitisset, in M. Antonij potestatem facile concessisset, *Quae quidem nunc*
M. Bruti

M. Bruti imperio, auctoritate, copijs, non instructa solum, sed etiam ornata, tendit dexteram Italiae, suumque ei praesidium pollicetur. Quod qui ab illo abducit exercitum, & respectum pulcerrimum, & praesidium firmissimum adinuit Reip. Ita enim ex optimis & antiquissimis Romanis codicibus Gab. Faërnus veterum Cenfor acerrimus edendum curauit, cum antea vulgati libri mutili essent, legerentque: Quod qui ab illo abducit exercitum pulcerrimum, & praesidium firmiss. adinuit, Reip. Idē Orator Philipp. xi. Decernerem planē, sicut multa, Consulem alterum ambosue, ni Brutum colligassemus in Graecia, & eius auxilium in Italiam vergere, quam ad Asiam maluissemus: non ut ex ea acie respectum haberemus, sed ut ipsa acies subsidium haberet etiam transmarinum. Editur enim vulgò malè: Ut ex ea acie auxilium haberemus. Hieron. Ferrarius, homo eruditus, qui in his Philippicis emendandis, Manutioque consecrandis bonam princeps operam nauauit, explanabat Respectum habere, pro spem in aliquo collocare, passim obuiis allatis exemplis: quod quem amamus in oculis ferre dicamur, & Oculisimus est Plauto qui carissimus: & Lumina filij sunt, quibus priuati orbat dicuntur. Faërno tamen, homini acutissimo, probare sententiam non potuit, cum tamen ipse meliora in praesens adferre se non posse ingenuè fateretur: eruditiores excitasse, industriaque sua ad opem ferendam inuitasse contentus. Arduū est enim, fuitque semper difficile obscuris lucem, ac dubiis fidem, & his omnibus auctoritatem conciliare. Audax hoc igitur nostrum facinus, nec infirior;

—Hos inter tantas componere lites.

Conandum tamen, siquid forte succedat,
—quo me quoque possim Tollere humo Equidem hic
Respectum habere παθῆλικῶς vsurpasse C I C E R O
N E M credo, non comparatum exercitū quem
metueret Antonius, sed qui praesidio esset cae-
so iam ad internecionē Ro. exercitu ad Muti-
nam. Quem enim reueremur, vt liberi paren-
tes suos maioresque solent; vel quem metui-
mus, vt serui dominos; identidem respicere,
vultumque animi speculum intueri, sitne tri-
stis, an ad hilaritatem compositus; solemus.
Iuuenalis Sat. VIII. pro metu sumsit:

Nil ibi maiorum respectus; gratia nulla

Umbrarum—

Et Naso I. Trist. Elegia III: mei & sui respecta,
παθῆλικῶς, pro eo qui respicitur dixit. At do-
mestico est testi habenda potius fides. Sic enim
C I C E R O lib. I. de Diuinat: Fugientibus misera-
bilem respectum incendiorum, pro horrendo specta-
culo: Et Philipp. V. sed ἐρεπῆλικῶς: Vtinam
C. Caesari, patri dico, contigisset adolescenti, vt esset Se-
natui, atque optimo cuique carissimus. Quod cum conse-
qui neglexisset, omnem vim ingenij, quae summa fuit
in illo, in populari leuitate consumsit. Itaque cum res-
pectum ad Senatum & ad bonos non haberet, eam sibi viam
ipse patefecit ad opes suas amplificandas, quam virtus li-
beri populi ferre non posset. Queritur C I C E R O
nullam habitam à Caesare Senatus, & Reip.
studiosorum rationem, sed hos ipsos à Caesare
contemptos: idque eo ipso tēpore, quo habitae
sunt orationes illae in M. Antonium, noua mo-
lientem, tyrannidemque affectantem. Quo
de fla-

de statu sic ad Brutum ipsum, C. Caesaris cum Cassio percussorem, scribit, superiorem locum mirificè illustrans: *Ex me illud est quod te velim habere cognitum, meum quidem animum in acie esse, neque respectum vllum quaerere, nisi me vtilitas ciuitatis forte conuerterit. Maiores autem partes animi Te, Cassiumque respiciunt.* Hic forsitan pro studio rationeque, qua ad aliquid agendum impellimur, dixisse videatur, vt T. Liuius lib. xxi. Annalium ab V. C. verè & eleganter: *Sed factione respectuque rerum priuatarum, quae semper offecere, officientque publicis consiliis, Appius vicit.* Herodotus hoc Graecè *ἐπὶ τῷ ἐχέειν* extulit. Valerius autem Maximus inclinante iam sub Domitiano aurei saeculi eloquentia, *Respectum agere* dixit lib. iv. Memorabilium cap. v. Itaque rogabat eum, vt à se, dum inepiae rei deseruiret, discederet, maiorem verecundiam dignitatis eius, quàm candidae togae suae respectū agens. Illud *ἐν παρόδῳ* aduicio lib. x. Philippic. *Quod qui ab illo abducit exercitum, Faernum non rectè mutare conatum in, Quare qui ab illo, contra libros veteres, veterumque auctoritatem.* Sic enim M. Plautus particula *Quod*, pro *Quod attinet ad*, frequenter est vsus, vt in Aulularia:

Quod quisquam ignem quaerat, exstinctum volo.

Asinaria: *Quod illa dicat peregre allatam epistolam.*

Milite: *Quod ille gallinam aut columbam se sectari aut simiam*

Dicat, periistis, nisi vsque ad mortem multatis male.

CAP. XVI.

Vinctae per ὑπὲν dictiones antiquis usitatae. Nec-opinanti, nec-opinato, ἀπροσδοκῆτως CICERONIS retentio lectio.

QUAE primo & quinquagesimo aetatis anno de Haruspicum responsis M. CICERO differuit, post Ro. cond. 1097. Cn. Lentulo, & L. Philippo Coss. in eius orationis extremo hic mihi nodus manum iniecit: *Nisi forte existimatis hanc tantā illi colluisionem, tantamque euerisionem ciuitatis in mentem subito in rostris nec-cogitanti venire potuisse.* Dionysius Lambinus legendum omnino contra libros omnes contendit *subito in rostris concionanti.* Aliis persuadeat, mihi non item, qui in ea semper fui sententia, veterum ut scripta non temere sollicitanda, sed religiosè tractanda esse existimarem, ferremque potius, quoad possem, quæ commodum sensum eiicerent; quàm ut audax, aut ingeniosus in alienis interpolandis videri vellem. Scio in Rostris statutam Lepido statutam, scio è Pisoniana semper in Rostris curiam, in Senatu verò populum defendi; sic & *Pro Rostris* habitas orationes frequentius quàm *in Rostris* obseruo. Adhaec cum subito ait CICERO, equidem non video cur Dionysium adeo hic offenderit vox per hyphen coniuncta *nec-cogitanti.* Et verò
multa

multa meditātibus occurrunt, non raro etiam nec-opinantibus incidunt non pauca. Memoria itaque repetat vir bonus, cuius Manes non sollicito, quod alias notatum memini & obseruatum, C I C E R O N I nostro id esse perfamiliale vinctas seu iunctas per hyphen voces componere, & hanc ipsam qua de agitur, in Officiis: *Nec-opinata bona*. In M. Antonium, *nec-opinato cum ostendisset*. Et de finibus: *Alteri alterum nec-opinato vidit*, quod Graecis esset ἀποδοξίτης. Sic Comicus in Scipsum puniente:

Vt hanc laetitiam nec-opinanti primus obijcerem.

Quod hic Tullius *nec-cogitanti* dixit, pro nihil tale opinanti, praeferque spem atque expectationem. Sic & in XII. Tabulis: *Furtum manifestum & Nec-manifestum*. Item *Res nec-mancupi*. Manifestum enim furtum Masurius Sabinus Iurisconsultus apud Agellium lib. XI. Noctium cap. vlt. quasi a manu ferendo deriuat, vt *Insestus*, ab inferēda iniuria. Contra *Nec-manifestum*, cum fur non manu furtum ferens deprehensus est. Tu vide L. 3. & sequ. Pand. Tit. de Furtis, & Paullum, lib. III. Sententiarum, Tit. xxxi. Ad imitationem Decem-viraliū Orator noster II. de Legibus: *Magistratus nec-obedientem & noxiū suū coërcendo.*

*Idem Graecis, Latinisque Poëtis visita-
tum fuisse ostenditur,*

POETIS verborum ob necessitatem archi-
tectis id aded familiare, vocabula sic vin-
cire, vt negationes & Aduerbia nomini potiùs
proximo, quàm verbo colligarentur. Quae res
obseruata, dici non potest quantam saepenu-
mero obscuris lucem adferat: videruntque id
acutè, vt omnia, in difficili sanè Poëta Sex. Pro-
pertio G. Canterus, & I. Passeratius, homines
eruditissimi. Exemplis, age, rem repraesente-
mus à Negantibus ducto initio.

P. Terentius, vt hinc auspicemur, in Prologo:

Faciunt ne-intelligendo, vt nihil intelligant.

pro nō intelligēdo, vt *nefas, nefastus, nefrens*. Et si non
me fugit alios *nae* pro *certe* passim interpretari.
Maro Georgic. lib. III. v. 95.

*Hunc quoque, vni aut morbo grauis, aut iā segnior annis
Deficit, abde domo, nec-turpi ignosce senectae.*

Generoso equo, qui Olympia saepè vicerit,
ignoscendum ait in aetate senili, *nec-turpi*, hoc
est non ignobili aetate aut ingloriae: itaque
Seruius ibidē: vt locus correctione cuiusquam,
vt Aurati & Canteri, non indigeat.

Catullus in Pelei Epithalamio:

Funera Cecropiae nec-funera portarentur.

Id est, corpora mox peritura & adhuc viua
ferrentur. Graeci ita frequenter, Sophocles
quidem *ἐχθρῶν ἀδέρφα δῶρα*: & in Electra idem
μήτηρ ἀμήτωρ, λχαρις χάρις. χάρις βραδύπυς Eu-
ripidi in Hecuba *γύμφῳ ἄνυμφον. παρθένον ἀπαρ-
θιγον.*

θενον. Item ἄγαμοι γάμοι, quod Ennius dixit innuptas nuptias, qui & *Mentes dementes* alibi. τάρων ἄταρον, quod prima Philipp. *Insepultam sepultam*. Horatio vero insaniens sapiētia Oda xxxiii. lib. i. & in M. Plauti Epitaphio apud Agellium lib. i. cap. 24. *Numeri innumeri*. Propertio id est frequens admodum lib. ii. Elegia xxx.

Quae non-iure vado Maeandri iacta natasti.

hoc est, fistula immeritò abiecta à Minerua in Maeandrum fluuium. Venio ad aientia cum particulis *Semper, Nunc, Ante*, ac similibus. *Nunc-Dea* Tibullo li. i. Eleg. iii. Propertio & Lucano *Isis* dicta, quasi recens tū Diuis esset adscripta.

Euoluam busto iam-numen gentibus Isin

Propertius lib. ii. Eleg. xxviii:

Io versa caput primos mugiebat annos:

Nunc-Dea, quae Nili flumina vacca bibit.

T. Lucretio *semper-florētis Homeri*, lib. i. vt Maroni *Semper-Deus* in Bucol. αἰθερος. eidemque *Antenialorum* i. Aeneid. quod & in Glossariis reperiunt. Terentio in Andria *Semper-lenitas*:

Heri semper-lenitas mirabar quorsum euaderet.

Propertio nihil his est vſitatius: *Semper-amor, amans, -amicitiae, -furor, -lentus, -opus, -vine, -cupidus*, & id genus alia, quae non colligo. Vt Appuleius Flo. iii. *Semper-amorū* dixit, & Naso iv. Fast. *Semper-parens*. Rursum *Semper-aquas*, pro perēnibus, idē Propertius. Graecorū haec exēplo, qui cōponunt feliciter αἰδαλός, αἰλαμπές, αἰμνησος, αἰέρρος, αἰφύλλος. Et Dion Cassius, αἰπαρθένος ἑστιάδας Vestales perpetuas virgines. vt hodieq; Ecclesia Catholica Deiparā αἰπαρθενον *semper-Virginem* venerans meritò appellat, & θεολόχον,

Clodij Praetura. Boues Lucæ, elephantii.

Glossema in Oratione Ciceronis pro Domo

Sublatum, Lactantius, & Claudianus

Mamercus emendati.

Locvs Oratione pro Domo interpretes tor-
 sūt haud dubie, sed silētio dissimulare, vt fit,
 ac praeterire, quā ignorantiam profiteri ma-
 luerūt. Ecquis enim quod ignorat explanaue-
 rit? In eius Orationis parte extrema P. Clodij
 hominis flagitiosi, vt alibi saepè, vitam moreſ-
 que dum Orator recenset; rursus ille nobis
 ad partes vocandus est. Verba itaque apponere
 non pigebit: *Is postquam intellexit, posse se interuersa*
AEdilitate à L. Pisone Consule Praetorem renunciari, si
modò eadem prima littera competitorem habuisset ali-
quem; AEdilitatem duobus in locis, partim in arca, partim
in hortis suis collocavit. Interrogatus aliquando ab
 eruditissimo amico ac diligēti Ciceronis lecto-
 re, quae haec tandem prima littera esset ἀνιστη-
 ρίως dicta. De plano respondere vt non debui,
 sic nolui; Non enim, vt ille aiebat, è numero
 sumus vomientium; nam & Lambinum, homi-
 nem doctissimum hic ne haesitasse quidem,
 verbumque nullum commutasse cetera non
 indiligentem video. οὐδ' ἐγὼ γάρ. Alterum verò
 Dionysium Gallū, edito Ciceronis contextu,
 addita Synopsi, & Pandectis Iuris egregie
 illu-

illustratis, ad oram scripsisse video *pramaturi*:
talem competitorem: quod quale sit equidem non
 diuino, nisi, ut suspicor, operarum culpâ men-
 dum est, locumque obscurat magis. Quid Ma-
 nutius? Thomas enim Freigius Germanus,
 pisce & hic magis mutus est. Paullus verò, quid
 verba sonent, sic nos edocet; nodū tamen non
 expedit; de mendo autem ne suspicatur qui-
 dem: *Vt reliquae*, inquit, *nominis litterae*, *prima*
tantum incolumi, corrumpi mutarique non possent. Hoc-
 cine vulnus sanare est? aut obscuris lucem ad-
 ferre? imo obscurare id est potius. Proponam,
 pace lectoris, in mentem quod venit, dum lo-
 cum otiosus expendo, eò nimirum inclinante
 tandem animo, ut aut duo illa verba *prima litte-*
ra furcis eiiciantur, fodianturue; aut certe si
 obtorto collo retinenda, atque emendanda
 sunt, *Praetura* pro his subiiciatur. Sic enim pla-
 nus euadet locus, minimeque impeditus. Haec
 mea mens. Plures tamen coniecturas adferre,
 quando libris scriptis ac membranis hic desti-
 tuimur, quid prohibet, parua temporis & char-
 tae iactura? Fuit cum scripsisse C I C E R O N E M
 hic opinarer *prima lege*. *L.* enim pro lege antiqui-
 tus scriptum Val. Probus in Notis auctor est.
Prima autem *lex*, quod hodie *Priuilegium* nomina-
 mus, *praerogatiuam* C I C E R O. Quid si reponas
eadem primo licentia? Vel sic: *si modo ea. adempta al-*
terum competitorem habuisset. Sed verum ut fatear.
 hariolari hoc est, ac diuinare. Placet, quod iam
 subieci tō *Praetura* reponi: nato, ut suspicor,
 mendo, è compendiis, notisque. Repperit for-
 te librarius *P. R. 12* vel *pr. trā*, quarum priora
 elementa

elementa Praetorem designant, scriba imperitus cudit *prima littera*. hinc illæ lacrymae. His si quis meliora, certioraque protulerit, tantum abest ut inuideam, ut etiam gratiam sim habiturus maximam. Coronidis vice illud addam è Dialogo de Senectute, quo M. Cato Censorius praedicat *adolefcentem se nunquam vires tauri aut elephantis desiderasse*. quem locum expressit forte Lactantius Firmianus, Christianorum Cicero, lib. de opificio Dei cap. III: *Potest-ne igitur aliquis, cum videat etiam boues Lucas cum immanissimis corporibus seruire homini, queri & de opifice Deo*. ubi vacas pro Lucas vitiose olim editum fuisse, etiam in Mich. Thomasi editione, obseruo. Claudianus quoque Mamercus, Viennensium Galliarum sacerdos, lib. II. de statu animae cap. IX. ex B. Ambrosio, quantum coniicio: *Nec iniuria genus humanum naturam incusabit, quae tanto maiores hominibus belluas & boues Lucas edidit, eo videlicet beatiores, quo capaciores*. Sic enim in optimis & antiquissimis membranis, quibuscum in Neruiis hunc in Martiniana bibliotheca contuli. alter enim codex Lucas male omittebat. Sic enim dicti elephantis, teste Varrone lib. VI. de lingua Lat. quod in Lucania Pyrrhi bello primum, sint visi. Meminitque Plinius lib. VIII. cap. VI. & Ausonius Gallus Tetradio:

*Cur me propinquum Santonorum moenibus
Declinas, ut Lucas boues
Olim resumpto praeferoces praelio
Fugit iuuentus Romula.*

C A P. XIX.

Mos vetus explicatur. CICERO I. de
Oratore & II. de Legibus è Lysia
& Platone illustratus.

C I C. I. de Oratore ad Q. Fratrem: Erat
Athenis mos, reo damnato, si fraus capitalis non es-
set, quasi poenae aestimatio ex sententia cum Iudicibus
daretur; interrogabatur reus, quam quasi aestimatio-
nem commertuisse maximè se confiteretur. Quod interro-
gatus Socrates, respondit sese meruisse, ut amplissimis
honoribus & praemijs decoraretur: & ut ei victus quo-
tidianus in Prytanaeo publicè praeberetur: qui bonos
apud Graecos maximus habebatur. Cuius responso
sic iudices exarsunt, ut capitis hominem innocentis-
simum condemnarint. Quae sic Laërtius lib. II.
extulit. Τιμωμένων τῶν δικαστῶν τέχρῃ παθεῖν
αὐτὸν ἢ ἀποτίσαι; πέντε καὶ ἑικοσιν ἔφη δραχμαῖς
ἀποτίσσειν. Εὐβυλίδης μὲ γάρ φησιν ἑκατὸν ὁμο-
λογῆσαι. Δορυβησιάνῳ δὲ τῶν δικαστῶν; Ἐνέκα μὲ
(εἶπε) τῶν ἐμοὶ διαπεπραγμένων ἱμῶμαι τὴν δίκην
τὴν ἐν πρυτανείῳ σιτήσεως καὶ οἱ θάνατον αὐτῷ κα-
τέγγωσαν, προσθέντες ἄλλας ψήφους ὀγδοήκοντα.
καὶ δευεῖς, μετ' οὐ πολλὰς ἡμέρας ἔπει τοῦ κώτειον;
πολλὰ καλὰ ἔαγαδὰ διαλεχθεῖς, ἃ Πλάτων ἐν τῷ
Φαίδωνί φησιν. Mos hic Atheniensium reo
arbitrium in iudicijs deferentium, ut sen-
tentiam ipse ferret, poenamque arbitra-
tu suo sibi constitueret. Lysias vnus in decem
Graec

Graeciae oratoribus, in Apologia pro Euphiletō in caede Eratosthenis sic tangit: Εγὼ δὲ τῷ μὲν ἐκείνου τιμῇ μάλι οὐ σιωχάρομαι, τὸν δὲ τῆς πόλεως νόμον ἡξιοῦν εἶναι κυριώτερον, καὶ ταύτῃ ἐλαβόντῃν δίκην, ἢ ὑμεῖς δικαιοσύνην εἶναι ἡγησάμενοι τοῖς τὰ τοιαῦτα ἐπιηδεύουσιν ἐτάξατε. Ego vero neglecta eius existimatione civitatis legem potius duxi, & illud supplicium sumsi, quod vos acquisitissimum esse arbitrati, in eos qui talia agunt, constituistis.

Alter item mos supplicum in foco Vestae sacro veniam exposcendi, ab eodem Lysia sic in ea ipsa Apologia refertur: οὕτως, ὦ ἄνδρες, ἐκείνος τούτων ἐτυχεν ὥστε καὶ νόμοι κελεύουσιν τοὺς τὰ τοιαῦτα πράξοντας, οὐκ ἐισαρχαομένους ἐκ τῆς πόλεως, οὐδ' ἐπὶ τὴν ἐσίαν καταφυγόν, ὥστε οὐλοὶ λέγουσιν. Sic ille, Athenienses, ea pertulit, quae leges istorum flagitiorum auctores ferre voluerunt: non de via raptus in aedes, neque cum ad focum confugisset, ut isti dicunt. Quae postrema si sic legas ὥστε λέγουσι, Proverbum Ad Vesta confugere respexerit. Cuius supplicii moris καθίζεσθαι ἐπὶ τὴν ἐσίαν exemplum memorabile Themistoclis in Admeti focum cum filio se recipientis apud Thucydem est lib. i. Belli Peloponnesiaci, additque: ἀνίσχισί τε αὐτὸν μετὰ τῷ αὐλῷ ἕειν, ὥστε καὶ ἔχων αὐτὸν ἐκαδέξασθαι, καὶ μέγιστον ἦν ἰκτευμα τῶτος. Pertinet huc quoque lex illa CICERONIS lib. ii. de Legibus: Terra igitur, ut focus, domiciliorum omnium sacrum Deorum. Quocirca nequis iterum eadem consecrato. Quae interpretatus est CICERO ex Platone XII. de legibus: γῆ μὲν οὖν ἐστὶ τῶν οἰκηθεισῶν ἱερὰ καὶ ἀιερόντων θεοῖς.

C A P. X X.

Consilio regere. *Recepta Tullij
lectio defensa.*

TR I A potissimum cùm in rebus humanis, tum in Historiâ legēda consideranda sunt, quæ dux vitæ, morumque magistra merito nūcupatur: *Consilia* nimirum, *dicta & facta*. Illa tempore priora sunt, *Facta* autem postrema sunt; e quibus de illis sit existimandum. Utque *Dicta* scite & acute Apophthegmata; sic in bello callide & opportune gesta, *Strategemata* appellata. De his M. Terentius Varro togatorum doctissimus, lib. vi. de lingua Lat. *Actionum trium primus agitur mentis, quod primum ea quæ sumus acturi, cogitare debemus: deinde hinc dicere, ac facere. De his tribus minime putat vulgus esse actionem cogitationem: tertium, in quo quid facimus, maximum.* Coniunxit eadem in Cn. Pompeij laudatione extrema C I C E R O, *Talis, inquit, est vir, ut nulla res tanta sit ac tam difficilis, quam ille non & consilio regere, & integritate tueri, & virtute conficere possit.* Imperitè autem fecerunt, qui in nuperis editionibus *consilio hæ-*
rere, contra librorum veterum auctoritatem, substituere non sunt veriti. Duo enim orator coniungit *consilia dictaque*: quod inuicem consequantur. quandoquidem mētis rationisque interpres oratio est, ut initio περὶ ἐμπνεύσεως tradit Aristoteles. Graecus quoque orator Olynthiaca III. duas quidem hominum actiones
com-

commemorat, *dicere & facere*, vt *Consilia dictis* comprehendisse videatur: τὸ γὰρ πράττειν τῷ λέγειν καὶ χειροτονεῖν, ὕστερον ὄντων τῇ τάξει, πρότερον τῇ διὰ μέντοι καὶ χρῆσθόν ἐστιν. Regere autem in C I C E R O N E retinendum esse suadet Maro de sapiente ac disertio viro, qui sedare seditiones norit:

Ille regit dictis animos & pectora mulcet.

Comicus etiā in Eunucho:

*Quæ res in se neque consilium neque modum
Habet vllum, eam consilio regere non poter.*

C A P. X X I.

Ultima & mediā terræ. Nec vola
nec vestigium, Varronianum Prouer-
bium. C I C E R O N I S in Manilianā
vñus & item alter locus explicatus.

IN Cn. Pompeii laudibus belli gerendi lau-
data celeritas est, qua intra diem quadrage-
simum, vel, vt C I C E R O numerat, vnde-
quingagesimum, piraticum bellum genere
necessariū, & magnitudine periculosum, post
tres ipsos & viginti annos ab aliis ducibus ge-
stum, confecit: Non illum, inquit. M. T V L L I V S;
*eximia vis remigum, aut ars inaudita quædam guber-
nandi, aut venti aliqui noui, tam celeriter in vltimas ter-
ras pertulerunt.* Et post nō longè: Cretensium Lega-
ti, cum in ea insula noster imperator exercitusque esset;
ad Cn. Pompeium in vltimas propè terras venerunt, ei que
sc omnium Cretensium ciuitates velle dedere dixerunt.

Hanc

Hanc idem supra Orator insulam Pamphyliam nominavit, ubi tum confecto bello maritimo piratisque à mari in interiora Ciliciæ traductis, Pompeius agebat : Idem, inquit, Cretensibus, cum ad eum usque in Pamphyliam legatos, deprecatoresque misissent, spem deditionis non ademit, obsidesque imperavit. Quas hic itaque ultimas terras nominet quaeri video, quando magnum hic interpretum est silentium. Pamphyliam ergò, & Asiam minorem accipio. Sic enim in Catilinaria coniuratione Sallustius : Catilina opprimendae Reip. consilium capit. In Italia nullus exercitus: Cn. Pompeius in extremis terris bellum gerebat. Ipsi Consulatum petendi magna spes. Subiicit verò gestum, id anno post Ro. cond. 1000000. L. Caesar. C. Figulo Coss. qui in Fastis Capitolinis nominantur C. Marcius Figulus, C. Iulius Caesar. At alibi medias eas terras, Orator, ut & Plinius, ac Florus, appellat. Qui nodus in speciem impeditus sic expediri, temporum habita ratione, possit. Haec enim Mamliana à Praetore Cic. habita est M. Æmilio Lepido, L. Volcatio Tullo Coss. anno 1000000. decimo verò post anno habita est ea de Prouinciis Consularibus Oratio, Cn. Corn. Lentulo Marcellino, L. Marcio Philippo Coss. anno 1000000. post confectum iam à Pompeio bellum. Denictò enim Mithridate, & Tigiane Regibus, media iam Romanis regio fuit Asia minor: ultima verò Pontus & Armenia ad Eufratem usque, Romani imperij terminum. In hac C I C E R O N I S verba sunt : Nationes eas quae numero hominum & multitudine ipsa poterant in prouincias nostras redundare, iam ab eodem

esse partim recisas, partim repressas, ut Asia, quae imperium nostrum terminabat, nunc nouis tribus prouincijs ipsa cingatur. Plinius autem lib. VII. cap. XXVI. in Pompeij elogio eum ait Asiam ultimam prouinciarum accepisse, eandemque mediam patriae reddidisse. Et L. Florus, siue is L. Annacus Seneca est, lib. III. de bello agens Mithridatico: Sic Pompeio duce populus Rom. totam, quae latissima est, Asiam peruagatur, quam extremam imperij habebant prouinciam, mediam fecit. M. itaque Tullius temporis commodam rationem attulit, Asiamque minorem ultimam numerat, quae post gesto, confectoque à Pompeio piratico Mithridaticoque bellis, media facta est. Legitur & in eadem illa Maniliana, de disciplina militari Pompeij: Cuius legiones sic in Asiam peruenerunt, ut non modo manus tanti exercitus, sed ne vestigium quidem cuiquam pacato nocuisse dicatur. Prouerbiū illud M. Varroni familiare respexisse apparet. Sic enim ille apud Nonium Marcellum in Satyra. Menippaea ταφῇ Μενίππῃ: Hac Numa Pompilius fieri si viderit, sciet suorum institutorum nec votam, nec vestigium apparere. Et Επὶ ταφῇ: Quoniam in sepulcris nec vota, nec vestigium exstat.

C A P. X X I I.

Belli impetus nauigauit, Ventorū
pennae, & nauium volatus. CI-
CERO in *Maniliana* è *Demosthene*,
aliisque illustratus.

Q V O D Graeciae Oratorum Princeps
Demosthenes Olynthiaca dixit: ὁπῶς
& Φαλῶς ἡ δύναμις πλήη: noster est imitatus in
ea pro lege Manilia, cū belli impetum nauigasse
ait: *Quis vnquam aut obeundi negotij, aut consequendi
quaestus studio tam breui tempore tot locos adire, tantos
cursus conficere potuit, quam celeriter Cn. Pompeto duce
belli impetus nauigauit? Sic & in Phaselo Valerius
Catullus, pro velocitate cursus Impetum, aliūque
Poëtae in re potissimum nauali adhibent:*

*Phaselus ille, quem videtis, hospites,
Ait fuisse nauium celerrimus,
Neque vlliū natantis impetum trahis
Nequisse praeterire, siue palmulis
Opus foret volare, siue linteo.*

Et illo antiquior Ennius, xiv. Annali, apud
Macrobiū.

Labitur vncta carina, volat super impetus vndas.

Et huius vicissim aemulus Maro, lib. V. *Æneid*.
— *Sic illam fert impetus ipse volantem.*

Claudianus quoque venustus poëta, in *Consu-*
latum vi. Honorij v. 475. de Graecis equis
Zephyro velocioribus:

*Quorum, si qua fides, augentibus omnia Musis,
Impetus excessit Zephyros, candorquē pruinas.*

Volare ergò iidem poëtae dixerunt: vt & ventis pennas sacrae litterae attribuunt: Psalm. xvi. v. 12. & Psalm. 4. Et aui volanti panfis velis na- uem currentem comparari, à Graecis etiam plurimis *currum* nominari, nemini nunc potest esse ignotum. Virgil. lib. 111. *Æneid.*

Linquimus Ortygiae portus, pelagoque volamus.

Furius Antias Poëmatidis:

Sicut fulca leuis volitat super aequora classis.

CICERO itidem ac T. Lucretius *coeli impetum* pro coclerrimo coeli motu dixerunt. Ventos quoque *animas* Arnobius dixit lib. 1. & Maro lib. viii. v. 403.

Quantum ignes; animaeque volant——

Nauium autem formam, atque aded nomē, ab auibis ducta esse eruditi quidam homines arbitrantur. Velis enim, remisque alarum loco, quasi auis ad volatum impellitur nauis. Indēque Scriptores dixerunt *nauem volare*. Contrā verò auibis *Remigium alarum* Maro attribuit. Equidem de Graecis deriuare fontibus *malim*, quibus *ναῦς* est *Nauis*. & *ναυίτης*, qui *nauita*, & concisè *nauta* est.

C A P.

C A P. XXIII.

Falcidia lex. CICERONIS locus illustratus. Glossema in Eusebij Chronico sublatum.

IN Maniliana M. TULLIVS Q. Hortensium, Q. Catulum viros Consulares reprehendit, quod legi Gabiniae, ut nunc Maniliae, ne ferretur, repugnarent. Quarum illa quidem de Cn. Pompeio belli piratici, haec verò belli regij & Asiatici cum Mithridate & Tigraue, deligendo Imperatore agebat. Quo mihi, inquit, indignius videtur obrectatum esse adhuc, Gabiniore dicam an Pompeio, an utriusque, id quod est verius, ne legaretur A. Gabinius, Pompeio expetenti ac postulanti. CICERO id non nouo exemplo factum iri, ut A. Gabinius legis auctor Pompeij legatus, quod legibus vetitum apparet, fieret. Idque exemplo confirmat quattuor Tribunorum plebis, quibus idem licuit. Sic enim CICERO: An C. Falcidius, Q. Metellus, Q. Coelius Latinienfis, Cn. Lentulus, quos omnes honoris causa nomino, cum Tribuni pl. fuissent, anno proximo legati esse potuerunt. Vidi ego, qui cum legibus leuiter tinctus esset, haec M. TULLII ad Falcidiam legem obtorto collo raperet. Quare vindicias secundum libertatem à Praetore postulo. Nam quamuis tempora non pugnent, prohibentue quod minus vnus idemque Falcidius esse potuisset CICERONIS aequalis est auctor legis Falcidiae

sub Augusto latae, verba tamen maximè pugnant. Hic enim legatus, qui vicariam operam profectis in prouinciam Praefectis praeberet, dictus est: alias *legatus*, qui & Orator nominatus, legationesque obit. At in *Falcidia lege de testamento legatis* agitur, non à falco deriuata, vt quidam somniant, appellatione, sed à C. *Falcidio*: cuius quidem legis caput ex antiquissimis membranis Chronicorum Eusebij, B. Hieronymo interprete, glossematis expunctis apponam: C. *Falcidius* Trib. pl. *Legem tulit, nequis plus testamento legaret, quam quanta pars hereditatis superesset.* In iis enim qui in vulgus editi circumferuntur codicibus, multa falso adiecta ex Nouella Iustiniani Imp. Itaque legitur in Isidoro, qui haec transcripta retulit in librum v. Etymolog. cap. xv, Integrum autem caput legis *Falcidiae* Tit. ΠΑΥΔΕΧΛΩΝ *Ad L. Falcidiam* exhibet, quique de Legibus nostra, patrumque memoria scripsere, Zazius, Manutius, Hotmanus, & Iuris-prudentiae princeps Ant. Augustinus.

· C A P X·XIV ·

Aries subiicitur. C I C E R O in *Topicis*
contra aliorum sententiam explicatus.

M C I C E R O in *Topicis* de *Causarum* generibus: *Ea quae sunt, partim sunt ignorata, partim voluntaria. Ignorata, quae necessitate effecta sunt: voluntaria, quae consilio. Quaedam autem fortuna vel ignorata, vel voluntaria. Nam iacere telum vo-*
luntati

Luntatis est: ferire quem volueris, fortunae; Ex quo aries ille subiicitur in vestris Actionibus: SI TELVM MANV FVGIT magis quam IECIT. Torfit hic non iniuria locus Lusitanos duos, in his Ant. Goueanum Iure-consultum, & Achillem Statum; item Bart. Latomum Belgam. Machinam enim bellicam accipiunt, quae ab arietis figura nomen habeat, tralatè pro validissima defensione ad oppugnandum iudicem. Atqui aries non defensioni, vt balista, sed Urbium oppugnationi adhibitus, quo portae & muri, vt aeneis hodie tormentis, quatiebantur, Non recte igitur pro defensione sumas. Decepti, credo, magni illi viri Boethij Seuerini auctoritate, qui multa de Casu & Fortuna ex Aristotelis Acroamatis lib. II. philosophatus haec adfert lib. V. extremo: *Vnde etiam machinamentum quoddam atque defensio in iuris-peritorum responsionibus inuenitur, hoc modo: SI TELVM MANV FVGIT, magis quam IECIT.* Nam si quis caedis accusetur, optima solet esse defensio: si alia non suppetit fugisse, manu telum, magis quam iacere noluisse: at non voluntati, quae condemnatur in culpis, sed ignorantiae factum tribuatur. Sic ille. Verum mihi longè alia mens, quam erudito lectori diiudicandam propono, etsi per se veritas ipsa existat: vt plane subiici aries dicatur, veluti pro caede victima ad expiandum, more maiorum, Atheniensium praesertim, mox etiam Romanorum, qui à Graecis Actiones & Caussas ple- rasque, potissimum quae ad caerimonias attinerent, acceperunt. Nam de Oreste seipsum expiante, Aeschylus ait, & in reliquis illis Sex.

Pompeij Festi fragmentis sic legi docuit Ant. Augustinus, quem honoris causa libenter nomeno: *Subiicere arietem*: In Commentario XV. Iuris Pontificij, Antistius esse ait dare arietem, qui pro se agatur, ut caedatur. Et alibi: *Subiici aries* dicitur, qui agitur ut caedatur: quod fit ut ait Cincius in libro de Officio Iuris-consulti, exemplo Atheniensium, apud quos expiandi gratia aries iungitur ab eo qui scelus admisit, poenae pendendae loco. Et in Servio Pet. Danielis hoc Numae Pompilij Regis caput legitur:

SEI QVIS HOMINEM LIBERVM IMPRVDENS
SEI DOLO MALO OCCISIT

PRO CAPITE OCCISEI ET NATEIS EIVS
IN CONCIONE ARIETEM SVBICITO.

Eodem respexit Q. Horatius Epod. v.

Diris agam vos: dira detestatio

Nulla expiatur victima.

De re ipsa quid alibi adhuc C I C E R O censet, videndum. De Oratore lib. III. Nonnumquam breuitas translatione conficitur; ut illud: *SITELVM MANV FVGIT*, imprudentia telis emissi breuius proprijs verbis exponi non potuit. Et lib. II. Iure defendi scribit, quae & imprudentia & casu facta dicantur: Solon quoque legislator bis puniebat eos qui se ebrietate deliquisse dicerent. Huc etiam forte pertineat Adraști factum illud apud Herodotum lib. I. & Lucianum in Ioue accusato: quo filium Croesi in venatione imprudens ille cum occidisset, expiare se coactus sit. Ceterum in illis Topicorum verbis, ut multa à librarjiis peccantur, pro illis, *Ferire quem volueris, reponi malim nolueris*. Assentietur qui locum expenderit.

C A P.

CAP. XXV.

*Strategema Mithridatis. CICERO in
Maniliana illustratus, Fibri natura quae.*

MITHRIDATES Ponti rex, à L. Lucullo praelio victus, dum in Armeniam ad Tigranem fugit, siue focerum, vt Appianus Mithridatico, siue generum, vt Plutarchus in Lucullo, propius factum est nihil, quàm vt caperetur, viuusque veniret in Rom. potestatem, absque auaritia militum fuisset, qui, dum sparsam de industria auri argentique magnam vim colligunt, interea ipse dilabatur, saluusque euasit. Sed M. TULLIUS id verbis potius audiamus: *Primum ex suo regno Mithridates sic profugit, vt ex eodem Ponto Medea illa quondam profugisse dicitur; quam praedicant in fuga fratris sui Absyrti membra in his locis, qua se parens persequeretur, dissipauisse, vt eorum collectio dispersa maerorūque patris celeritatem persequendi retardaret. Quibus in verbis respexisse M. Tullium obseruauit ad veteris poetæ hæc ipsa de re versus ab illo allatos lib. III. de Natura Deorum;*



*Vt dum nati dissipatos artus captaret parens,
Ipsa interea effugeret, illum & moeror tardaret sequi.*
Naso verò qui VII. Metam. fabulam Medæ narrat, sic breuius lib. III. Frisium Eleg. IX.

Atque ea diuellit, diuulsaque membra per agros,

Dissipat in multis inuenienda locis.

Neu pater ignoret, scopulo proponit in alto

Pallentesque manus sanguineumque caput.

Ut genitor luctuque nouo tardetur, & artus

Dum legit extinctos triste retardet iter.

Didicerat fortasse hunc actum ab eiusdem Ponti animante fibro, vel Castore: qui ut venatorum manus & iacula effugiat, vltro sibi dentibus pudenda relecat, ob quae se capi & quaeri nouit. Sunt enim in re medica salubria, ut medicorum filij, & historici quicquid norunt, de quo Iuuenalis Sat. XII.

——imitatus Castora, qui se

Eunuchum ipse facit, cupiens euadere damno

Testiculorum, adeo medicatum intelligit inguen.

Plura si quis volet, adeat Plinium lib. VII. & XXX. item XXXII. cap. III. Apuleium lib. I. & V. Milesiarum. Oppianum, Festum Pompeium, Isidorum. lib. XII. cap. I. Strabonem, Aelianum lib. VI. cap. XXXIII. Ammianum lib. XVII. Horapollinem, Olaus magnum lib. XVIII. cap. V. (qui ait & in Septemtrionalibus regionibus non in Ponto solum, contra Solium, Castores reperiri;) Franciscum Valesium de sacra Philosoph. ca. III. Iulium Scaligerum exotericon, ccx. contra Cardanum & Exercit. ccxi. aliosque: Dioscorides tamē, & alij nonnulli negant: sed euincat tot auctorum auctoritas. Non dissimilia de Scythis & Hircanis Ponti accolis in Tigrum venatione tradit Mela Pomponius lib. III. cap. V.

AND. SCHOTTI
 N O D O R V M
 C I C E R O N I S
 L I B E R I I.

CICERONIS Officia illustrata. Men-
 dum à coniectura & Historiae fide
 sublatum.

C A P V T I.



CICERONEM multa à Teren-
 tiomutuatum notarunt pridem
 eruditi viri; equidem obseruauit,
 & aliter atque vulgò solet, cum
 adhibere consueuisset: vt illud,
 ne longe abeam, ex ea fabula, qua Menede-
 mus se ipse puniens inducitur (sic enim Tu-
 scul. III. vertit Orator Graecam vocem *ταυτορ-
 τιμωρούμενον*; Comicus vero:

An cuiquam est vsus homini se vt cruciet?)

CICERO I. Offic. de Iustitia agens: Est diffi-
 cilis cura rerum alienarum; quanquam Terentianus ille
 Chremes humani nihil à se alienum putet. Rectè vero
 & accommodatè Comicus:

M. Chréme tantumne est abs re tua otij tibi,
 Aliena vt cures, ea que nihil quae ad te attinent?

C. Homo sum, humani nihil à me alienum puto;
 Vel me monere hoc, vel percontari puta:

Rectum

Rectum est? Ego ut faciam: non; ut deterream.

Sic enim posteriora illa interpungenda censuit doctissimus Hieronymus Surita, Caesar-augustinus. Vulgò autē Prouerbij specie aliter paullo hanc γνῶμην vsurpamus, quasi cuius nos vitio hominum more obnoxios fateamur. Ita post non longo interuallo ex eadem Com-oedia illud paullo aliter C I C E R O adfert, siue memoriae plus aequo confusus, siue quòd ad manum Comicus non esset: *Summum ius, summa iniuria*, factum est iam tritum sermone Prouer-bium. At Terentius ait: *Vorum illud Chreme dicunt, Summum ius, summa malitia est.* Columella verò Hispanus, sed Latinitatis & ille auctor bonus, lib. i. Rei rusticae aliter paullo detor-sit: *Summum ius summa crux.* Nec longè hinc Orator, loco tamen, ut opinor, à librariis deprauato: *Pompilius imperator tenebat prouin-ciam.* In eius exercitu Catonis filius tiro militabat, qui III. Coss. an. v.c. ciciiii. Gallos cecidit. Nisi error in historia est, aut μνημονικὸν ἀμάρτυμα, aliud hic apud C I C E R O N E M reponendum est. Lambinus, M. Popilius legit, ut de Popilio Laenate, quem scriptor Rhetoricorum ad Herennium lib. i. extremo Caij praenomine vocat, intelligatur: at Plu-tarchus, qui è C I C E R O N E haec, ut ple-raque desumpsit, in Catone minore bello Persico militasse Catonis maioris filium ait, natu scilicet maiorem: qui Praetor designa-tus, patre viuo sit mortuus; & egregios de Iuris disciplina libros reliquit teste Agellio lib. xiii. cap. xviii. Persicum autem seu

Mace-

Macedonicum bellum gestum fuit anno post
R. C. 1335. quo Perseus rex, Philippi
F. Paulo Æmilio Conf. captus est. Eadem
tempestate Consules quidem in Capitolinis
Tabulis, anno v. c. 1333. M. Popilius
Laenas, & P. Ælius Ligus. Malim itaque hic
legi: si mei arbitrij res esset, *Paulus Æmilius*,
non Pompilius. Nam mendum ex compen-
diis, vt fit, natum. Scriptum enim repe-
rit librarius. *Pau-Æmilius*: vnde factum *Pom-*
pilius, vel *Popilius*. Si victus Popilius, quo-
modo legionem dimisit, quasi finito bello
honestam missione? Sequentia ostendunt *Ci-*
ceronem de Perseo loqui. Mox non lon-
gè: *Adeo summa obseruatio erat in bello mouendo.*
videtur *lò mouendo* à glossa esse. Tentarunt alij,
adeo sancta obseruatio. offendit illos *adeo* particu-
la, quæ cum superlatione non iungitur. Sed
interpungendum, & pro *ergo* interpretandum,
vt fit complexio vel Epiphonema, vt dicimus
adeo verum est. Accedit librorum veterum au-
ctoritas, qui *adeo summa* ad vnum legunt
omnes.

C A P.

C A P. I I.

*Hortensius C I C. qui de laudibus est Phi-
losophiae, fragmento nouo auctus.*

AN D. Patricius, Polonus, homo doctissi-
mus operam praeclarè nauauit, cum post
Car. Sigonium, bone Deus quem virum? non
paucas naufragij Tulliani tabulas collegit.
Quoniam autem nescio quo modo hoc oculo
vtriusque fugit, quod C I C E R O N I S ta-
men esse germanum liquido iurè, huic char-
tae illinere placet, vt in libros hinc suos, qui
volet, transferat. Sic enim B. Augustinus lib.
XIII. Ciuitatis Dei cap. V. *Ecce autem non philosophi
quidem, sed promti tamen ad disputandum homines, om-
nes aiunt esse beatos qui viuunt vt ipsi velint. Falsum id
quidem. Velle enim quod non deceat, id ipsum miserrimi-
um est: nec tam miserum est non adipisci quod velis,
quàm adipisci velle quod non oporteat. Plus enim mali
praua voluntas adfert, quam fortuna quidquam boni.*
Postrema nos ex eodem Augustino addimus
è libro *De vita beata*, vbi plenius idem fragmen-
tum legitur. Quae qui ex Augustini sensu dicta
existimarunt, nae illi opinione sua falsi sunt:
hae rent enim atque connexa sunt arctissimè.
Certe sanctissimus ille Theologus lib. I. *Re-
tract.* dolet se fortunā, etsi verbis alienis, scri-
ptis suis saepius inseruisse quàm Christianum
hominem deceret, quasi cum profano Philo-
sophorū vulgo *Fatum* aut *Fortunam* agnosceret.

Illud

Illud addam, concinnius legendum videri:
quam *Fortuna cuiquam boni, dandi casu cui-*
quam. Antea vero malo, id est ipsum miserrimum,
cadentibus numeris venustius, & ad CICE-
RONI'S morem accommodatius.

C. A. P. III.

De tollenda iracundia L. Senecae idem quod
CICERONI consilium in mentem ve-
nire. Aureae Epistolae I. ad Q. Fra-
tre[m] lux allata.

VT de dolore minuendo multi Philosophi
multa, & in his M. TULLIVS ea quam
sibi scripserat sed temporum iniuria interci-
dit, Consolatione in morte filiae (quae enim
hodie circúfertur ficta est, vt & Orpheus Ve-
netiis, nec satis CICERONE digna) ita &
varia ab iisdem ἀνασφαλικά τῆς ὀργῆς consilia
excogitata: quod ea furor, tametsi brevis, at-
que insania hominis extra se positi iudicetur.
TULLIVS idem Q. Fratri, homini iracundo,
cetera laude dignissimo auctor existit, vt
προαιρέσει, καὶ ὑπὸ τὴν ἐαδινὰν meditatione in do-
manda aut certè refrenanda iracundia utere-
tur. L. vero Seneca, vt alia plurima, sic & hoc
lib. III. de Ira cap. xxxvi. ab illo est mutuatus,
sed ἐπερινή sui exploratione remedium adhi-
bet. Suadet enim diuinitus, vt se ipsum quisque
ad vesperum quotidie exploret ad vnguere;
idque

idque Sextij exemplo docet, atque aded Pythagoreorum more itidem seruatum. C I C E R O N I S haec sunt in aurea illa, ac benè longa ad Q. Fratrem Epistola, qua de administranda Prouincia fratri Propratori in Asia (quem tamen Suetonius in Augusto, cap. 3. eandem laudans Epistolam, *Proconsulem* nominat) vtilia vitae ac Reip. præcepta tradit: *Sed te illud admoneo, vt si hoc plene vitare non pòtes, quod ante occupatur animus ab iracundia, quam prouidere ratio potuit ne occuparetur; vt te ante compares, quotidieque meditare, resistendum esse iracundiae.* Sapiens verò Philosophus Seneca adhunc ferè modum: *Desinet ira & erit moderatior, quae sciat sibi quotidie ad Iudicem esse veniendum. Quid ergo pulchrius hac consuetudine excutiendi totum diem?* Idem quoque Plutarchus Chaeronensis Philosophus censuit, suavitque Commentario de audiendis poëtis: *ἡ μέγαν δόξαν εἶναι καὶ ὄντι & πραῖν ὀργῆς, μή τι ἔστιν ἢ φυλακὴ καὶ ἡ πρόνοια & μὴ περιπέσειν ὀργῇ, μηδὲ ἀλῶναι.* Et paulò post. *τὸ γὰρ ἐπιφραλῶς πρὸς ὀργὴν ἔχοντα, καὶ φύσει τραχὺν ὄντα καὶ θυμοειδῆ, μὴ λανθάνειν ἑαυτὸν, ἀλλ' ἐξευλαβεῖσθαι, καὶ φυλάττειν τὰς ἀλίας, καὶ προκαταλαμβάνειν τῷ λογισμῷ πόρρωθεν, ὅπως οὐδὲ ἄκων τῷ πάθει περιπέσῃται, θαυμαστὴς ἔστι πρόνοιας.* Quae etsi exemplis Achillis atque Ulyssis illustret, nos Athenodori Philosophi, Octavianí Caesaris magistri verba in memoriam reuocemus: qui missionem flagitans, extremam hanc ei admonitionem suggessit: *Cum iratus, Caesar, fueris, nihil prius dixeris, fecerisve, quam quattuor & viginti Alphabeti litteras tecum ipse percurreris.* quo audito

Caesar

Caesar manum praeceptorum iniecit, alterumque apud se annum manere iussit, docens τῆς σιγῆς ἀκίνητων γέρας εἶναι. Quo & Flaccus respexit, lib. III. Carm.

Est & fidei tuta silentio

Merces

De Theodosio quoque Aug. Sex Aurelius Victor noster: *Habuit, inquit, a naturae munere, quod Augustus à Philosophia doctore (Athenodoro) didicerat: qui cum vidisset eum facile commoueri, ne asperum quid statueret, monuit ut ubi irasci coepisset, quattuor atque viginti Graecas litteras memoria recenseret: ut illa concitatio, quae momenti est, mente alio traducta parui temporis interiectu languesceret.* Notum autem eidem Theodosio datum à B. Ambrosio salubre consilium, ne iratus temere, ut antea, capitis iudicia praecipitaret: quo de eiusdem exstat Epist. XXVIII. hoc principio: *Et veteris amicitia dulcis mihi recordatio est, & beneficiorum.* plura tamen in Ecclesiastica Historia, quae indicasse sat esto.

C A P. IV.

Videndum pro verendum CICERONI familiare. Imitatus & CICERONEM Persius.

QUANTA in CICERONIS Officiis doctrina lateat, C. Plinius prooemio testatur, cum ad verbum ediscenda suadeat: quamque reconditi thesauri inde eruantur doctissimo cuique notum, cum & argumento gemino

E

B. Am-

B. Ambrosius exprimere non dubitarit. Nos è libro I. caput hoc concinnauius : *Videndum est, inquit, vt non satis sit, id quod apud Platonem est in Philosophos dictum, quod in veri inuestigatione versentur.* Lambinus tentat hanc lectionem, & solemne illud suum seruat, vt vel repugnantibus libris omnibus, *verendum* substituat. Verum cum Varrone Cras illi credam, hodie nihil. Nam *Id video* cum particulis *Ne & Vt*, non raro eundem, quem *Timeo, Metuo, Vereor*, vsum habere apud C I C E R O N E M obseruavi, vt hoc ipso in loco, ex auctoritate codicum omnium, & lib. XIV. ad Famil. Epist. XIV. Terentiae, & Tullio F: *Reliquum est, quod ipsae optime considerabitur, vestri similes feminae sintne Romae. Si enim non sunt, videndum est vt honestè vos esse possitis. Quod pro verendum accipiendum paret apertè.* Subiicit enim statim : *Etiàm illud verendum est.* Illud coronidis vice accedat : vt ex Platonis Alcibiade priore Satyram V. cōcinnasse Persium monuit politissimus Politianus, cap. IV. Miscellan: sic è C I C E R O N E mutuatu esse apparet elegantem hanc sententiam. Ita enim noster T V L L I V S, qui Latinis litteris illustrauit Philosophiam, primo Offic. *Nec vero illa parua vñ naturae est, rationisq̃ue, quod vnum hoc animal sentit, quid sit ordo, quid deceat, in factis dictisq̃ue quis sit modus.* Satyricus vero Sat. III. qui versus inter cetera eminent aenigmata, vtilesq̃ue sunt hominum vitae :

*Disciteq̃ue, ô miseri, & causas cognoscite rerum,
Quid sumus, aut quidnam victuri gignimur, ordo
Quis datus, aut metae quam mollis flexus, & vnde:*

Quis

*Quis modus argento, quid fas optare, quid asper
Vile nummus habet.*—

C A P. V.

*Claudianus poëta saepius
emendatus.*

LIBET alternare vices, vt animus legendo
tetrica fessus, varietate respiret. Amant
enim alterna Camenae. Claudianus Poëta mi-
nime malus in manus venit, eius poematum
duos mihi perantiquos codices olim Iac.* Su-
sius, homo eruditissimus, vtēdos arbitrio meo
reliquit, nec operae poenitet. His itaque char-
tis, siquod forte operae pretium, illinere pla-
cuit, quae de raptu Proserpinae horis subseci-
nis notabam, intacta Pulmanno ac Delrio no-
stro. Lib. I. vers. 220.

*Sic cecinit longaeua Themis, nunc matre remota
Rem peragi tempus: fines inuade Sicanos.*

Vulgò enim editur typis etiam Plantinianis
Rem peragit tempus. Lib. III. prooemio v. 17.

Enceladus mihi carmen erat, victusque Typhoeus:

Hunc premit Inarimes, hunc grauis Aëna domat.

Duo libri Sufianī:

Hic subit Inarimes.—

In Rufinum praefat.

Phoebeo domitus Python cum decidit arcu

sic malo quam vt decidit arcu. v. 260.

Fracta metu: solus, medioque in turbine rerum.

Alter codex — medio solus sed turbine rerum. Alter

fic; — *medio sese sed turbine rerum.* in quam lectionem, ut rō solus absit, plurimi conspirant libri. V. 381. — *Nec vomere sulcus adunco Finditur.* Vetusta lectio obunco. Lib. 11. v. 64.

Vinctas ire nurus hunc per vada caerulea mergi
Sufianae membranae Vinctas ire manus. Statim v. 91. *Aut tantis soluet lacrymis* — libri duo à tantis. V. 432.

Insultantque alacres. laceros iuuat ire per artus.
 Idem libri *vacuos* habent, id est ex sanguis & inanimis. Sic Statius lib. 9. Thebaid. *Vacuorum terga leonum.*

Lib. 1. in Eutropium v. 195.

Claustra remoliri, non vberiore rapina

Peccet in orbe manus —

Libri illi veteres *nunc vberiore rapina*, quomodo & in suis repperit probatque Pet. Faber Tolosanum Semestrium lib. 1. cap. XVI.

V. 405:

Cyniphiisque ferox Aravis successit aristis.

Rescribe *Cinyphiisque*.

Lib. 11. v. 81:

Conuiuant domini: quod maxima praelia solas.

Impleat & pariter miles, quod tertius vrbs

Conditor, hoc Byzas, Constantinusque videbunt.

In duobus scriptū repperi: *Cum uiuant domini* — & mox — *Erpatitur miles, quod conditor vrbs Tertius.* Extremo libro de bello Gildonico v. 521.

Tenditur in longum Calaris —

malim *Calaris* hic legi, auctoritate Pomponij Melae lib. 11. *Vrbium*, inquit, *Sardiniae antiquissimae Calaris & Sulci.* Vide & Plinium lib. 11. cap. CVIII.

Libro

Libro de Bello Getico. v. 74.

Robur Aloidae dum vellere Pelion Othrys,

Membranae praeferunt:

Robora Aloidae, dum vellere Pelion Otus Nititus

Pōst v. 109. lege & interpunge:

Exercere dabant. Currus regumque catenas

Inter abundantu fati ludibria ductae.

Et statim:

Nec pro successu tumidus

hic nimius pro tumidus in vtroque repperi.

V. 454.

Principis, amplexus alacris quis differat aulae?

Vetus liber, deferat aulae, rectius fortasse.

Panegyrico de tertio Honorij Cōsulatu. v. 109.

Distulit Augustus cupido se reddere caelo.

Vetus liber se credere caelo. Et mox v. 142.

Cūctos discedere testis in eodē est tutō discederē astris.

V. 146.

Te sine? Quem merui te non suadente triumphum?

Plures libri, te non sudante tropaeum?

V. 156. Coniugio, sociaque virum produxit ab aula.

Nurum pro virum est in duobus libris.

In iv. Consulatu Honorij. v. 27.

Qui medio (libri duo medios) Libyae sub casside per-

tulit aestus. V. 38. — quos ditat fabula ramos. dictat in

membranis omnibus. Sic lib. 2. de Raptu:

Est etiam lucis arbor praediues opacis.

V. 54.

Flauaque Bistonios reperirent agmina campos:

operirent est in iisdem libris. Et mox. v. 69. —

Sic traditur illis, non illi,

V. 77.

Suadebat, tantumque dabant exempla sequenti.

Sequentem est in membranis omnibus. v. 98.

*Illi iustitiam confirmauere triumpho,
rectius triumphæ membranæ. v. 106.*

*Garganum Alpinis, Apenninumque niualem
Permistis sociare iugis——*

libri duo——niualem Pernices sociare iugis. v. 214.

Si tibi Parthorum solium Fortuna dedisset.

*Natura in vno codice scriptum vidi, vt infra,
v. 308: Quæ tibi tum natura dedit—— v. 298. Fit popu-
lus nec ferre vetat—— negat est in nostris libris, vt
& in Gallicis Pet. Fabri Semestrium lib. ii,
cap. xvi. in laude Serenæ vxoris Stiliconis.
v. 71:*

Diuitijs vndasse Tagum. Gallecia risit

Floribus, & roseis formosus Duria ripis.

*Hic legisse curia memini Hermolaum Barba-
rum, Turia verò Hieron. Paullum lib. de Flu-
minibus Hispaniæ. Equidem Durium, etsi Fe-
minino genere, significari puto, qui Tago est
conterminus. Turia vero Valentini agri flu-
uius est, cuius & in Historiis Sallustius me-
minit.*

C A P. VI.

Tesseræ, militares & gladiatoria, quadratae: Frumentaria & hospitalis, rotundae. Rudis. Spectatus. Abacus numerorum Romanis, seu Tabula calculatoria. Monumenta Antiquitatis.

L LUCILIUS apud CICERONEM de Oratore ad Q. Fratrem:

*Quam lepidæ lexæis, composæ ut tesserulæ omnes
Endo pavimento, atque emblemate vermiculato!*

Quæri video quæ hic tesserulæ sint. ὁποροισικόν nimirum à Tessera, tegula quadrata, quæ solum sternitur, ac vermiculatum pavementum; quod & tessellatum ac sectile Vitruvius est lib. VI. Architecturae, & Suetonio in C. Caesare cap. XLVII. itemque Isidoro lib. XIX. Etymol. cap. 13. & 14. Aelio autem Spartiano *mussum opus*, quod vulgo *Mosaicum*, corrupta leuiter voce, artifices nominant. Graecis, ἑδαφοδιαπόικιλον, & in Evangelio S. Ioannis cap. XIX. v. 13. λιθόστρωτον. Tessera vero signum olim, quod à conscijs quis dinoscebatur: ut Militaris in castris, quæ militibus, quod ab exploratoribus internoscerentur, dari solet: meminitque Pomponius I. C. Tit. 2. de orig. Iuris. Quod pertinet & Gladiatoria Tessera, forma quadrata. Frumentaria quoque, quæ nota prolata frumentum à Principe dabatur. Eadem de Olearia,

Cenaria & Nummaria ratio. Et hæ quidem rotundæ, vt ex Dione Cassio apud Xiphilinū mox docebo. Sic vsitata fere hodieque, etsi dissimili effectu, quadrangula aut rotunda ligni formæ, vtrunque complanata, cui numeri inciduntur, rei credito coëmptæ : quibus numeris aeris alieni persolutis confringi ea solent, aut flammis tradi. Meminit sæpe Plautus Tesseræ:

Suam vterque tesseram habet: ratio constat.

Vidimus olim Tarracone apud Ant. Augustinum Archiepiscopum, Antiquitatis longè peritissimum, tegulam quadratam binis inscriptam litteris S P. ceteris obliteratis : quæ nota *Sportulam* signari aiebat, de qua frequens in Martiali mentio est, & ipse disseruit Dialog. II. Antiquitatum in re Nummaria, veterumque Inscriptionibus. Mihi, si dissentire fas, potius videatur fuisse signum *speculatoris Tesserarj*, qualem fuisse Barbulum Proculum sub Othone Imp. auctor Cornelius Tacitus, & Plutarchus. vt emendat explicatque locum Taciti, aliter atque Lipsius noster, Laeuinus Torrētius V. C. ad Othonem Suetonij cap. V. & in Caligula cap. LII. Integrā vero Tesseram Romæ videre contigit, quattuor lateribus sic inscriptam: PHILODAM. DOSSE. A. D. X. K. NOV. SPECT. M. TERENCE. C. CAS. quæ sic legebamus: *Philodamus Dosseni ante diem decimum Calendas Nouembrii Spectatus, M. Terentio C. Cassio, Cos. hanc, quam repræsentamus, formā:*

PHILO-

PHILODAM. DOSSE

A. D. X. K. NOV.

S P E C T.

M. TEREN. C. CAS.

Interrogatus etiam Fulvius Ursinus, homo linguae utriusque, omnisque adeo Antiquitatis bene peritus, eò sermonē deduxit, ut diceret, significari videri, quo anno seu Cōsulatu, mense, atque die, Gladiator Philodamus, spectatus, diu multumque in arte versatus, rude sit ac tessera eburnea donatus, quibus solutum se palaestrae atque arenae legibus athleta ostenderet: ut *Spectati* vocabulum Gladiatorum esset proprium. Quò illud Q. Flacci referebat:

Spectatum satis, & donatum iam rude quaeris,

Maecenas, iterum antiquo me includere ludo.

Equidem de rudibus, quibus gladiatores virgis à Praetore percussi, ut vindictis manumissi, sic hi libertate exauctorati donabantur, facile assentiebar. Ampliare tamē cogor, quod neque Horatius Tesserae ibi meminit, neque adeò vetus eius interpretes Acro aut Porphyrio. Sic Philippica V. M. T V L L I V S in M. Antonium: *Tam bonus gladiator, tam cito rudem accepisti? Et epist. ad Octavium, si eius modo est: Qui veteres gladiatores reliquias ludi Caesaris ad rudem compulisti.* Rudibus quippe depugnare gladiatores soliti, teste Lampridio in Commodi vita: quē refert in arena rudibus inter cubiculares gladiatores depugnasse. Hinc & tralatè *Rudis* pro libertate Iuvenali, Sat. vii. vers. 171.

Ergo

Ergo sibi dabit ipse rudem——

Quo etiam loco Nummariam subiicit tesseram, quae ad Frumentariam pertineret:

Summula ne pereat, qua visis tessera vaenit

Frumenti——

Cuius Frumentariae Iure-consulti meminere: Vlpianus quidem L. 52. D. de Iudiciis: & Paulus L. 49. & L. 87. D. de Legat. 2. Suetonius quoque in Nerone cap. xi. Tesserarum ait frumentarias populo sparsisse, Congiarij vice: quod Xiphilinus ex Dione Cassio his verbis commemorat: Διὰ συμβόλων σφαίρια μικρὰ γερραμμένα in vulgus iacta refert. Vberius etiam in Tito Vespasiano: itemque in Domitiano, & Hadrianq. Tranquillus rursus in Augusto, capp. 40. & 41. & Seruius Honoratus in illud Virgilij 1. Georg. v. 263:

Aut pecori signum, aut numeros impressit acervis.

Vnde colligo, ut gladiatorum tesserarum quadratas repraesentavi, sit frumentarias in orbem rotundatas continere numeri signum solitas, quantum cuique praestari à Principe in frumento, veste, auro, argentove deberet. Erant enim & alia ad Frumentariam pertinentia tesserarum, ut dixi, genera, Olearia, Cenaria, & Nummaria. Huius etiam Tranquillus in Augusto meminit, cap. 41.

Hospitalis quoque tessera in Plauto occurrit: qua ostensa ius hospitij mutuo exigent amici ac necessarii. Sic enim in Poenulo: Ego sum ipse quem tu quaeris. P. Hem quid audio? A. Antidamae me gnatum esse. P. Si ita est, iam tesseram confer, si vis, hospitalem. A. Ecceam, attuli.

Qui

Qui autem hospitij ius violassent, Tesseram fregisse vetere verbo dicebantur, ex eodem Comico in Cistellaria:

Abi, quaere vbi tuo iurando satis sit subsidij.

Hic apud nos Alcesimarcha confregisti tesseram.

Addam & coronidis vice Antiquitatis aliud monumentum, Abacum Romanorum, seu Calculatoriam tabulam, apud eundem Vrsinum olim à nobili & erudito viro Theodoro Renessio repertam, & mecū humaniter communicatam, perutilem iis qui Assen eiusque partes abunde perspectas habent. De quibus calculatoribus haec comperi. Martialis enim lib. x. Epigrammatum:

Nec calculator, aut Notarius velox,

Maiore quisquam circulo coronetur.

Et B. Augustinus lib. II. aduersus Academicos: *Quibus duobus repertis nata est illa librariorum & calculatorum professio, velut quaedam Grammaticae infantia.* Vlpianus quoque I. C. tabellarios eodem appellatos fuisse testatur: spectaturque Veronae vetus inscriptio:

P. CAECILIUS EMPIRODIUS

VI. VIR AVG. CALCULATOR

IUSTINAE SALENAE

XXORI ET SIBI VIV

IXI

1000000.

0 0 0 0

4. Cœtes mille Denar.
Simul 1600 sestertia.
Aliter dicebant: Sede-
cies sestertium.

ccc I ccc
x o oooo.

0

500000 Denarij, vel
2000 sesteritia. Aliter
dicebant, Vicies sester-
tium.

0 0 0 0

4. Decies mille Denarii. Simul 160. sestertia

cc I 33
10000.

O

50000 Denarij, vel
200 sesteria.

0 0 0 0

4. Mille Denarij
Aliter 16. sestertia.

100.

Q

5000 Denar ij : alias
xx. sesteritia.

0 0 0 0

4. Mille aris, vel 4
M. Affes, vel 4. centum
Denarij.

C
100.

O

5. *Mille eris*, vel 500.
Denarij. Aliter, Duo
sestertia.

0 0 0 0

4. Centusses 4. centum
Asses, vel 4. decem De-
narij.

X
10.

O

Quinquaginta Denarij, vel quinque Centusſes.

0 0 0 0

4. Denarij, vel Decuss.

I
I.

C

Quingue Denarij.

0 0 0 0

4. *Asses*, vel *Quadrasses*.

—

Quincussus, vel Qui-
narius.

0 0 0 0

5. *Унциа, или Цин-
суха.*

9

Semis, sex unciae.

C A P. VII.

Democriti ἀφρία Infinitio, infinitasque,
mundorum & atomorum concursio.
CICERO in Philosophicis ex Hip-
pocrate & Laërtio illustratus.

SENATVS populusque Abderitanus Hip-
pocratē illius acui, hodieque Medicorum
coryphæum legatione inuitans ad medicinam
Democrito, quem insanire putarent, facien-
dam, ipsi longe amentiores, vt Prouerbio lo-
cum dederint, inter cetera insaniae argumen-
ta haec colligunt: καὶ ἀποδημῆν ἐνίοτε λέγει εἰς τὴν
ἀφρίαν καὶ Δημοκρίτους εἶναι ὁμοίους ἐαυτοῖς ἀναρι-
δμήτας. Sese quandoque in infinitionem peregrinari di-
cit, & innumerabiles sui similes esse Democritos. Idem
prodit ipse Democritus apud Hippocratem
Coom, eleganti ad Demagetum Epistola, qui
sermo est cūm Abderitano illo Philosopho
iucundè habitus. Sic enim ille: Πολλὰ γὰρ ἀφ-
ρίαι κόσμων εἰσὶν, Ἰπποκράτης, καὶ μυριάς ἐταῶν
κατασμιχρολόγῃ πλῆθει τὴν φύσιν ἔχουσαν. Multa
sunt mundorum infinitates, atque adeo infiniti mundi.
Quare de Naturae diuitiis, bone vir, caue maligne sentiri
contemnere noli aut suggillare. Eadem M. TUL-
LIUS extrema Tuscul. V. Democritus, inquit,
luminibus amissis, alba scilicet & atra discernere non
poterat, &c. Ille infinitatem omnem peregrinabatur,
vt nulla in extremitate consisteret. Quod Abde-
ritani dixerunt, ἀποδημῆν εἰς τὴν ἀφρίαν.
Ex

Et Academicarum libro. iv. qui *Lucullus* inscribitur : *Anaximander* Milesius infinitatem naturae dixisse, è qua omnia gignerentur. Post eius auditor *Anaximenes* infinitum uerem, sed ea quae ex eo orirentur, definita. Et statim : *Leucippus* plenum & inane : *Democritus* huic in hoc similis, vberior in ceteris. Et i. de Finib. Infinitio ipsa, quam ἀπείριαν vocauit, tota à *Democrito* est : tum innumerabiles mundi, qui & oriantur & intereant quotidie. Sic *Laërtius* in *Democrito* : ἀπειρος τε εἶναι κόσμος & γενήτους, & φθαρτούς. & τὰς ἀτόμους ὅ ἀπειρος εἶναι κατὰ μέγεθος, & πᾶν. *Απείρια* igitur *Democrito* non pro inscitia & ignoratione, vt vulgò, sed pro infinitate adhibita: quemadmodum & *Aristoteles* κατηγορίας vocē forensi, in Decem vocibus, quæ vniuerse dicuntur, vtitur, itemque *Stoici* verborum atque originum architecti non rarò notiones vocum detorserunt. De atomorum autem concursu è sententia *Democriti* *Tullij* loca colligam. Ita enim *Academica* priora: Iam *Physica*, si *Democritum* probarem, possem scribere ita planè vt *Amaphanius*. Quid est enim magnum cum causas rerum efficientium sustuleris, de corpusculorum (ita enim appellat atomos) concursione fortuita loqui. Et *Tuscul.* i. Illam funditus eiciamus indiuiduorum corporum leuissimam & rotundorum concursionem fortuitam, quam tamen *Democritus* & calefactum & spirabilem, id est animale esse voluit. Et statim : *Democritum* magnum quidem illum virum, sed leuibus & rotundis corpusculis efficientem animum, concursu quodam fortuito omittamus. Rursum i. de Finib. Eadem illa atomorum, in quo etiam *Democritus* haeret, turbulenta concursio, hunc mundi ornatum efficere non poterit.

C A P. V I I I.

Medicina corporis & animi. CICERO illustratus Tuscul. III. Corporis medicina triplex. Ausonio in Gripho lux allata. Auarorum ingenium. Hippocratis Coi Epistola de Democrito saepius correcta.

DEVERTO interdum libens in Philosophorum, atque aded Medicorum spatia, animi laxandi gratia; &

Quo me cumque rapit tempestas, deferor hospes.

In his coryphaeum Hippocratem, cum ob suauitatem Ionicae dialecti, cum Herodoto atque Homero communis, tū vt flores legam

Floriferis vt apes in saltibus omnia libant.

Euocatus itaque per legatos à S. P. Q. Abderitano Cous ille Medicus, vt Democritū, vt ipsi quidem insani interpretabātur, motae mentis atque alienatae sanaret, ac veratro velut insanientem curaret: in portum iam AEsculapianaue delatum, sic omnis omnino aetatis ac sexus summi, medij, infimique compellabant in Epistola illa eleganti ac bene longa Hippocratis ad Demagetum; quam curriculo transcurerre ac passim emendare ingredior, opescripti codicis eruditissimi viri Pet. Pantini, nuper heu fato nobis erepti. Verba è principio

pio apponam, quib. votum ciues testatum relinquunt: σῶζε λέγοντες, βοήθη, θεράπευσον. *Servant inquit, opitulari, medere.* Tria nimirū haec legēti in mentē tum veniebant, quae Medicinae corporū propria esse omnes praedicāt, & Aufonius in Ternarij gritho vno est versu cōplexus:

Et Medicina triplex, servare, cauere, mcderi.

Tametsi in vetere illo libro calamo exarato duo dumtaxat capita repperi: ὁ ζεῦ βασιλεῦ, λέγοντες, βοήθη, θεράπευσον. Qua compellandi forma & infra vsum se Hippocrates affirmat: καὶ γὰρ, ὁ ζεῦ, βασιλεῦ φημι, εὐκαίρως γε ἀντιγρῶφες πρὸς τὴν πόλιν. Tum ego: Rex Iuppiter, ut oportune incusas hanc urbem Abderam, insaniae vernaculam. Democritus quoque singulari Epistola Medicinam ipse, ut sapientiae sociam ac germanam, sic praedicat: Ἰσορίῳ σοφίας γὰρ δοκέω ἰητρικῆς ἀδελφὴν καὶ ξυωσικόν. Σοφίᾳ μὲ γὰρ ψυχὴν ἀναρβέται παδῶν. ἰητρικὰ δὲ νόσους σωματῶν ἀφαιρίεται. *Sapientiae cognitionem Medicinae sororem ac familiarem esse duco. Sapientia siquidem animi perturbationes tollit: ac Medicina corporum morbos pellit.* Quae gemina cum iis sunt, quae tertio Tusculanarum disputationum T V L I V S praefatur: quaeque infra Hippocrates in Democriti ore; artem hanc mortalium vitae necessariam partim invidia, partim ἀχαριστίας vitio daminari. Depingitur porro Democritus à Coo, sub ampla, ramosa, atque humili platano lapideae insidens exedrae: brevi tunica substrictus, pallens ac macilentus: horridis capillis, promissa barba, supremis dumtaxat labris attonsa. Verba adscribo, vncis includēs quae aliter scripta repperi,

Ypperi atque Aldus in Epistolarum Graecarum volumine, ac Medici ediderunt, ut cui bono est, componat, atque emendet: Επετα κατόπιν τῷ πύργῳ βυθὸς ἦν τις ὑψηλὸς μακρὴ [καὶ] [λαοῖσιν αἰγείροις.] ἐπίσκιον. Ενθεν τε [ἐωρᾶτο] τὸ τῷ Δημοκρίτῳ κάλαγόνια· καὶ αὐτὸς δὲ Δημοκρίτης [ἐκάθητο] ὑπὸ τινὶ ἀμφιλαφεὶ καὶ χθαμελῇ πλανίσι, ἐν ἐξωμίδι παχείῃ μὲν [ἀνελθὼς] ἐπὶ λιθίνῳ θώκῳ, ὡχριακὸς πάνυ, λυπὸς ἀρχῶν, κερδῶν δὲ γένει. Cornarium hic non satis à libris antiquis, extemporaneum scriptorem, dum nimis properat, adiutū, ἀνήλιπεν supposuisse conijicio, quasi ἀγνοῦντος. ἤλιψεν γάρ, τὸ ὑπὸ δῆμα, discalceatus enim vertit. Aldina editio, ἀνήλιπεν. Vetūs autē liber ἀνέλιπε praefert, quasi non videret, situ ac squalore horridus, ἀβελθῶν. A. Poësius praestans Medicus typis Wecheli edebat ἀνένυτον: ut post non longè. καὶ μηδεμιᾶς ἐνεκεν ὠφελείας ἀλγέοντα τῶς ἀνηνύτας μόχθους. ubi & codex antiquius more Attico legit, ἀνύοντα τοὺς ἀνηνύτας μόχθους. Post in auros incurrens Democritus, qui terrae viscera, venasque auri argenti que cupiditate rimantur, velut ad lautumias ac metalla damnati.

Effodiant ut opes irritamenta malorum,
eandem terram, nunc adspirantes, nunc contemnendo conculcantes. Verba ut in vetere libro scripta sunt, appendo; ut cum vulgatis, qui volet, compareret. Οἱ δὲ πολλῶν χρόνων ταύτων ἀγοῖντες τὴν ἀνάγκην, ὡς ἐν πατρίδι τῇ κολάσει καταμένοντες. ἄργυρον καὶ χρυσὸν μαστίζοντες ἱχνη κόπτεως καὶ ψῆγμα ἐρευνῶντες, φάμμον ἄλλην ἀμαχόθεν ἀγείροντες, καὶ τῆς γῆς φλέβας ἐκτέμνοντες ἐς

περιβάσιν αἰεὶ βωλοποιῶντες ἐκ γῆς μητρὸς τὴν
 μὴν γῆν, καὶ τὴν αὐτὴν ἐξέειν καὶ θαυμάζουσι καὶ πα-
 τῶσιν.] Cuius in extremo mirè variat lectio.
 Aldus Manutius olim excudit : βωλοποιέοντες
 ἐκ τῆς μητρὸς, πόδε μὴν γῆν. Foësius sic : βωλο-
 ποιέοντες ἐκ γῆς τῆς μητρὸς πολεμὴν γῆν, καὶ τὴν
 αὐτὴν ἐξέειν καὶ θαυμάζοντας πατέρειν. Ad opulen-
 tiam semper terram matrem tāquam hostilem in glebas
 proscindunt, quam etiam cum admiratione calcant.
 Cornarius ita vertit : Ad opulentiam semper glebas
 conflantes ex matre terra, hostilem terram (cum tamen
 eadem sit.) facientes, ut hanc admirantes pedibus ca-
 cant. Equidem ex obscuris haec veluti è quer-
 cu exsculpo. Terrae venas incidentes, ad opes
 parandas glebas ex illa communi matre affi-
 duè cogentes : cumque una illa sit atque ea-
 dem, & admirantur, & conculcant. Quo fere
 sensu amicus olim noster Ab. Ortelius vir
 optimus, & excellens Geographus Orbem
 terrae indice monstrans symboli vice v-
 surpare illud solitus : MENTE MANV OR-
 NO CONTEMNO.

C A P. I X.

*Hippocratis ad Demagetum Epistolae pars
 reliqua emendando percurritur.*

DE variis hominum studiis Democritus
 apud Hippocratem differens, ac de vitiis,
 quibus laxatis nimium Rationis habenis
 mortales indulgent, subiicit. Ἄλλοι σφάζουσιν,
 ἄλλοι

ἄλλοι θάπτοντες ὑπερορέοντες ἃ ἔχουσι πρὸς τὰς ἐλ-
πιζομένας πράξεις ὀρμώμενοι. Editur vulgo:
πρὸς τὰς ὑπερορίας κλήσεις ὀρμημένοι. Et statim
Aldus: οἱ ᾧ ἐπαιρόμενοι κενοδοξίῃ. Equidem una
extrita littera emendabam astipulante. cod.
ἐπιρόμενοι, pro, inani gloria elati; minore vi ac
felicius quam Foësius, qui ἐπιουμένοι, attoniti
supposuit. Concludit infra Risus causam:
Τὰς ἀναξίους δυνὲν δυνήντας ψυχὰς. (repono πα-
δὰς) τοιαύτας ὀρώντες καὶ τοιαύτας, πῶς μὴ χλευά-
σωμεν τὸν ἀκρασίῳ ἐχούνα βίον αὐτέων; Cum igitur
tot tantaque indigna ac misera mortalium studia
nobiscum expēdimus, quid ni vel effuso risu subsannemus,
insectemurque. Post non longè: ὅτε πολλοὶ τὸ τῆς
ἀτεχνίης ἐν ταυτοῖς ἐχούτες αἰδρίες τέδντες ἐχθαίρου-
σι τὸ κρεῖσσον. Sic malo è vetere libro, quā quod
Foësius & Aldi codex praefert καθαίρουσι. Sic
supra paullo pro ἐχθέρουσι ἢ εὐεργετήσαντα, ut
Aldina habet editio, rescribo ἐχθαίρουσι ἢ
εὐεργετήσαντα, bene-merentem oderunt. Finem hic
facio; si extrema excussēro: in quibus etiam
Medici docti interpretes, conati quidem sunt
morbo deprehensō ὀπὲρ adferre Paeoniam,
sed non quantum voluerunt sunt affecuti.
Tentemus (quid enim vetat?) se forte glan-
dem decutiamus, dum alij ex hortis bonis
tempestiuitate quadam meliora producant.
Locus enim mihi quidem prope depositus vi-
detur, cuius sensum citius assequar, quā ad-
ferre medicinam queam. Scriptam lectionem
appono, ab Aldina editione diuersam: οὐκ
ἀπρὸ τοῦ τῆς τοιαύτων λεσχέων ταῦτα λαφύρας
εἶδὼς ἐν ᾧ ἀναξίως παθείησιν πολλὰ καὶ γεννηθέντα.

καὶ δὲ οὐσίῳ καὶ βασιανίῳ φιλοῦσθαι. Ατρεχεῖς
 γὰρ οὐδεμιᾷς γνῶσις, οὔτε μαρτυρίᾳ. Non experts
 rudis talium nugarum, nihil ambigo quin & tu quoque
 mi Hippocrates, in has, te tamen indignas, incideris af-
 fectiones, & conuicia. Et iampridem malè audieris, cum
 propter luculentas tuas diuitias, tum propter aliorum in-
 uidiam. Veritatis enim nulla neque cognitio hodie, neque
 testificatio est: Illud tamen, ne quid dissimulem,
 φιλοῦσθαι adhuc de mendo suspectum oc-
 currit. Doctus sane interpres Gallus, sic red-
 dit; Neque tu huiusmodi contumelias non expertus es:
 cum probe sciam, haec quae in memorabilibus affectioni-
 bus sunt te per causam aut inuidiam nunquam libenter
 conuitiis infectatum. Euasi tandem ad veram le-
 ctionem, nuperam nactus editionē Fragment-
 orum veterum Philosophorum ab H. Step-
 hano adornatam, & Epistolarum Graecarum
 per Eilhardum Lubinum hoc saeculo euulga-
 tam, qui βασιανίῳ φιλοῦσθαι, hoc est, inui-
 diam conuitiis gaudentem conuertit, redditque ita
 locum: Harum calumniarum cum ignarus non sim,
 certo hoc scio te inuito taedia saepe incidere, & propter
 opes tuas, & propter inuidiam quae conuitiis gaudet.
 Veritatis enim nulla cognitio, neque testimonium. Eant
 nunc ignaui illi, qui Graecas litteras discēdas
 esse negant, & interpretibus suis fidendum
 falso iactant: nisi si Hippocratem & Galenum
 in medica, quam profitentur, arte, attingen-
 dos esse ferrea fronte negare audeant.

C A P. X.

Medici praemiis honorandi. Honor pro mercede interdum, ut Graecis γέρας. Cur curatis iam corporibus ingratos plerumque experiantur aegros Medici, ut magistri discipulos, consentiens Democriti & Hippocratis sententia.

MEDICOS aegris adhibendos, honorémque eis habendum, hoc est, ut equidem interpretor, praemiis afficiendos, Syracides docet Ecclesiastici xxxviii. v. i. Sic enim B. Hieronymus Epist. ad Gerontiam, & Commentario in cap. xv. Matthaei *Honorem pro mercede*, ut Graecis γέρας, variis S. Scripturae locis exponit. TULLIUS quoque noster Tironi liberto suo, qui iam Patris à gravi morbo recreatus erat: *Curio*, inquit, *nisi ut medico honos haberetur*. Cōtra quoque pro *ὀνείδος* iniuria observat Agellius lib. xii. Noctium cap. ix. & Muretus lib. vi. Variar. c. 18. ut utroque versum dicebant, *Dolum, Facinus, Valetudinem*, reliqua. Vetus autem est, fuitque semper de aegrotorum, ubi confirmata valetudine convaluerint, ingrato animo & iusta querimonia; salutis causas variis variè adscribentibus, ut & Democritus Hippocrati miseratus coram affirmabat Epistola illa bene longa ad Demagetum,

getum, & hic vicissim per Epistolam expolitulat. verba vtriusque ob venustatem appingere non pigebit. Sic enim Democritus apud Coum medicum, vt quidem in perveteri codice scriptum vidimus, aliter atque Aldina praefert editio: ἡ πρὸς γὰρ ὑπονοεῶ ὡς σαφὲς λαβῶναι σὺ πολλὰ τῆς ἐπιστήμης ἢ διὰ φόβον ἢ δι' ἀχαρισίαν. (Rectius autem vetus liber ac Budaeus legunt ἡ χάρις γὰρ ὑπὸ νοσέωντων σαφὲως λαβῶναι σὺ τὰ πολλὰ τῆς ἐπιστήμης, ἢ διὰ φόβον, ἢ δι' ἀχαρισίαν) εἴτε γὰρ νοσέοντες ἅμα τῷ σώζεσθαι τὴν αἰτίαν, ἢ θεοῖς, ἢ τύχῃ προσνέμεσι. πολλοὶ δὲ τῇ ἰδίᾳ φύσει προσάψαντες ἐχθαίρουσι τὸ εὖ γεγνησάντα: μικροῦ δὲ εἶναι προκατανακτεύοντες ἐνέμιζοντας χρεοφιλέται. Reddam vt potero: ἀλλ' οὐκ ἀπὸ τῶν ἀνδρῶν, ἀλλ' ἀπὸ τῶν θεῶν, ἢ ἀπὸ τῆς τύχης, ἢ ἀπὸ τῆς φύσεως, ἢ ἀπὸ τῆς ἀντιπράξεως ἀπολέσῃ τὸ εὖ γεγνησάντα. Reddam vt potero: Audi mi ab ipsis aegrotis, siue ob inuidentiam, siue ob ingrati crimen animi artem tuam probro affici. Simul enim praestitae sunt res tituli incolumitati, iam vel Diis, vel Fortuna adscribunt: plerique etiam Naturae suae benignitati ac praestantiae acceptum referentes, omni ope de se meritum Medicum oderunt, parumque abest quin indignentur si eis gratiam debeant. Hippocrates verò his germana Democrito scripserat. ἰατρικῆς τέχνης χατορδῶματα μὲν οἱ πολλοὶ τῶν ἀνθρώπων οὐκ ἀποδέχονται, ἀλλ' ἐπαινεῖσιν. θεοῖς καὶ πολλὰ κίς προσνέμωσιν. ἢν δὲ τι ἡ φύσις ἀντιπράξασα ἀπολέσῃ τὸ εὖ γεγνησάντα, ἢ τῶν ἀνθρώπων, ἢ τῶν θεῶν, ἢ τῆς τύχης, ἢ τῆς φύσεως, ἢ τῆς ἀντιπράξεως ἀπολέσῃ τὸ εὖ γεγνησάντα. Reddam vt potero: In arte Medica quae recte sunt plerumque quidem hominum vulgus non admodum laudat, saepe vero Diis attribuit. At si in aliquo repugnans natura eum qui curatur interemerit, numeri praetermittens Medicos incusat. Et ego sane plus reprehensionis

henssonis quam honoris ex arte mihi consecutus videor.
Sic ille. Diis autem superstitione quadam olim
attributa medicamenta, artemque adeo ipsam
Phoebo vt inuentori datam ecquis ignorat?
ecquis ambigit?

Inuentum medicinam meum est—

canit Poëta. Aesculapio quoque tributae me-
dicationes. Hinc CICERO familiari suo
gratulabundus: *Ita sum, inquit, leuatus morbo vt
Deus mihi aliquis medicinam fecisse videatur.*

C A P. X I.

CICERONIS liber I. Tuscul. Quae-
stionum illustratur & emendatur,
Plutarchus item correctus.

TVSCVLANAS Quaestiones lego sanè
perlibenter, vt Christiano homine non
indigna continentes, vt & idonea satis caussa
sit visa, cur huic quoque scriptioni parem fe-
rè titulum *Tullianarum Lectionum* extorserint: &
cur in partes sæpius aduocentur. Nactus enim
olim Toleti Carpetanorū ex archiuis opimae
Ecclesiæ longè antiquissimum codicem litte-
ris Longobardicis, sed fideliter exaratum, stu-
diose inspexi, dum Graecas ibi litteras auspi-
ciis Card. & Archiepisc. Qui rogae publicè in-
terpretarer. Sub finem autem libri primi de
Mida sic ait: *Non nasci homini longè optimum esse,
proximum autem quam primum mori;* Ex Posidippi
Epigrammate depromptum.

Ἡ ἄρ' αὖ τοῖν δυοῖν ἐνὸς αἵρεσις. ἢ τὸ γενέσθαι
Μηδέωσι, ἢ τὸ θανεῖν αὐτίχ' αὖ τιχόμενον.

Quos versus Aufonius Gallus ita conuertit :

*Optima Graiorum sententia, quippe homini aiunt
Non nasci esse bonum, natum aut citò morte potiri.*

Et Plinius libri vii : Nat. Hist. prooemio. *Itaque multi exstiterē, qui non nasci optimum censerent, aut quàm ocysime aboleri.* plura de his in antiquorum Graecorum Epistolis occurrent. Post paullo agens Orator de Crantoris Philosophi Academici Consolatione, ait Termanaeum quendam Eleusium, cum grauitè mortem filij moereret, venisse in Sycomantium, quærentem, quæ fuisset tantæ calamitatis causæ, talesque ei versiculos datos :

*Ignari homines in vitæ mentibus errant,
Euchinous potitur Fatorum munere laeto:
Sic fuit vitæ finiri ipsique tibi quæ.*

Illud in primis notandum non *Termanaeum*, ut vulgo editur, sed *Terinaeum* rescribendum, à *Terina* Siciliae vrbe, cuius & Stephanus Byzantius meminit. Comprobatur id Plutarchi auctoritate, qui & ipse in Consolatione ad Apollonium: εἶναι μὲν γὰρ αὐτὸν ἡλυσίῃ πατρὸς Τερινάϊα τῆς ἐκείνῃ πρώτῃ ἀρετῆς πλούτῳ καὶ δόξῃ. Legendum quoque *Elisium* hinc, non *Eleusium*, discas. Scriptum quoque vitiosè circumferri *Sycomantium* : pro quo *Psychantium*, id est, mortuorum oraculum reponendum ex eo ipso Plutarchi loco : ἀπορρήτῃ δ' ὁ γὰρ βόωθ' ἐάσαντες λαβοὶ τούτων ἀφίκεσθαι ἐπὶ τῇ ψυχομαντείῳ. Notandum vicissim è C I C E R O N I S supra allatis versibus, corruptè apud Plutar-

chum

chum legi tres hos oraculi versus , quod & Pet. Victorium , cetera hoc loco diligentissimum , fugisse video:

Ἡρου νήπιε ἡλίθιοι φρένες ἀνδρῶν

Εὐθύνοθ' κείλαι μοιριδίφ' θανάτῳ.

Ἦν γὰρ ζῶειν καλὸν αὐτῷ οὔτε γονεῦσιν.

Cum legendum sit, ἦρα: & pro νήπιε , νήπιοι. & finali carmine pro γονεῦσιν γονεῖποι reponendum Tulliani versus ostendant, Germanum vero nuperum interpretem postea sic tentasse deprehendi:

Ἡπὺ τασιν νήπια ἡλύσιε φρένες ἀνδρῶν.

Quin etiam Euthynoon lego in versibus illis non Euchinoum : item non vocari Menecheum Creontis filium , qui pro Thebis mortem optulit, sed Menoxium, ut Euripides & Sophocles tradunt, hinc disco : Quæ post magnos illos rei litterariae viros delibasse sufficiat. Alij maiora, me etiam applaudente, adferent.

C A P. XII.

Gladius furiosi. Migrare iura communia
CICERO in Officiis castigatus.

LIB. I. Officiorum : Incidunt sæpe tempora, cum ea , quæ maximè videntur digna esse iusto homine , eoq̃ue , quem virum bonum dicimus commutantur , fiuntq̃ue contraria , ut non reddere depositum etiamne furioso : promissa non facere, quæque pertinent ad veritatem & ad fidem,

ea negare interdum & non seruare sit iustum. Carolus Langius, Belgae doctissimus, eumque his libris per omnia secutus Lambinus *ne furioso* furcis eiciunt. Quod vero Manutius in omnibus suis veteribus esse affirmet, retinendum puto, tametsi audacter nimis Lambinus, sollemni more, reclamantibus, ut ait, & inuitis libris omnibus loco mouendum censeat. Vidi qui legerent interrogationis addita nota *etiamne furioso?* at nihil subiicit quo respondeat. Aldus ad hunc locum sic habet. Illud etiam *ne furioso*. licet aperte corruptum, mutare tamen non audeo, opem libriveteris expectabo. Nam mei omnes consentiunt cum expressa lectione, vno excepto, in quo pro *furioso*, *furiose* legitur. Interea placet relinquere in quo aliorum exerceantur ingenia. Confecta, Manuti, res est mea quidem sententia, si reponas *gladium furioso* ex obscuris illis locum turbantibus vestigiis *etiamne furioso*. Perspicue enim libro III. ait; quem locum hinc geminum esse qui neget, nae ille in hisce interioribus litteris hospes peregrinusque sit: Ergo & promissa non facienda nonnumquam, neque semper deposita reddenda sunt. Si gladium, quis apud te sanae mentis deposuerit, repetat insaniens; reddere peccatum sit; non reddere officium. Quod autem *ea migrare*, non ut vulgo editur *negare* pro transilire idem Langius reposuit, recte factum arbitror. Sic enim Cic. III. de Legibus: Quod quis earum rerum migrasset noxae poena par esto. & I. de Diuinat. *ne communia iura migrare videatur*. Ita enim non communi iure legedum monuit doctissimus Turnebus: Itaque

III. de Finibus: *Qui id conseruaret, eum iustum; qui migraret, iniustum fore. Sic emigrare, pro egredi.* Titinnius apud Nonium:

—*Quot pestes & iurgia
Se meis aedibus emigrarunt?*

C A P. XIII.

Dignitas & honestas. CICERO II.
*Tusculana contra aliorum sententiam
saepius emendatus.*

M. TVLLIVS *Adolescens, quem in Tusculanis Quaestionibus loquentem inducit, non Atticum vt Lactantio visum lib. i. Institut. diuin. vel Auditorem, vt alij crediderunt, quo falsum de tolerando dolore, summo, vt ipsi quidem videbatur, malorum omnium, errorem eriperet, sic interrogat: Num fortem virum, num magno animo, num patientem, num grauem, num humana contemnentem potes dicere, aut Philoctetam illum (quam te enim malo dicere, sed illo certe non fortis)*

—*Qui iacet in lectulo humido*

Qui eiulatu, questu, gemitu, fremitibus

Resonando, multum flebiles voces refert.

Sic vulgati, corrupte sane. Octavius Panagathus Italiae, dum vixit, oraculum, audacter interpolabat: *Aut Philoctetam illum, aut me malo dicere de illo. M. certe fortis, qui iacet in lectulo humido.*

Lambinus vero qui in CICERONE, atque adeo Poëtis Q. Flacco T. Lucretio, ac M.

Plauto

Plauto emendandis studii multum operaeque contulit, sic edendum curavit: *haud Prometheum aut Philoctetam illum. Illos enim quam te malo dicere, sed ille certe non fortis.* Atqui non ille satis, ut opinor, locum instauravit, ac ne Paulus quidem Manutius parêthesi haec inclusisse contentus. Facio equidem libenter, ut librorum veterum fidem, quoad eius à me fieri potest, sequar, qua locum hunc prope depositum sanare conabor. Sic igitur in membranis Longobardicis Toleti à me inspectis, scriptum repperi: *Num humana contemnentem potes dicere Philoctetam illum? A te enim malo discere: sed ille certe non fortis.* ubi pro aut legi malim ἐμπατίζῃς, vel aut potius sic: *an Philoctetam illum?* Reponatur itaque *discere*, non ut passim editur *dicere*: quod etiam in editis antiquitus occurrit, ut infra lib. v. Tuscul. *Sed à te impetrare libenter velim.* Quod autem Manutius in vno Maffei cod. scriptum testatur: *Aut Prometheum aut Philoctetam,* vereor ut probum sit, & ab haesitante potius librario adscriptum videatur. Itemque *Multas flebiles voces refert*, eadem membranae praeferebant. Reliqua verò de vetere Poëta hic à C I C E R O N E, aut certe extremo libro II. de Finibus bonorum & malorum detorta, & sensui apta observaui: *Turpe, inquit, putandum est non dico dolere, nam id quidem est interdum necesse, sed saxum illud Lemnium clamore Philoctetaeo funestare: Quod eiulatu, questu, gemitu, fremitibus.*

Ut saxum illud: *flebiles voces referre*, non secus atque imago vocis solet, quam Graeci ἡχῶ nominant, pronuntiet. Sic in Orat. pro Archia.

Saxa & solitudines vocis respondeant. Et Horatius Sermonum Sat. IV.

Sua uè locus vocis resonat conclusus——

Ex illo CICERONIS loco, & supra ita legendum: *Sagittae è viperino morsu venae viscerum veneno imbutae tetros cruciatus cient. Itaque, &c. Quomodo in eisdem schedis scriptum repperi, non cierent.*

Paullo ante: *Tum dignitas, tum decus aderit, amplius est in libris duobus calamo exaratis; Tum honestas, tum dignitas, tum decus aderit: quod amplector. Coniungit hæc enim sæpenumero TULLIUS. Non longe abiero, hoc ipso libro statim: Nihil enim habet natura præstantius, nihil quod magis expetat, quàm honestatem, quàm laudem, quàm dignitatem, quàm decus. Et in Muraeniana, Summa est in utroque honestas, summa dignitas.*

Infra est: *Ferri non potest: natura non patitur; duo codices antiqui: Fieri non potest. sed causæ nihil est vulgatam cur reiiciam.*

Post: *Illud homini longe optimum esse, quod ipsum si optimum per se, à virtute profectum, vel in ipsa virtute situm, sua sponte laudabile: quod quidem citius dixerim solum quàm summum bonum. Laudo scriptam lectionem: Quod quidem citius dixerim solum quàm non summum bonum. Ita ferè lib. II. Finium: Atque hæc contra Aristippum, qui eam voluptatem non modo summam, sed solam etiam dicit.*

Mox rursum CICERO: *Ergo hos quidem ut famulos vinculis à custodia arceamus: qui autem erunt firmiores, nec tamen vetustissimi, hos admonitu simili oportebit, ut bonos milites reuocatos dignitatem tueri. Alter codex vetus, Vinculis prope ac custodia cœr-*
ceamus.

ceamus. Toletanae tamen membranae verbo *coërceamus* carebant, & ad sequentia *oportebit dignitatem* tueri referebat. *Euocatas* autem legendum hic verbo militari nonnulli centuerę, quibus nomen non subscribo meū. Ceterum pauca de multis exempla imperatoriae huius prudentiæ, qua milites in officio retinentur, & infrequentes ad signa assidui fiunt, Plutarchus in Fabio Maximo, nosterque De Viris illustribus scriptor; cap. XLIII. de Marso quodam & Lucano, suppeditant.

C A P. X I V.

Ennij apud C I C E R O N E M versus.

Ducere in Auctionibus vsurpatum

Magni Dij.

PYRRHVS gratuito captiuos Romam remittendos ratus hoc eos apud Ennium Elegio ornat:

- Quorum virtuti belli fortuna pepercit;
- Forundem me libertati parcere certum est:
- Dono ducite: doque volentibus cum magnis Dis.

In posteriore versu ita interpungendum equidem existimo: *dono, ducite: vt verbum, non nomen sit dono.* Ducere autem in auctionibus, subhastatione, emptionibusque vſitaram olim formulam fuisse è Iure-consultis notum, cum dicerent *ducas licet* vnde gentis illud loquendi manauit. *Vxorem domum ducere,* & concise *vxorem ducere.* Adhibebatur & in condemnatis & ad-

dictis,

dictis, vt & creditores domum ducerent debi-
tores, qui soluendo aeri alieno non essent.
Vnde in Legibus XII. Tabularum: AST QVEI
ENDO IVS ADDICIT, SECVM DVCITO. Erat
& altera bene precantium formula: Cum
magnis Diis. Et: Diis volentibus. Plautus Milite
glorioso:

Agite, ite cum Diis beneuolentibus.

Et in Persa:

Sequere hac mea gnata, cum Diis volentibus.

M. Cato lib. de re rustica, cap. XIV: Cum Diis
volentibus, quod bene eueniat, mando tibi: Maro
I. Aenid.

—ponuntque ferocia Poeni

Corda volente Deo—

Magni autem dij sexu diuisi, quasi maiorum
gentium, qui ceteris antecellerent, XII. nu-
merabantur: quos Ennius disticho complexus
est apud Appuleium de Deo Socratis, & Mar-
tium Capellam lib. de nuptiis Philologiae:

*Iuno, Vesta, Minerva, Ceres, Diana, Venus; Mars
Mercurius, Iouis, Neptunus, Vulcanus, Apollo.*

Sic Ioui Opt. Max. assessores duodecim attribu-
ti, vt censēbat antiquitas. Demochares: &
Θεόφρασε, Αθηνάιοι ἤσαν ἄλλ' οὐχ οἱ δώδεκα θεοὶ οἱ
δικάζοντες. Hinc Vitruuius prooemio Archi-
tecturae: Cum Concilium Caelestium in sedibus im-
mortalitatis eum dedicauisset; & Consentes idcirco ap-
pellati, vt tradit Augustinus lib. IV. de ciuitate
Dei, Arnobius libr. III. & L. Seneca libr. II.
Natural. quæst. cap. XLI. Nec defunt qui per
hos Magnos Deos, Penates & Lares intelligant,
Virgil. III. Aeneid.

—feror

— Feror exul in altum

Cum socijs, natoque, Penatibus, & magnis DIs.

Idem testatur Cassius Hemina, aitque eos appellari μεγάλης, καὶ χρησούς, καὶ δυναίους. Vnde puto Asconium Pedianum Lares urbis Romanae, magnos Deos interpretari. Macrobius de his & ad Senecam Tragicum Mart. Delrio noster ὁ μακαρίτης plura suggerēt, quae transscribere non libet.

ING

C A P. X V.

OL

Tres illos Tragaediae principes Philosophos fuisse, ex CICERONE demonstratum. Euripidem Anaxagorae dogmata tradidisse.

NON solum Oratorum, sed & Poëtarum optimum quemque è Philosophorum spatiis exstitisse obseruavi. De Tragicis illis Graeciae Trium-viris in praesens ostendam. De AESCHYLO sic TULLIVS libr. III. Tuscul. Aeschylus non Poëta tantum, sed etiam Pythagoreus: sic enim accepimus. Cui etiam eum esse ab Atheniensibus tributum honorem memoriae est proditum, ut vnus ex omnibus Tragicis fabulae ipso etiam mortuo decreto publico docerentur. Sophocles vero qui μελίτης ἀτλῆκῆς nomen inuenit, quo sapientiae doctore sit vsus adhuc quaerimus. Illud tantum adiungatur, quod Aristoteles ait, αὐτὸν αὖ

ἰτα

Εἶναι μιμητὴν Ομήρου, qui Homerus Philosophorum & Poëtarum prope Deus, ac parens est habitus. Hinc *Tragicorum Homerum* Polemon Sophoclem appellabat. De quo & illud Epigramma scriptum, quò respexerit & Demosthenes:

Σοφὸς Σοφοκλῆς, σοφώτερος δ' Εὐριπίδης

De E U R I P I D E vero, vnde potissimum nobis hæc nata observatio, id extra omnem controuerfiam est, Anaxagoram assiduè audiuisse, teste eodem T V L L I O Tuscul. III. & Vitruuio lib. VIII. cap. I. cuius doctoris casu territum (quòd Philosophiæ causa capitis arcefferetur, dum solem candentem esse laminam diceret) à Philosophia descivisse Euripidem ad Musas referunt. Tragoediae tamen eius praeceptoris doctrinam sapiunt. Sunt enim in eo omnia argutiora quam in ceteris, Philosophicisque & acutè inuentis sententiis, vt iure optimo singulos versus singulas esse gnōmas C I C E R O ad Tironem iudicavit. Vtque in Athenaeo lib. VIII. Δειπνοσοφιστῶν, σοφὸς Σοφοκλῆς, sic & σκηνικὸς φιλόσοφος ab Atheniensibus appellatus est Euripides, etiam apud Clementem lib. V. Stromat. & Origenem lib. IV. contra Celsum ἀλλὰ καὶ ὁ χαλκιδναὶος σκηνικὸς φιλόσοφος καὶ φυσιολογίας τῆς ἀναξαγόρου γενόμενος ἀκροάτης. Ibidemque lib. VII. pag. 345. & apud Suidam. Refert quoque Plutarchus in extremo Nicia, Atheniensēs in Sicilia captos qui γνώμας illius & ῥήσεις recitare nossent, hoc quasi redētionis pretio liberatos fuisse, cū Euripidia publice Atheniensēs docerentur.

Inter cetera verò Anaxagorae dogmata, haec in Euripide obseruasse memini. Primum cum de caelo lapis cecidisset, & lapideum caelum Anaxagoras asseruisset, hinc Euripidem in Phaëtonte fabula dixisse χρυσέαν βῶλον εἶπεν ἢ ἥλιον, teste Laërtio. Alterum περὶ τῆς ὁμοιομερείας. Sic enim materiam infinitam, ex qua omnia gignerentur, appellabat, eiusque particulas esse similes inter se & minutas, primo confusas, postea in ordinem adductas à mente diuina, vt in Lucullo CICEERO ait. Hoc namque modo librum suum orsum Anaxagoram idem docuit Laërtius, & Plutarchus i. de placitis Philosoph. cap. III. ὁμὸν πάντα χρήματα ἦν Νῦς δ' αὐτὰ διήρξε καὶ διεκόσμησε. De quo T. Lucretius lib. i.

*Principium rerum quam dicit ὁμοιομερείαν,
Ossa videlicet è paucillis atque minutis
Osibus; sic & de paucillis atque minutis
Visceribus viscus gigni sanguenque creari,
Sanguinis inter se multis coeuntibus guttis.*

Contra hoc disputat Aristoteles li. III. de Caelo & i. Physico, vbi Simplicius hæc decerpfit, & Physicorum librorū Anaxagorae principium aliud paullo refert, quam Diogenes: Αναξαγόρας δὲ ἐκλινθε μίγματι ἀπὸρα τῷ πλήθει ὁμοιομερεῖ ἀποκρίνεσθαι φησί, πάντων μὲν ἐν παντὶ ἐνόντων, ἐκάστω δὲ κατὰ τὸ ἐπικρατέον χαρακτηρίζομεν, δηλοῖ δὲ τῶν πρώτων τῶν φυσικῶν λέγων ἀπ' ἀρχῆς. ὁμὸν χρήματα πάντα ἦν ἀπειρα καὶ πλεον καὶ σμικρότητα. καὶ γὰρ τὸ σμικρὸν ἀπειρὸν ἦν, καὶ πάντων ὁμὸν ὄντων ἦν ὑπὸ σμικρότητι. Et paullo post: τούτων δὲ οὕτως ἐχόντων χρῆσθαι εἶναι πλεον

λάτι καὶ παντοῖα ἐν πᾶσι τοῖς συγκρινόμενοις, καὶ
 πνεύματα πάντων χρημάτων καὶ ἰδέας παντοίας
 ἔχοντα, καὶ χροίας καὶ ἡδονάς, &c. nam de Mente,
 quae idem colligit interpres trāsscribere non
 lubet. Redeo ad Euripidem, qui Anaxagora
 praeceptore capitis damnato ad Socratem se
 in Academiam contulit, non intelligēdi mo-
 do, sed & dicendi magistrum ea tempestate
 optimum. Ita enim Laërtius Diogenes. ἐδόκει
 συμποιεῖν τῷ Εὐριπίδῃ ὁ Σωκράτης, ὅθεν Μνησί-
 λοχος οὕτω φησί.

Φρύγες ἐστὶ χθινὸν δρᾶμα τῷ τ' Εὐριπίδῃ.
 Οἱ καὶ Σωκράτης τὰ φρύγανα δωροτίθησι
 καὶ πάλιν. Εὐριπίδης Σωκραλογύμνους, καὶ Καλλίας
 πεδῆταις.

Ἦδη σὺ σεμνὴ καὶ φρονεῖς ὕτω μέγα;

Ἐξεσι γάρ μοι. Σωκράτης γὰρ αἶλιθ.

Ἀριστοφάνης Νεφέλαις:

Εὐριπίδης δ' ὅτ' αὖ τραγωδίας ποιεῖν

Τὰς περιλαλοῦσας οὐτ' ὅς ἐστι τὰς σοφάς,

Ἀκούσας ὃ Ἀναξαγόρου κατὰ τινας, ἀλλὰ καὶ Δα-
 μωνος, ὡς Ἀλέξανδρος ἐν διαδοχαῖς. μὲν τὴν ἐκείνου
 καταδίκην διήκουσεν Ἀρχελάου τῷ φυσικῷ, οὐ καὶ
 παιδικὰ γενέσθαι φησὶν Ἀριστοφάνης. Quin etiam
 hoc ipsum Euripidem satis innuisse constat,
 eum animi ingenui sit, minimeque angusti
 agnoscere per quem profeceris. Sic enim in
 Theseo loquentem nescio quem inducit:

Εγὼ δ' ἔγχετο παρὰ σοφῷ τινος μαθὼν

Εἰς φροντίδας νῦν συμφορὰς τ' ἐβαλλοίμην.

Quae sic M. T V L L I V S reddidit Tusc. lib. II.

Nam qui haec audita à docto meminisse viro,

Futuras mecum commentabar miseras.

Et initio Menalippae lib. 11. ἐσχηματισμένῳ
nisi quoddam illic praeceptorum; hinc verò Philoso-
phiae parenti optimae accepta haec refertur
videatur:

Καὶ οὐκ ἐμὸς ὁ μῦθος ἀλλ' ἐμῆς ματρὸς πάρα
ὧς οὐρανὸς γαλαττημορφία.

Quem versum alterū, ut id ἐν παρόδῳ admo-
neam, sic in veteri cod. scriptum vidi:

ὧς οὐρανὸς γαῖα τ' ἀμορφία.

Theod. Canterus, homo doctissimus, in variis
Lect. ex Diodori li. 1. Bibliothecae sic reposuit:

ὧς οὐρανὸς γαῖα τ' ἦν μόρφη μία.

Sententias vero, ut diximus, Tragicus iste saepe adhibuit, ut testante Tullio Epist. ad Tironem libertum, versus propemodum adaequarent. Hoc amplius, ut in Criticorum reprehensionem, Philosophica toties miscuisse Euripidem in Hecuba potissimum, incurrisse referat Theon Sophista in Progymnasmatibus, his verbis: Πρῶτον μὲν Ὁμηρον ἐπαινῶμεν ὅτι οἰκείῃς λόγοις περιτέθηκεν ἑκάστη τῇ εἰσαγομένῳ προσωποῦ. ὃ ἔστιν Εὐριπίδῳ καταμεμφόμενα, ὅτι παρὰ χειρὸν ἀντὶ τῆς ἑκάστη φιλοσοφίας. Huius etiam Medeam in lectica qua gestabatur dum legeret M. TULLIUS, capite truncatum iussu M. Antonij à Popillio Laenate auctor est Ptolemaeus Hephaestion lib. v. variae historiae in Photij nostri Bibliotheca pag. Graec. 250. De SOPHOCLE autem ut trium Tragicorum medio, insignem locum Dionis Chrysostomi Orat. LII. qua Philoctetam componit appingere, non pigebit. ὅτι Σοφοκλῆς μέγας τοῖσιν ἀμφοῖν ἦναι. οὔτε τὸ αὐθαδέες καὶ ἀπλοῦν

τὸ ἔλσιχόλου ἔχων, οὔτε τὸ ἀκριβὲς καὶ δριμύ
καὶ πολίλικόν τὸ τῷ Εὐριπίδου· σεμνὴν δὲ ἵνα καὶ με-
γαλοπρεπῇ ποιῇσιν, βασιχώτατα καὶ εὐεπέςατα
ἔχουσιν, ὥστε πλείστην εἶναι ἡδονὴν καὶ ὕψος καὶ σε-
μνότητος ἐνδείκνυσθαι. τῇτε διασκευῇ τῶν πραγ-
μάτων ἀρίστη καὶ παιδαγωγιάτη κέχρηται.

C A P. X V I.

CICERONIS *lectio in Epist. ad Famil.
retenta atque defensa.*

MIRVM in modum lacer ac mutilus
quorundam audacia iacuit T V L L I V S,
cum demendo, addendo, mutando nitorem
deformāt ac robur ex parte succidunt. Multa
equidem ab aliis repudiata retineri posse ob-
seruavi, suumque in locum, unde vi eiecta sunt
reducenda nunc duxi: ut quae in Epistolis
πορὰδην legendo ad oram libri inihī & Musis
adnotaram, veluti Saturalance iumentuti ap-
ponam. Ita M. T V L L I V S lib. III. Epist. VI.
earum quas ad Familiares dedit, Appio Pul-
cro; Ego, inquit, in prouinciam veni pridie Kal. Sex-
tiles. Iter in Ciliciam facio per Cappadociam. Castra
moui ab Iconio pridie Kal. Septembreis. Hic pro Sep-
tembreis, [Lābinus in prima alteraque editione
sextiles iterum legi vult, praeter historiae fi-
dem. Pridie enim Kal. Sextiles Laodiceam in
Prouinciam venisse se testatur lib. V. ad Atti-
cum, Epist. XV. & XX. & vltima, item alibi. Pri-
die verò Kal. Septemb. ab Iconio castra Ci-

C E R O mouit, iterque per Cappadociam in Ciliciam faciens in extrema Cappadocia non longè à Tauro monte iuxta Cybistra oppidum castra posuit, vt hic ait, & Epist. II. & IV. lib. XI. ad Famil.

Sequitur lib. VIII. Epist. x. M. Caelij, cuius sunt omnes illius libri epistolae : *Illud addo, actiones C. Curionis de agro Campano ; de quo negant Caesarem laborare , sed Pompeium valde nolle , ne vacuus aduenienti Caesari pateat.* Paul. Manutius, cetera optime de C I C E R O N I S Epistolis meritis, hic argutatur, vt *to negant* semel negationem, & iterum affirmationem significet. Mihi hic geminata negatio *negant nolle* Latinorum ritu affirmare videtur : quasi dicat Pompeium velle aiunt ; Caesarem verò minime laborare. Aspera haec & affectata; fateor : sed Caeliana sunt, qui asper & durus est habitus. Seruius vero Sulpicius elegantior paullo scriptor lib. IV. Epist. v. *Neque imitari malos medicos, qui in alienis morbis profitentur se tenere medicinae scientiam, ipsi se curare non possunt.* pro, neque noli imitari. Nam & hic frustra se torquet Manutius, vt ex *Noli* semel affirmationem, semel negationem contra Latinitatis vsum eliciat. Sed nō infrequēs antiquis ille *ἐλλωι* *Quòς*, M. Varro in Bimargo : *Qui non modo ignorasse me clamat, sed omnino omnes Heroes negat nescisse : pro sciuisse negat.* & lib. II. De vita Pop. Rom : *Qua abstinentia viri mulieresque Romanae fuerint, quod à Rege munera eorum nemo noluerit accipere.* pro, nemo voluerit. Et C. Lucilius lib. XVII. Satyrarum :

Cetera contemnit, & in usura omnia ponit

Non magna : proprium vero nil neminem habere.

& apud Tibullum lib. iv. Sulpicia :

Non ego signavi quidquam mandare libellis :

Nec legat id nemo quam meus ante, velim.

Epistola vero xiv. idem Caelius queritur de Appio Claudio Censore, vt et supra Epist. xi: *Persuasum, inquit, est ei Censuram tomentum aut vitrum esse.* Pet. Victorius nitrum de veteribus libris reposuit, placetque Manutio, non satis hic alias aequus Victorio, & ex Ieremiae Prophetæ cap. ii. v. 22. *Si laueriste nitro, &c.* explanat. Quod autem vitrum, vt in editis legitur, ab utroque reiicitur, valde equidem miror. vilis enim res vitrum fractum, quod sulphuratis Iudæorum olim natio, & hodieque Romæ permutare consueuerat. Eius rei testes accipite. Iuuenalem Satyra v.

Quassatum, & rupto poscentem sulphura vitro.

Statium Papinium lib. i. Siluarum de Saturn.

Illic agmina confremunt Syrorum:

Hic plebs scenica : quique comminutis

Permatant vitreis gregale sulphur.

Item Val. Martialem lib. i. Epigramm. in Caelium, & lib. x. ad Priscum:

Quae sulphurato nolit emta ramento

Vitreorum proxeneta fractorum.

CAP. XVII.

*In quinta CICERONIS Tusculana
quaedam correcta.*

NON sunt vsquequaque à Lambino ac Franc. Fabricio Belga insigni, Tusculanae disputationes sic perpurgatae, nihil ut nostrae industriae relictum esse videatur. lib. v. qui est de Virtute ac beata vita, hæc notabam: *Sed ab antiqua Philosophia vsque ad Socratem, qui Archelaum Anaxagorae discipulum audierat, numeri motusque tractabantur, & vnde omnia orirentur, quoue recederent: studioseque ab his siderum magnitudines, intervalla, cursus inquirebantur, & cuncta caelestia. In vetustissimo quo sum Toleti Carpetanorum vsus libro: Cursus anquirebantur, ἀρχαῖα δὲ, & quoue reciderent: perbellè sanè, hoc est, in quae ab interitu conuerterentur. Porro autem: Quod si est, qui vim Fortunae, qui omnia humana, quaecumque accidere possunt, tolerabilia ducere. rectius Longobardicae membranae, quae cuiquam accidere possunt. Qualis est ille P. Syri mimus:*

Cuius potest accidere, quod cuiquam potest.

MOX in CICERONE: *Quod ex maiore parte vnamquamque rem appellari, spectarique dicunt. constanter in duobus libris vnāquamque partem appellari. Aristotelicum est axioma, in quo tamen nihil demuto, tantum veterem scripturam repraesentare placuit. Ita enim paullo ante: ex maiore parte pleraeque res nominari, etiamsi quae pars abesset.*

Rur-

Rursum v. de Finibus : *Semper ex eo quod maximas partes continet, latissimèque funditur, tota res appellatur.* Mox, in his tot ac tantis, atque etiam quae plura possunt accidere. Lambinus, ad quae etiam plura possent accedere. Vetus Codex, sublato glossemate sic : *atque plura possunt accidere.* Infra non longe:

Consiliis nostris laus est attonsa Laconum.

Alter codex *attusa* habet, à tundo: illud tamen verius est ex illo:

Ημεῖς γὰρ βελῶς Σπάρτην ἐπέειπα δόξαν
Sed funem reducamus lib. III. Tuscul. Pacu-
uij Poëtae hos versus, non CICERONIS
(vt Muretus falsò existimat, lib. VIII. Varia-
rum) recitat, quibus liberiùs paullo Euripidis
haec ex Oreste fabula conuertit: quam cùm
Tragicus fabulam doceret, reuocasse Socrates
ob elegantiam fertur. Graeca sic habent:

Οὐκ εἰσιν οὐδ' ἐν δεινὸν ὧδ' εἰπεῖν ἔτι,

Οὐδ' ἐν πάῳ, οὐδ' ἐξυμφορὰ δεινὰ τί.

Ἡς οὐκ ἂν ἄρα ἴ' ἄχθ' ἀνθρώπων φύσις.

Pacuius ita vertebat:

Neque tam terribilis vlla fando oratio est,

Neque fors, neque ira coelitum inuectum malum,

Quod non natura humana patiendi ferat.

ceamus. Toletanae tamen membranae verbo coërceamus carebant, & ad sequentia oportebit dignitatem tueri referebat. Euocatos autem legendum hic verbo militari nonnulli censuerunt, quibus nomen non subscribo meum. Ceterum pauca de multis exempla imperatoriae huius prudentiae, qua milites in officio retinentur, & infrequentes ad signa assidui fiunt, Plutarchus in Fabio Maximo, nosterque De Viris illustribus scriptor, cap. XLIII. de Marso quodam & Lucano, suppeditant.

C A P. XIV.

Ennij apud C I C E R O N E M versus.

Ducere in Auctionibus vsurpatum

Magni Dij.

PYRRHVS gratuito captiuos Romam remittendos ratus, hoc eos apud Ennium Elegio ornat:

Quorum virtuti belli fortuna pepercit;

Eorundem me libertati parcere certum est:

Dono ducite: doque volentibus cum magnis Dis.

In posteriore versu ita interpungendum equidem existimo: *dono, ducite: ut verbum, non nomen sit dono. Ducere autem in auctionibus, subhastatione, emptionibusque vsitatam olim formulam fuisse à Iure-consultis notum, cum dicerent ducas licet vnde genus illud loquendi manauit. Vxorem domum ducere, & concise vxorem ducere. Adhibebatur & in condemnatis & additis,*

dictis, vt & creditores domum ducerent debi-
tores, qui soluendo acri alieno non essent.
Vnde in Legibus XII. Tabularum: AST QVEI
ENDO IVS ADDICIT, SECVM DVCITO. Erat
& altera bene precantium formula: *Cum
magnis Diis. Et: Diis volentibus.* Plautus Milite
glorioso:

Agite, ite cum Diis beneuolentibus.

Et in Persa:

Sequere hac mea gnata, cum Diis volentibus.

M. Cato lib. de re rustica, cap. XIV: *Cum Diis
volentibus, quod bene eueniat, mando tibi:* Maro
I. Aenid.

—ponuntque ferocia Poeni

Corda volente Deo—

Magni autem dij sexu diuisi, quasi maiorum
gentium, qui ceteris antecellerent, XII. nu-
merabantur: quos Ennius disticho complexus
est apud Appuleium de Deo Socratis, & Mar-
tianum Capellam lib. de nuptiis Philologiae:

*Iuno, Vesta, Minerva, Ceres, Diana, Venus; Mars
Mercurius, Ioui, Neptunus, Vulcanus, Apollo.*

Sic Ioui Opt. Max. assessores duodecim attribu-
ti, vt censēbat antiquitas. Demochares: ἡ
Θεόπραξις, Ἀθηναῖοι ἢ (ὡς ἀλλ' οὐχ οἱ δώδεκα θεοὶ οἱ
δικαζόντες. Hinc Vitruuius prooemio Archi-
tecturae: *Cum Concilium Caelestium in sedibus im-
mortalitatis etiam dedicauisset; & Consentes idcirco ap-
pellati, vt tradit Augustinus lib. IV. de ciuitate
Dei, Arnobius libr. III. & L. Seneca libr. II.
Natural. quæst. cap. XLI. Nec desunt qui per
hos Magnos Deos, Penates & Lares intelligant,
Virgil. III. Aeneid.*

—feror—

— Feror exul in altum

Cum socijs, natoque, Penatibus, & magnis Dis.
Idem testatur Cassius Hemina, aitque eos ap-
pellari μεγάλους, καὶ χρησούς, καὶ δυνατοὺς. Vnde
puto Asconium Pedianum Lares vrbis Ro-
mae, magnos Deos interpretari. Macrobius de
his & ad Senecam Tragicum Mart. Delrio
noster ὁ μακαρίτης plura suggereret, quae trans-
scribere non libet.

C A P. X V.

Tres illos Tragaediae principes Philoso-
phos fuisse, ex CICERONE demon-
stratum. Euripidem Anaxagorae dog-
mata tradidisse.

NON solum Oratorum, sed & Poëtarum
optimum quemque è Philosophorum
spatiis exstitisse obseruavi. De Tragicis illis
Graeciae Trium-viris in praesens ostendam.
De A E S C H Y L O sic T V L L I U S libr. iii
Tuscul. Aeschylus non Poëta tantum, sed etiam Py-
thagoreus: sic enim accepimus. Cui etiam eum esse
ab Atheniensibus tributum honorem me-
morae est proditum, ut vnius ex omnibus Tra-
gicis fabulae ipso etiam mortuo decreto pub-
lico docerentur. Sophocles vero qui μελίττης
& φιλixῆς nomen inuenit, quo sapientiae docto-
re sit vsus adhuc quaerimus. Illud tantum
adiungatur, quod Aristoteles ait, ἀπὸ τῶν ἀν-
δρῶν

Εἶναι μιμητὴν Ομήρου, qui Homērus Philosopho-
rum & Poëtarum prope Deus, ac parens est
habitus. Hīnc *Tragicorum Homerum* Polemon
Sophoclem appellabat. De quō & illud Epi-
gramma scriptum, quō respexerit & Demo-
sthenes:

Σοφὸς Σοφοκλῆς, σοφώτερος δ' Εὐριπίδης

De E U R I P I D E vero, vnde potissimum no-
bis hæc nata observatio, id extra omnem con-
trouersiam est, Anaxagoram assidue audiuisse;
teste eodem T V L L I O Tuscul. III. & Vitru-
uio lib. VIII. cap. I. cuius doctoris casu terri-
tum (quod Philosophiae causa capitis arces-
feretur, dum solem candentem esse laminam
diceret) à Philosophia descivisse Euripidem
ad Musas referunt. Tragoediae tamen eius
praeceptoris doctrinam sapiunt. Sunt enim in
eo omnia argutiora quam in ceteris, Philoso-
phicisq̃ue & acutè inuentis sententiis, vt iure
optimo singulos versus singulas esse gnōmas
C I C E R O ad Tironem iudicarit. Vtq̃ue in
Athenaeo lib. VIII. Δειπνοσοφιστῶν, σοφὸς Σο-
φοκλῆς, sic & σκηνικὸς φιλόσοφος ab Athenien-
sibus appellatus est Euripides, etiam apud
Clementem lib. v. Stromat. & Origenem lib.
IV. contra Celsum ἀλλὰ καὶ ὁ χαλκιδναὶς σκηνικὸς
φιλόσοφος καὶ φυσιολογίας τῆς ἀναξαγόρου γενομένης
ἀκροάτης. Ibidemq̃ue lib. VII. pag. 345. &
apud Suidam. Refert quoque Plutarchus in
extremo Nicia, Athenienses in Sicilia captos
qui γνώμας illius & ῥήσεις recitare nossent, hoc
quasi redētionis pretio liberatos fuisse, cūm
Euripidia publice Athenienses docerentur.

Inter cetera verò Anaxagoræ dogmata, hæc in Euripide obseruasse memini. Primum cum de caelo lapis cecidisset, & lapideum caelum Anaxagoras afferuisset, hinc Euripidem in Phaëtonte fabula dixisse χρυσέαν βῶλον εἶπεν ἢ ἥλιον, teste Laërtio. Alterum περὶ τῆς ὁμοιομερείας. Sic enim materiam infinitam, ex qua omnia gignerentur, appellabat, eiusque particulas esse similes inter se & minutas, primo confusas, postea in ordinem adductas à mente diuina, vt in Lucullo CICERO ait. Hoc namque modo librum suum orsum Anaxagoram idem docuit Laërtius, & Plutarchus 1. de placitis Philosoph. cap. III. ὅμῃ πάντα χρήματα ἦν Νῦς θ' αὐτὰ διήρε καὶ διεκόσμησε. De quo T. Lucretius lib. 1.

*Principium rerum quam dicit ὁμοιομερείαν,
Ossa videlicet è paucillis atque minutis
Ossibus; sic & de paucillis atque minutis
Visceribus viscus gigni sanguenque creari,
Sanguinis inter se multis coeuntibus guttis.*

Contra hoc disputat Aristoteles li. III. de Caelo & 1. Physico, vbi Simplicius hæc decerpfit, & Physicorum librorū Anaxagoræ principium aliud paullo refert, quam Diogenes: Αναξαγόρας δ' ἐκ τινος μίγματός ἐστι τὸ πᾶν, ὁμοιομερεῖ ἀποκρίνεσθαι φησι, πάντων μὲν ἐν παντί ἐνόητων, ἐκάστῃ δ' καὶ τὸ ἐπικρατέον χαρακτηρίζομεν, δηλοῖ δὲ τῶν πρώτων τῶν φυσικῶν λέγων ἀπ' ἀρχῆς. ὅμῃ χρήματα πάντα ἦν ἀπειρα καὶ πλεῖστα καὶ σμικρότητα. καὶ γὰρ τὸ σμικρὸν ἀπειρὸν ἦν, καὶ πάντων ὅμῃ ὄντων ἦν ὑπὸ σμικρότητι. Et paullo post: τούτων δ' οὕτως ἐχόντων χρῆσθαι δοκεῖν εἶναι πᾶν.

λάτε καὶ παντοῖα ἐν πᾶσι τοῖς συγκρινόμενοις, καὶ
 πείσματα πάντων χρημάτων καὶ ιδέας παντοίας
 ἔχοντα, καὶ χροίας καὶ ἡδονάς, &c. nam de *Mente*,
 quae idem colligit interpres trāsscribere non
 lubet. Redeo ad Euripidem, qui Anaxagora
 praeceptore capitis damnato ad Socratem se
 in Academiam contulit, non intelligēdi mo-
 do, sed & dicendi magistrum ea tempestate
 optimum. Ita enim Laërtius Diogenes. ἐδόκει
 συμποιεῖν τῷ Εὐριπίδῃ ὁ Σωκράτης, ὅθεν Μνησί-
 λοχος οὕτω φησί.

Φρύγες ἐς τὸ χερσὶν δρᾶμα τῷ τ' Εὐριπίδῃ.

Ὡς καὶ Σωκράτης τὰ φρύγανα ὑποτίθησι.

καὶ πάλιν Εὐριπίδης Σωκραλογύμνης, καὶ Καλλίας
 πεδήταις.

Ἦδη σὺ σεμνὴ καὶ φρονεῖς ἔγω μέγα;

Ἐξεσι γάρ μοι. Σωκράτης γὰρ αἶλι.

Ἀριστοφάνης Νεφέλαις:

Εὐριπίδης δ' ὅτας τραγωδίας ποιεῖν

τὰς περιπαλοῦσας οὐτὸς ὅτι τὰς σοφάς,

Ἀκούσας ὁ Ἀναξαγόρας κατὰ τινάς, ἀλλὰ καὶ Δά-
 μων, ὡς Ἀλέξανδρος ἐν διαδοχαῖς. καὶ τὴν ἐκείνῃ
 καταδίκην διήκων Ἀρχελάου τῷ φυσικῷ, οὐ καὶ
 παιδικὰ γενέσθαι φησὶν Ἀριστοφάνης. Quin etiam
 hoc ipsum Euripidem satis innuisse constat,
 cum animi ingenui sit, minimeque angusti
 agnoscere per quem profeceris. Sic enim in
 Theséo loquentem nescio quem inducit:

Ἐγὼ δ' ἵστατο παρὰ σοφῷ τινὶ μάθων

Εἰς φροντίδας νῦν συμφορὰς τ' ἐβαλλοίμην.

Quae sic M. TULLIUS reddidit Tuscul. tit.

Nam qui haec audita à docto meminissem viro,

Futuras mecum commentabar miseriae.

Et initio Menalippae lib. 11. ἐσχηματισμέναι
nisi quodd illic praeceptorī; hīc verò Philoso-
phiae parenti optimae accepta haec refertur
videatur:

Καὶ σὺ κ', ἐμὸς ὁ μῦθος ἀλλ' ἐμῆς ματρὸς παρά
ὧς οὐρανὸς γαλατῆ μορφία.

Quem versum alterū, vt id ἐ παρόδῳ admo-
neam, sic in veteri cod. scriptum vidi:

ὧς οὐρανὸς γαῖα τ' ἀμορφία.

Theod. Canterus, homo doctissimus, in variis
Lect. ex Diodori li. 1. Bibliothecae sic reposuit:

ὧς οὐρανὸς γαῖα τ' ἦν μόρφη μία.

Sententias vero, vt diximus, Tragicus iste saepe adhibuit, vt testante Tullio Epist. ad Tiro-
nem libertum, versus propemodum adaequa-
rint. Hoc amplius, vt in Criticorum repre-
hensionem, Philosophica toties miscuisse Eu-
ripidem in Hecubā potissimū, incurrisse re-
ferat Theon Sophista in Progymnasmatibus, his
verbis: Πρῶτον μὲν Ὁμηρον ἐπαινῶμεν ὅτι δεξιῇ
λόγους περιτέθηκεν ἐκάστῳ τῶν εἰσαγομένων πο-
τῶν. Ἐπεὶ δὲ Εὐριπίδῳ καταμεμόριμεθα, ὅτι παρὰ
χειρὸν ἀντίθετον ἐκάβη φιλοσοφίαν. Huius etiam Me-
deam in lectica qua gestabatur dum legeret
M. TULLIUS, capite truncatum iussu M. An-
tonij à Popillio Lænatē auctor est Ptolemaeus
Hephaestion lib. v. variae historiae in Photij
nostri Bibliotheca pag. Graec. 250. De So-
PHOCLE autem vt trium Tragicorum me-
dio, insignem locum Dionis Chrysostomi
Orat. LII. qua Philoctetam componit ap-
pingere, non pigebit. ὅτι Σοφοκλῆς μίθῳ
ἰοικεν ἀμφοῖν εἶναι. οὔτε τὸ αὐθαδὲς καὶ ἀπαυ-
τὸ

τὸ ἔλσιχύλου ἔχων, οὔτε τὸ ἀκριβὲς καὶ δριμύ
καὶ πολίτικόν τὸ τῷ Εὐριπίδου· σεμνὴν δὲ ἵνα καὶ με-
γαλοπρεπῇ ποίησιν, βασιλεύματα καὶ εὐεπείσια
ἔχουσιν, ὥστε πλείστην εἶναι ἡδονὴν καὶ ὑψὺς καὶ σε-
μνότητος ἐνδείκνυσθαι. τῆτε διασκευῇ τῶν πραγ-
μάτων ἀρίστη καὶ παιδαγωγία τε κέχρηται.

C A P. X V I.

CICERONIS *lectio in Epist. ad Famil.
retenta atque defensa.*

MIRVM in modum lacer ac mutilus
quorundam audacia iacuit T V L L I V S,
cum demendo, addendo, mutando nitorem
deformāt ac robur ex parte succidunt. Multa
equidem ab aliis repudiata retineri posse ob-
seruavi, suumque in locum, unde vi eiecta sunt
reducenda nunc duxi: ut quae in Epistolis
αποράδην legendo ad oram libri mihi & Musis
adnotaram, veluti Saturalance iuuentuti ap-
ponam. Ita M. T V L L I V S lib. III. Epist. VI.
earum quas ad Familiares dedit, Appio Pul-
cro; Ego, inquit, in prouinciam veni pridie Kal. Sex-
tiles. Iter in Ciliciam facio per Cappadociam. Castra
moui ab Iconio pridie Kal. Septembris. Hic pro Sep-
tembris,] Lābinus in prima alteraque editione
sextiles iterum legi vult, praeter historiae fi-
dem. Pridie enim Kal. Sextiles Laodiceam in
Prouinciam venisse se testatur lib. V. ad Atti-
cum, Epist. XV. & XX. & vltima, item alibi. Pri-
die verò Kal. Septemb. ab Iconio castra Ci-

C E R O mouit, iterque per Cappadociam in Ciliciam faciens in extrema Cappadocia non longè à Tauro monte iuxta Cybistra oppidum castra posuit, vt hic ait, & Epist. II. & IV. lib. XI. ad Famil.

Sequitur lib. VII. Epist. x. M. Caelij, cuius sunt omnes illius libri epistolae : *Illud addo, actiones C. Curionis de agro Campano ; de quo negant Caesarem laborare , sed Pompeium valde nolle , ne vacuus aduenienti Caesari pateat.* Paul. Manutius, cetera optime de C I C E R O N I S Epistolis meritis, hic argutatur, vt rō negant semel negationem, & iterum affirmationem significet. Mihi hic geminata negatio *negant nolle* Latinorum ritu affirmare videtur : quasi dicat Pompeium velle aiunt ; Caesarem verò minime laborare. Aspera haec & affectata; fateor : sed Caeliana sunt ; qui asper & durus est habitus. Seruius vero Sulpicius elegantior paullo scriptor lib. IV. Epist. v. *Neque imitari malos medicos, qui in alienis morbis profitentur se tenere medicinae scientiam; ipsi se curare non possunt.* pro, neque noli imitari. Nam & hic frustra se torquet Manutius, vt ex Noli semel affirmationem, semel negationem contra Latinitatis vsum eliciat. Sed nō infrequēs antiquis ille ἐλλωιζμός, M. Varro in Bimargo : *Qui non modo ignorasse me clamat, sed omnino omnes Heroes negat nescisse :* pro sciuisse negat. & lib. II. De vita Pop. Rom : *Qua abstinentia viri mulieresque Romanae fuerint , quod à Rege munera eorum nemo noluerit accipere.* pro, nemo voluerit. Et C. Lucilius lib. XVII. Satyrarum :

Cetera contemnit, & in usura omnia ponit

Non magna : proprium vero nil neminem habere.

& apud Tibullum lib. iv. Sulpicia :

Non ego signavi quidquam mandare libellis :

Nec legat id nemo quam meus ante, velim.

Epistola vero xiv. idem Caelius queritur de Appio Claudio Censore, vt et supra Epist. xi: *Persuasum*, inquit, *est ei Censuram tomentum aut vitrum esse*. Pet. Victorius nitrum de veteribus libris reposuit, placetque Manutio, non satis hic alias aequus Victorio, & ex Ieremiae Prophetæ cap. ii. v. 22. *Silaueriste nitro*, &c. explanat. Quod autem vitrum, vt in editis legitur, ab utroque reiicitur, valde equidem miror. vilis enim res vitrum fractum, quod sulphuratis Iudæorum olim natio, & hodieque Romæ permutare consueuerat. Eius rei testes accipite. Iuuenalem Satyra v.

Quassatum, & rupto poscentem sulphura vitro.

Statium Papinium lib. i. Siluarum de Saturn.

Illic agmina confremiunt Syrorum :

Hic plebs scenica : quique comminutis

Permatant vitreis gregale sulphur.

Item Val. Martialem lib. i. Epigramm. in Caelium, & lib. x. ad Priscum :

Quæ sulphurato nolit emta ramento

Vitreorum proxeneta fractorum.

CAP. XVII.

*In quinta Ciceronis Tusculana
quaedam correcta.*

NON sunt vsquequaque à Lambino ac Franc. Fabricio Belga insigni, Tusculanae disputationes sic perpurgatae, nihil vestrae industriae relictum esse videatur. lib. v. qui est de Virtute ac beata vita, hæc notabam: *Sed ab antiqua Philosophia vsque ad Socratem, qui Archelaum Anaxagorae discipulum audierat, numeri motusque tractabantur, & vnde omnia orirentur, quoue recederent: studioseque ab his siderum magnitudines, intervalla, cursus inquirebantur, & cuncta caelestia.* In vetustissimo quo sum Toleti Carpetanorum vsus libro: *Cursus anquirebantur, ἀρχαὶ δὲ, & quoue reciderent: perbellè sanè, hoc est, in quae ab interitu conuerterentur.* Porro autem: *Quod si est, qui vim Fortunae, qui omnia humana, quaecumque accidere possunt, tolerabilia ducere. rectius Longobardicae membranae, quae cuiquam accidere possunt. Qualis est ille P. Syrimimus:*

Cuius potest accidere, quod cuiquam potest.

MOX in Cicerone: *Quod ex maiore parte vnamquamque rem appellari, spectarique dicunt. constanter in duobus libris vnamquamque partem appellari.* Aristotelicum est axioma, in quo tamen nihil demuto, tantum veterem scripturam repraesentare placuit. Ita enim paullo ante: *ex maiore parte pleraque res nominari, etiamsi quae pars abesse.*

Rur-

Rursum v. de Finibus : *Semper ex eo quod maximas partes continet, latissimèque funditur, tota res appellatur.* Mox, in his tot ac tantis, atque etiam quae plura possunt accidere. Lambinus, ad quae etiam plura possent accedere. Vetus Codex, sublato glossemate sic : atque plura possunt accidere. Infra non longe :

Consiliis nostris laus est attonsa Laconum.

Alter codex attonsa habet, à tundo : illud tamen verius est ex illo :

Ημεῖραις βελῶς Σπάρτην μὲν ἐπέειπε δόξαν
Sed funem reducamus lib. IIII. Tuscul. Pacu-
uij Poëtae hos versus, non CICERONIS
(vt Muretus falsò existimat, lib. VIII. Varia-
rum) recitat, quibus liberiùs paullo Euripidis
haec ex Oreste fabula conuertit : quam cùm
Tragicus fabulam doceret, reuocasse Socrates
ob elegantiam fertur. Graeca sic habent :

Οὐκ εἰσιν οὐδ' ἐν δεινὸν ὧδ' ἐιπεῖν ἐπεὶ,

Οὐδ' ἐν πάδι, οὐδ' ἐξυμφορὰ δειλάτι.

Ἡς οὐκ ἄν' ἄραι' ἄχθ' ἀνθρώπων φύσις.

Pacuius ita vertebat :

Neque tam terribilis vlla fando oratio est,

Neque fors, neque ira coelitum inuectum malum,

Quod non natura humana patiundo ferat.

ceamus. Toletanae tamen membranae verbo *coërceamus* carebant, & ad sequentia *oportebit dignitatem* tueri referebat. *Euocatas* autem legendum hic verbo militari nonnulli censuerunt, quibus nomen non subscribo meum. Ceterum pauca de multis exempla imperatoriae huius prudentiae, qua milites in officio retinentur, & infrequentes ad signa assidui fiunt, Plutarchus in Fabio Maximo, nosterque De Viris illustribus scriptor, cap. XLIII. de Marso quodam & Lucano, suppeditant.

C A P. X I V.

Ennij apud CICERONEM versus.
Ducere in Auctionibus vsurpatum
Magni Dij.

PYRRHVS gratuito captiuos Romam remittendos ratus, hoc eos apud Ennium Elegio ornat:

- : *Quorum virtuti belli fortuna pepercit;*
- *Forundem me libertati parcere certum est:*
- : *Dono ducite: doque volentibus cum magnis Dis.*

In posteriore versu ita interpungendum equidem existimo: *dono, ducite: vt verbum, non nomen sit dono*. Ducere autem in auctionibus, subhastatione, emptionibusque vsitaram olim formulam fuisse è Iure-consultis notum, cum dicerent *ducas licet* vnde genus illud loquendi mauauit. *Vxorem domum ducere, & concise vxorem ducere*. Adhibebatur & in condemnatis & ad-

dictis,

dictis, vt & creditores domum ducerent debitoribus, qui soluendo acri alieno non essent. Vnde in Legibus XII. Tabularum: *AST QUEREENDO IVS ADDICIT, SECVM DVCITO.* Erat & altera bene precantium formula: *Cum magnis Diis. Et: Diis volentibus.* Plautus Milite glorioso:

Agite, ite cum Diis beneuolentibus.

Et in Persa:

Sequere hac mea gnata, cum Diis volentibus.

M. Cato lib. de re rustica, cap. XIV: *Cum Diis volentibus, quod bene eueniat, mando tibi: Maro I. Aenid.*

—ponuntque ferocia Poeni

Corda volente Deo—

Magni autem dii sexu diuisi, quasi maiorum gentium, qui ceteris antecellerent, XII. numerabantur: quos Ennius disticho complexus est apud Appuleium de Deo Socratis, & Martianum Capellam lib. de nuptiis Philologiae:

Iuno, Vesta, Minerva, Ceres, Diana, Venus; Mars Mercurius, Iouis, Neptunus, Vulcanus, Apollo.

Sic Ioui Opt. Max. assessores duodecim attributi, vt censēbat antiquitas. Demochares: *Ἡ Θεόφρασε, Ἀθηναῖοι ἔκαν ἀλλ' οὐχ οἱ δώδεκα θεοὶ οἱ δικάζοντες.* Hinc Vitruuius prooemio Architecturae: *Cum Concilium Caelestium in sedibus immortalitatis eum dedicauisset; & Consentes idcirco appellati, vt tradit Augustinus lib. IV. de ciuitate Dei, Arnobius libr. III. & L. Seneca libr. II. Natural. quæst. cap. XLI. Nec desunt qui per hos Magnos Deos, Penates & Lares intelligant, Virgil. III. Aeneid.*

—feror—

— Feror exul in altum

Cum socijs, natoque, Penatibus, & magnis Dis.

Idem testatur Cassius Hemina, aitque eos appellari μεγάλης, καὶ χρησούς, καὶ δυνατοὺς. Vnde puto Asconium Pedianum Lares urbis Romae, magnos Deos interpretari. Macrobius de his & ad Senecam Tragicum Mart. Delrio noster ὁ μακαρίτης plura suggerēt, quae transcribere non libet.

1116

C A P. X V.

Tres illos Tragediae principes Philosophos fuisse, ex CICERONE demonstratum. Euripidem Anaxagorae dogmata tradidisse.

NON solum Oratorum, sed & Poëtarum optimum quemque è Philosophorum spatiis exstitisse obseruavi. De Tragicis illis Graeciae Trium-viris in praesens ostendam. De AEsCHYLO sic TULLIUS libr. II. Tuscul. Aeschylus non Poëta tantum, sed etiam Pythagoreus: sic enim accepimus. Cui etiam cum esse ab Atheniensibus tributum honorem memoriae est proditū, ut vnus ex omnibus Tragicis fabulae ipso etiam mortuo decreto publico docerentur. Sophocles vero qui μελίτης ἀττικῆς nomen inuenit, quo sapientiae doctore sit vsus adhuc quaerimus. Illud tantum adiungatur, quod Aristoteles ait, ἀλλ' οὐκ ἂν

Ἰναι μιμητὴν Ομήρου, qui Homerus Philosophorum & Poëtarum prope Deus, ac parens est habitus. Hinc *Tragicorum Homerum* Polemon Sophoclem appellabat. De quo, & illud Epigramma scriptum, quò respexerit & Demosthenes:

Σοφὸς Σοφοκλῆς, σοφώτερος δ' Εὐριπίδης

De E U R I P I D E Vero, vnde potissimum nobis hæc nata observatio, id extra omnem controuersiam est, Anaxagoram assiduè audiuisse; teste eodem T V L L I O Tuscul. III. & Vitruuius lib. VIII. cap. I. cuius doctoris casu territum (quòd Philosophiæ causa capitis arcefferetur, dum solem candentem esse laminam diceret) à Philosophia descivisse Euripidem ad Musas referunt. Tragoediae tamen eius praeceptoris doctrinam sapiunt. Sunt enim in eo omnia argutiora quam in ceteris, Philosophicisq̃ue & acutè inuentis sententiis, vt iure optimo singulos versus singulas esse gnomas C I C E R O ad Tironem iudicavit. Vtq̃ue in Athenaeo lib. VIII. Δειπνοσοφιστῶν, σοφὸς Σοφοκλῆς, sic & σκηνικὸς φιλόσοφος ab Atheniensibus appellatus est Euripides, etiam apud Clementem lib. v. Stromat. & Origenem lib. IV. contra Celsum ἀλλὰ καὶ ὁ χαλκιδναὶς σκηνικὸς φιλόσοφος καὶ φυσιολογίας τῆς ἀναξαγόρου γενόμενος ἀκροάτης. Ibidemq̃ue lib. VII. pag. 345. & apud Suidam. Refert quoque Plutarchus in extremo Nicia, Athenienses in Sicilia captos qui γνώμης illius & ῥήσεις recitare nossent, hoc quasi redētionis pretio liberatos fuisse, cū Euripidia publice Athenienses docerentur.

G

Inter

Inter cetera verò Anaxagorae dogmata, haec in Euripide obseruasse memini. Primum cum de caelo lapis cecidisset, & lapideum caelum Anaxagoras asseruisset, hinc Euripidem in Phaëtonte fabula dixisse χρυσέαν βῶλον εἶπεν τὸ ἥλιον, teste Laërtio. Alterum περὶ τῆς ὁμοιομερείας. Sic enim materiam infinitam, ex qua omnia gignerentur, appellabat, eiusque particulas esse similes inter se & minutas, primo confusas, postea in ordinem adductas à mente diuina, vt in Lucullo CICERO ait. Hoc namque modo librum suum orsum Anaxagoram idem docuit Laërtius, & Plutarchus i. de placitis Philosoph. cap. III. ὁμοῦ πάντα χρήματα ἦν Νύξ δ' αὐτὰ διῆρε καὶ διεκόσμησε. De quo T. Lucretius lib. i.

*Principium rerum quam dicit ὁμοιομερείαν,
Ossa videlicet è paucillis atque minutis
Ossibus; sic & de paucillis atque minutis
Visceribus viscus gigni sanguenque creati,
Sanguinis inter se multis coeuntibus guttis.*

Contra hoc disputat Aristoteles li. III. de Caelo & i. Physico, vbi Simplicius hæc decerpfit, & Physicorum librorū Anaxagorae principium aliud paullo refert, quam Diogenes: Αναξαγόρας δὲ ἐκ τινος μίγματος ἀπέφα τὰ πλείη ὁμοιομερεῖ ἀποκρίνεσθαι φησι, πάντων μὲν ἐν παντὶ ἐνόητων, ἐκάστω δὲ κατὰ τὸ ἐπικρατέον χαρακτὴρ ἵσχυον, δηλοῖ δὲ τῶν πρώτων τῶν φυσικῶν λέγων ἀπ' ἀρχῆς. ὁμοῦ χρήματα πάντα ἦν ἀπειρα καὶ πλείη καὶ σμικρότητα. καὶ γὰρ τὸ σμικρὸν ἀπειρὸν ἦν, καὶ πάντων ὁμοῦ ὄντων ἦν ὑπὸ σμικρότητι. Et paullo post: τούτων δὲ οὕτως ἐχόντων καὶ δοκεῖν εἶναι πάντα

λάτε καὶ πάντοια ἐν πᾶσι τοῖς συγκρινόμενοις, καὶ
 πνεύματα πάντων χρημάτων καὶ ἰδέας παντοίας
 ἔχοντα, καὶ χρόας καὶ ἡδονάς, &c. nam de Mente,
 quae idem colligit interpres trāsscribere non
 lubet. Redeo ad Euripidem, qui Anaxagora
 praeceptore capitis daminato ad Socratem se
 in Academiam contulit, non intelligēdi mo-
 do, sed & dicendi magistrum ea tempestate
 optimum. Ita enim Laërtius Diogenes. ἐδόκει
 συμποιεῖν τῷ Euripίδῃ ὁ Σωκράτης, ὅθεν Μνησί-
 λαχῶ οὕτω φησί.

Φρύγες ἐς ἡρινὸν δρᾶμα τῷ τ' Euripίδῃ.

Ὡ καὶ Σωκράτης ἰά φρύγανα ὑποτίθῃσι.

καὶ πάλιν. Euripίδης Σωκρατογύμψης, καὶ Καλλίας
 πεδῆταις.

Ἦδη σὺ σεμνὴ καὶ φρονεῖς ἔγω μέγα;

Ἐξεσι γάρ μοι. Σωκράτης γὰρ αἶλι.

Αριστοφάνης Νεφέλαις:

Ευριπίδης δ' ὅτας τραγωδίας ποιεῖν

Τὰς περιπαλοῦσας οὐτ' ὅς ἐστι τὰς σοφάς,

Ακούσας ἢ Αναξαγόρου κατὰ τινας, ἀλλὰ καὶ Δά-
 μων, ὡς Αλέξανδρου ἐν διαδοχαῖς. μὲ τὴν ἐκείνου
 καταδίκην διήκουσεν Ἀρχελάου τῷ φυσικῷ, οὐ καὶ
 παιδικὰ γενέσθαι φησὶν Αριστοφάνῃ. Quin etiam
 hoc ipsum Euripidem satis innuisse constat,
 cum animi ingenui sit, minimeque angusti
 agnoscere per quem profeceris. Sic enim in
 Théseo loquentem nescio quem inducit:

Ἐγὼ ἢ τὸτο παρὰ σοφῷ τινὶ μάθων

Εἰς φροντίδας νῦν συμφορὰς τ' ἐβαλοίμην.

Quaefic M. TULLIUS reddidit Tuscul. III.

Nam qui haec audita à docto meminissem viro,

Futuras mecum commentabar misérias.

Et initio Menalippae lib. 11. ἐσχηματισμέναι
nisi quoddam illic praeceptorum; hinc verò Philoso-
phiae parenti optimae accepta haec referre
videatur:

Καὶ οὐκ ἐμὸς ὁ μῦθος ἀλλ' ἐμῆς ματρὸς πάρα
Ὡς οὐρανὸς γαλατλημορφία.

Quem versum alterū, vt id ἐπαρόδῳ admo-
neam, sic in veteri cod. scriptum vidi:

Ὡς οὐρανὸς γαῖα τ' ἀμορφία.

Theod. Canterus, homo doctissimus, in variis
Lect. ex Diodori li. 1. Bibliothecae sic reposuit:

Ὡς οὐρανὸς γαῖα τ' ἦν μόρφη μία.

Sententias vero, vt diximus, Tragicus iste saepe adhibuit, vt testante Tullio Epist. ad Tironem libertum, versus propemodum adaequarent. Hoc amplius, vt in Criticorum reprehensionem, Philosophica toties miscuisse Euripidem in Hecubā potissimū, incurrisse referat Theon Sophista in Progymnasmatibus, his verbis: Πρῶτον μὲν Ὁμηρον ἐπαινῶμεν ὅτι οἰκείῃς λόγοις περιτέθηκεν ἕκαστον τῶν εἰσαγομένων τραγῶν. Ἐπειτα ἔπειτα Εὐριπίδην καταμεμόμεθα, ὅτι παρὰ χαίρὸν ἀντὶ τῆς ἑκάστης φιλοσοφίας. Huius etiam Medeam in lectica qua gestabatur dum legeret M. TULLIUS, capite truncatum iussu M. Antonij à Popillio Laenate auctor est Ptolemaeus Hephaestion lib. v. variae historiae in Photij nostri Bibliotheca pag. Graec. 250. De SOPHOCLE autem vt trium Tragicorum medio, insignem locum Dionis Chrysostomi Orat. LII. qua Philoctetam componit arpingere, non pigebit. ὅτι Σοφοκλῆς μέγας τοῖς ἀνθρώποις ἔστιν. οὔτε τὸ αὐθαρδὲς καὶ ἀπλοῦν

τὸ δ' αἰσχύλου ἔχων, οὔτε τὸ ἀκριβὲς καὶ θριμύ-
 καὶ πολυπικρὸν τὸ τῷ Εὐριπίδου· σεμνὴν δὲ ἵνα καὶ με-
 γαλοπρεπῆ ποιῇσιν, βαρυνώτατα καὶ εὐεπέςατα
 ἔχουσιν, ὥστε πλείστην εἶναι ἡδονὴν καὶ ὕψους καὶ σε-
 μνότητος ἐνδείκνυσθαι. τῆτε διασκευῇ τῇ πρᾶγ-
 μάτων ἀρίστη καὶ πιθανοτάτῃ κέχρηται.

C A P. X V I.

CICERONIS *lectio in Epist. ad Famil.
 retenta atque defensa.*

MIRVM in modum lacer ac mutilus
 quorundam audacia iacuit T V L L I V S,
 cum demendo, addendo, mutando nitorem
 deformāt ac robur ex parte succidunt. Multa
 equidem ab aliis repudiata retineri posse ob-
 servaui, suumque in locum, unde vi eiecta sunt
 reducenda nunc duxi : vt quae in Epistolis
 ἀποράδην legendo ad oram libri mihi & Musis
 adnotaram, veluti Saturallance iuventuti ap-
 ponam. Ita M. T V L L I V S lib. III. Epist. VI.
 earum quas ad Familiares dedit, Appio Pul-
 cro; Ego, inquit, in prouinciam veni pridie Kal. Sex-
 tiles. Iter in Ciliciam facio per Cappadociam. Castra
 moui ab Iconio pridie Kal. Septembris. Hic pro Sep-
 tembris, [Lābinus in prima alteraque editione
 sextiles iterum legi vult, praeter historiae fi-
 dem. Pridie enim Kal. Sextiles Laodiceam in
 Prouinciam venisse se testatur lib. V. ad Atti-
 cum, Epist. XV. & XX. & vltima, item alibi. Pri-
 die verò Kal. Septemb. ab Iconio castra C I-

C E R O mouit, iterque per Cappadociam in Ciliciam faciens in extrema Cappadocia non longè à Tauro monte iuxta Cybistra oppidum castra posuit, vt hic ait, & Epist. II. & IV. lib. XI. ad Famil.

Sequitur lib. VIII. Epist. x. M. Caelij, cuius sunt omnes illius libri epistolae : *Illud addo, actiones C. Curionis de agro Campano, de quo negant Caesarem laborare, sed Pompejum valde nolle, ne vacuus aduenienti Caesari pateat.* Paul. Manutius, cetera optime de C I C E R O N I S Epistolis meritis, hic argutatur, vt tò negant semel negationem, & iterum affirmationem significet. Mihi hic geminata negatio *negant nolle* Latinorum ritu affirmare videtur : quasi dicat Pompejum velle aiunt ; Caesarem verò minime laborare. Aspera haec & affectata; fateor : sed Caeliana sunt, qui asper & durus est habitus. Seruius vero Sulpicius elegantior paullo scriptor lib. IV. Epist. v. *Neque imitari malos medicos, qui in alienis morbis profitentur se tenere medicinae scientiam; ipsi se curare non possunt. pro, neque noli imitari.* Nam & hic frustra se torquet Manutius, vt ex Noli semel affirmationem, semel negationem contra Latinitatis vsum eliciat. Sed nō infrequēs antiquis ille ἐλλωι Quòs, M. Varro in Bimargo : *Qui non modo ignorasse me clamat, sed omnino omnes Heroes negat nescisse : pro sciuisse negat.* & lib. II. De vita Pop. Rom : *Qua abstinentia viri mulieresque Romanae fuerint, quod à Rege munera eorum neque noluerit accipere. pro, nema voluerit.* Et C. Lucilius lib. XVII. Satyrum :

Cetera contemnit, & in vsura omnia ponit

Non magna : proprium vero nil neminem habere.

& apud Tibullum lib. iv. Sulpicia :

Non ego signavi quidquam mandare libellis :

Nec legat id nemo quam meus ante, velim.

Epistola vero xiv. idem Caelius queritur de Appio Claudio Censore, vt et supra Epist. xi: *Persuasum*, inquit, *est ei Censuram tomentum aut vitrum esse*. Pet. Victorius *nitrum* de veteribus libris reposuit, placetque Manutio, non satis hic alias aequus Victorio, & ex Ieremiae Prophetæ cap. ii. v. 22. *Si laueriste nitro*, &c. explanat. Quod autem *vitrum*, vt in editis legitur, ab vtroque reiicitur, valde equidem miror. vilis enim res vitrum fractum, quod sulphuratis Iudæorum olim natio, & hodieque Romæ permutare consueuerat. Eius rei testes accipite. Iuuenalem Satyra v.

Quassatum, & rupto poscentem sulphura vitro.

Statium Papinium lib. i. Siluarum de Saturn.

Illic agmina confremunt Syrorum:

Hic plebs scenica ; quiq̃ue comminutis

Permatant vitreis gregale sulphur.

Item Val. Martialem lib. i. Epigramm. in Caelium, & lib. x. ad Priscum:

Quæ sulphurato nolit emta ramento

Vitreorum proxeneta fractorum.

Rursum v. de Finibus : *Semper ex eo quod maximas partes continet, latissiméque funditur, tota res appellatur.* Mox, in his tot ac tantis, atque etiam quae plura possunt accidere. Lambinus, ad quae etiam plura possent accedere. Vetus Codex, sublato glossemate sic : atque plura possunt accidere. Infra non longe :

Consiliis nostris laus est attonsa Laconum.

Alter codex attusa habet, à tundo : illud tamen verius est ex illo :

Ἡμετέροις βελῶς Σπάρτη μὲν ἐπέρατ' ὀξὺν
Sed funem reducamus lib. III. Tuscul. Pacu-
uij Poëtae hos versus, non CICERONIS
(vt Muretus falsò existimat, lib. VIII. Varia-
rum) recitat, quibus liberiùs paullo Euripidis
haec ex Oreïste fabula conuertit : quam cùm
Tragicus fabulam doceret, reuocasse Socrates
ob elegantiam fertur. Graeca sic habent :

Οὐκ ἔστιν οὐδ' ἐν δεινὸν ὧδ' εἰπεῖν ἔτι,

Οὐδ' ἐν πάδι, οὐδ' ἐξυμφορὰ διήλατι.

Ἡς οὐκ ἂν ἄραϊ' ἄχθ' ἀνθρώπων φύσις.

Pacuius ita vertebat :

Neque tam terribilis vlla fando oratio est,

Neque fors, neque ira coelitum inuectum malum,

Quod non natura humana patiendo ferat.

C A P. X V I I I.

*Epistolarum ad Familiares loca, contra
Lambini sententiam.*

D I O N. Lambinus lib. xv. Epistolam nominam M. Marcello collegae male inscripsit. C. enim Marcellus, ne erres mi Lector, C I C E R O N I S in Auguratu Collega fuit, non Marcus, ut paret è lib. i. de Divinat. & Carisio Sosipatro, quem editis longe meliorem possideo. Rursum Epistola x. male legit *Cos. designatus*. Iam enim Consulatum C. Marcellus gerebat, à quo C I C E R O hic petit, ut Senatus-consultum quam-honorificentissimum de rebus à se in Amano monte gestis, honoris sui gratia, faciendum curet.

Rursum lib. xvi. Epist. xxi: *Quid de Bruto dicam?* negat Manutius de M. Bruto, qui bellum civile percusso Caesare restauravit in Macedonia, intelligendum. Atqui diserte hoc Plutarchus commemorat ex his ipsis, ut opinor, C I C E R O N I S litteris: nec res est à fide aliena, hominem domo profugum, inopem initio & imparatum à pecunia, C I C E R O N I S filio Athenis Atticis Cratippum audienti habuisse, ei que aures Latine declamitanti dedisse. Sic enim Plutarchus in Bruto: *Diuersatus est apud hospitem quendam suum.*

C A P. XIX.

C. Trebatius & Cn. Matius Epicurei.
Astute cogitare, & agere CICE-
RO dixit ex Epicureorum sensu.

ASTUTE agere, pro maleuolè, subdolè, cautè agere vel cogitare, dixisse videtur C I C E R O. Exempla subiiciam: Lib. II. Epist. XVI. De Hispania, si casu mihi exploratum est, ita esse ut tu scribis, nec quidquam astute cogito. Si quando erit ciuitas, erit profecto nobis locus, &c. ubi pro aliter ac secus cogitare ex Epicureorum sententia. (nisi forte leg. ac tute pro quam tu.) Ut & Cn. Matius, Caesaris familiaris, & Poëta mimicus, Epicureus, ad C I C E R O N E M lib. XI. Epist. XXVIII. Aiunt patriam amicitiae praeponendam esse; perinde ac si iam euicerint, obitum Caesaris fuisse Reip. utilem. Sed non agam astute: fateor me ad istum gradum sapientiae non peruenisse. Et lib. III. Epist. X. ad Appium Pulcrum: Quod si id est maxime astuti, omnia ad suam utilitatem referre, quid mihi tandem erit utilius, quid commodis meis aptius, quam hominis nobilissimi coniunctio?

Ibidem Epistola, quæ antecedit, IX. ἐπιχούρειον id vocat, quod hic astutias: quasi astuti homines fuerint, & deceptores & cauillatores Epicurei, suis commodis, voluptatibusque seruientes: Maximam inquit laetitiam cepi ex tuis litteris, de spe minime dubia, & plane explorata triumpho tui: neque vero ob eam causam, quo ipse facilius consequerer, (nam id quidem ἐπιχούρειον est) sed me
Hercle

*Hercle quod tua dignitas atque amplitudo mihi est ipsa curae per se. Sic enim ad C. Trebatium l. C. Epicureum iam factum, iocatur lib. vii. Epist. xii. Sed quonam modo Ius civile defendas, cum omnia tua causa facias non civium. Astutè itaque agere & cogitare, videtur idem esse quod ἄν-
 κριζειν, sua causa omnia facere, & commodis suis servire, omnia voluptate sua metiri. Sic Plautus Truculento, Sc. Num tibi, callidos eos vocat, qui sordido student lucro:*

*Ad suum quemque equum est quaestum esse callidum. Epicurei autem callidi homines, à C R-
 CERONE vocantur Astuti, ab ἄστυ quo Atheniensis significatur ciuitas, vbi docuit Epicurus.*

C A P. X X.

*Tusculana quinta. Notis variè
 percurritur.*

QVAESTIONES Tusculi habitae sic doctis placent, vt dignae Christiano homine videantur: quodque de Hortensio Tullii columen Ecclesiae Augustinus dixit, CHRISTI hic nomen, praeterea nihil, desiderari; idem de his libris confirmare possum. Placent autem praecipue summa & ima, hoc est, liber primus, qui est de contemnenda morte, & quintus de Vita beata potissimum differens. In hoc attentè legendo & cum antiquis libris comparando haec de multis optima, seposui.

Ennij

Ennij hic de P. Cornelio Scipione occurrit
Elogium:

Nemo est qui factis me aequiparare queat.

Provocabulū me afuit recte à Longobardico
codice Toletano, & durius reddit carmē. Sub-
iungit Orator: *Quod si beata vita glorianda est,*
& *praedicanda, & praese ferenda est.* corrigit hic
Lamb. repugnantibus, vt solet, libris omni-
bus, *quod si est, sola beata vita glorianda & praedican-*
da. At mutare quid attinet? ductum enim ab
adiunctis argumentum. Si est beata vita glo-
rianda, etiam praedicare eam & ostentare li-
cet. Post statim: *Similēne putas C. Laelij vnum*
Consulatum? Duo libri habent *similēne putas.*
Et rectius infra: *Sic cū sapiens & bonus vir,*
qualis ille fuit, suffragiis praeteritur non-populus, &c.
hoc est populus, qui populus non est. Qua-
re necesse non est ἀνακόλυσθαι ibi cum eodem
Dionysio fingere: quamquam in T. V L L I O
quod infinitas ire non possum, occurrat in-
terdum.

Postea; *Sed dicendum illud idem paullo vberius vi-*
detur, plena gaudiorum sunt. E vestigiis veteris
scripturae videor pro meo iure eruere posse,
quae longe concinnior est, lectionem, vt om-
nia rite sequantur: *Sed illa (dicendum illud idem*
paullo vberius videtur) plena gaudiorum sunt. Supra
paullo: Etenim quae pars est optima in homine in ea si-
um esse necesse est, quod quaeris omnium optimum. Le-
go de veteri libro: *Quod quaeris optimum.* Glos-
sema itaque in insulam deportetur. Infra quo-
que: *Quod hac disputatione agitamus, rectius agi-*
mus iudē praefere ut libri, vt sacrorū formulam
respi-

respiciat à Pontifice olim pronuntiari solitam HOC AGE, teste Plut. in Poplicola. Et statim: *Pugnis, calcibus, vnguibus, morsu, denique ut exanimarentur, Liber vetus, morsu denique. cum exanimarentur.* Et post: *Sequitur igitur horum ratione vel ad supplicium beata vita virtutem.* Hic legēdum esse bonorum ratione & librorum auctoritas, & locus ipse euincit. Ut statim: *Qui eorum bonorum animum, longe melius, quam quod Lambinus mutat, quin eorum.*

Deinceps: *Quorum magnitudinem breuitate consolatur, longitudinem leuitate.* Malim quod in iisdem membranis Longobardicis legitur, *lenitate.* Ut lenis dolor minimeque grauis diuturno, ut brevis magno, obiiciatur. Horat.

Sunt verba & voces, quibus hunc lenire dolorem.

Et noster lib. iv. harum Quaestionum, alia tamen notione, pro indulgentia atque clementia: *Quam lenitatem nos dicimus, Stoici vitiose lenitudinis nomine appellant.* Quia tamen lib. ii. de Finib, *leuis dolor, nisi nos fallunt editi libri, longo opponitur, ἐπὶ τὸ, manumque abstinēo.* Sic enim: *Iam doloris medicamenta illa Epicurea, tanquam de narthecio promant: si grauis, brevis: si longus, levis, dictata sunt virtutis, magnitudinis animi.*

Extremo libro de caecis agens: *Asclepiadem ferunt non ignobilem Eretricum Philosophum, cum quidam quaereret, quid ei caecitas attulisset; respondisse: ut puero vno esset comitator.* Sic Lambinus altera editione. in prima enim temere *non ignobilem Medicum & Philosophum.* Teneri tamen non possum, quin & aliorum librorum lectionem adscribam: quidam enim: *non ignobilem nec inext-*

citum

citum philosophum. Ego in duobus membraneis scriptum vidi, *non ignobilem nec inexercitatum philosophum.* Quae lectio prae illa placet, nam *Exercitus* fere in aduersis dicitur. Maro:

—*nate Iliacis exercite satis.*

Idemque Pet. Victorio viro doctissimo videbatur, Medicum autem illum ex Oratore, non hic C I C E R O innuit, Prusiensem, Pompeij aequalem (de quo Plinius refert, reliquis fere sui temporis illum repugnasse, quemque Galenus de Crisibus lib. I I I. ἐξιν ἀντιολογικὴν exercuisse scribit) sed Phliasium illum, qui Menedemo Philosopho tanquam Pylades alter familiarissime sit usus: dictique ambo primum à Stilpone Eliaci, post à Menedemo Eretrieo Eretrici, ut nominat M. T V L L I V S I I I. de Oratore, & Lucullo extremo: ubi tamē Lambinus mutat, nescio qua confidentia, *Eleatici*: cum Graecè sit *Ηλιακοί*, ἀπὸ τοῦ πλείστου ἡλείου: ut à Menedemo, quod is ἐρετρίεὺς fuerit, *Eretriaei* appellati. Laërtius in Phaedone & Menedemo: ὁ μὲν τοι Ἀσκληπιάδης προκατέσχευεν τὴν Ερετρίαν γηραιὸς ἤδη συζήσας τῷ Μενεδήμῳ σφόδρα ἐντελής ἀπὸ μεγάλων.

C A P. X X I.

Vitiligtiatores apud Plinium. M. Caelij apud C I C E R O N E M locus expensus. Antiquitatis nimium studiosi.

M. Caelius lib. V I I I. Epist. v. ad C I C E R O N E M : Si quid noui de Rep. quod tibi scribe-

scriberem haberem, vsus essem mea consuetudine & diligentia, & quid actum esset, & quid ex eo futurum sperarem, perscriberem. Sanè tamquam in quodam in Cilicia omnia adhaeserūt. Scio summum Criticum lib. XII. Aduersariorum cap. XVII. tentasse hic in quodam tamquam cilicio, è vestigiis codicis Medicæ, è quibus Victorius ingenuè fassus est, cùm nihil eruiere posset, aliis se lampada, qui aut ab ingenio essent, aut à libris paratiores, tradere. P. Manutius, in cuius hic sententiam Lamb. concessit, legebat in quodam incili iam omnia adhaeserunt. Incilia Festo Pompeio & Vlpiano lib. XLIII. Pandect. Tit. de aqua quotid. cap. I. fossæ sunt, quae in viis fiunt ad aquâ deriuandam, siue deriuationes de riuo communi factae: vt ab inciendo encilia vocent. Ingeniosâ sane vtraque coniectura, quis neget? sed fortasse coactor est, & à re, qua de agitur, alienior. Octavius Panagathus, quem honoris gratia libenter appello, leg. putabat tamquam in quodam lintre omnia adhaeserunt. Si fas est quarto pedatu post tot, tantosque viros sententiam dicere, ex hisce antiquae scripturae vestigiis codicis Mafferiorum, in quodam vitilica omnia adhaeserunt, commodius legi & elici posse arbitror: in quodam fictili ea omnia adhaeserunt. Fictilia enim vasa, tv Flaccus ait, odorem semel imbuta retinēt. Amicus quidam eruditus sic: tamquam in quodam iustitio, vel interstitio. Malim tamen, vt dicam ingenuè, reponi tamquam in quodam vitilitigio. Cuius meae coniecturae hâc rationem reddo. Primò, sordes verborum in M. Caelio notari, orationemque antiquariâ nimis illius fuisse;

auctor

auctor est M. Fabius ac Tacitus in Dialogo de Oratoribus; nisi is, ut equidem sentio, Quintiliani est potius. Deinde M. Catonem priscarum vocum, eiusque aemulum C. Sallustium, affectatorem *vitilitigationis* vocem usurpasse fortè & excogitasse: ut Terentius *obsequium* primus dixit, & alij alia vocabula confinxere, quae & utroque genere dicebant, neutro ac femineo sexu, ut *obsidium* & *obsidio*: *Exercitatio* & *exercitium*, sic & *vitilitigium* forsitan & *vitilitigatio*, pro vitiosa lite, calumnia, & alienarum rerum anxia cura, quam πολυπραγμοσύνη Græci nominant: quale studium est rabularum forensium, lites è litibus ferentium. C. Plinius præfat. ad Vespas. Aug. Ergo securi etiam contra vitilitigatores, quos Cato eleganter ex vitiiis & litigatoribus composuit. Quid enim illi aliud quàm litigant, aut litem quaerunt? Denique, diuinare enim quid vetat? verborum hic inuouator priscorum scripsit fortasse fictili luera omnia adhaeserunt: qua forma ac fictione proxima epistola dixisse videatur: Hic vos omnes absoluimus, & Hercules, confecta omnia foeda, & inhonesta sunt. Sed quis sic, amabo, loquitur? certè Caelius, non ipse TULLIUS.

C A P. XXII

CICERO Tusculana tertia
saepius emendatus.

TUSCULANAE M. TULLII disputationes sese mihi iam inde à puero probarunt: quòd multa in iis doctrina, & quidem à
H Christia-

Christiana religione non abhorrens. Quam
 nondum poenitet me operae in comparatio
 ne cum antiquissimo codice Longobardici
 litteris exarato Toleti positae. Quin potius
 eum laborem ad plures manare volo, & qui
 dem post Dionysij Lambini diligentiam. Ita
 fit ut animus de se ipse tum iudicet, cum id ipsum quod iu
 dicat, aegrotet. Lambinus quo iudicatur reposuit
 Malo veterem scripturam quo iudicat.

Mox de Gloria: Ea est consentiens laus bonorum
 incorrupta vox bene iudicantium de eccellente virtute
 Ea virtuti resonat, tanquam imago gloriae. Turnebu
 hanc lectionem tuetur; Lambinus de suo mu
 tat, tanquam imago vocis, ut tamen dubitet utrum
 sequatur. Certe in vet. Cod. est gloriae. Tenta
 bam igitur parua commutatione: Ea virtuti re
 sonat, tanquam imago, gloria. Ut ἐμπαριχῶς repeta
 prouocabulum ea. vel ex ora irrepperit gloria
 Sic lib. 1. Virtutem gloria tanquam umbra sequitur.
 Et Philipp. 1. Est autem gloria laus recte factorum,
 magnorumq; in Repub. meritorum; ubi miror Fac
 tum maluisse: in remp. fama meritorum.

Post: insaniam enim censuerunt, id est inconstantiam
 sanitate vacantem. Vet. Cod. stultitiam enim censue
 runt inconstantiam idem (forte item vel id est) sani
 tate vacantem. Sic sup. paullo eadem schedae
 Cum vero parētis redditi, id est magistris traditi sumus.
 melius, ni fallor, praefereunt, demum magistris tra
 diti sumus.

Terentij Comici versusum ex Phormione:
 Cōmuna esse haec, fieri posse, ut ne quid animo sit nouum
 Credo C I C E R O N E M aliter ea tempestate
 legisse. Sic enim in membranis reperi, aliter
 atque

atque in vulgatis Comici exemplis circumferuntur :

Communia esse haec : nequid horum vnquam accidere animo nouum.

Post non longè admodum. Et hoc ille Graeculus me audiente Athenis senex Zeno. Sic liber meus. Turnebus tamen aericulus, Pet. Victorius ἀρίχολο reponebant. Sed non fit mihi verisimile Graeco hic nomine vsum C I C E R O N E M. Non placet coniectura Victoriana, quam & auctori ipsi postea displicuisse audio. Lambinus animi incertus, quò inclinât, ignorat. Graculus aliquando tentaram, & fortasse non praeter rem. Zeno enim, qui, vt Atlas coelum, fûleire illam porticum putabatur, & omnes Stoici in vocibus cudendis excutiendisque ingenium ad reprehensionem vsque exercuerunt. Non longè abieço, inf. lib. v. Zeno, inquit Cittieus aduena quidam & ignobilis verborum opifex, insinuasse se in antiquam philosophiam videtur. Et lib. iiii. de Finib. ad Catonem Stoicum: Tuus ille Poenulus (aliij Zenulus.) Scis enim Cittiacos clientes tuos è Phoenicia profectos. Poenulum appellat quasi vafrum, & calidû, & Cittiaei à Phœnicib. vt & Poeni, oriundi, teste Laërtio in Zenone. Cui & à Polemone exprobratum legimus : οὐ λανθάνεις, ὦ Ζήνων, ταῖς κηπάαις παρεισρέων δούραις, καὶ τὰ δόγματα κλέπτων φοινικικῶς καταμφιεννὺς. Valde vt mirer vulgatam illam lectionem amplexum Guil. Morelium, hominem ceteroquin doctiss. Scis enim citius clientes tuos.

Mox paulò post: Praesertim, si & ante praeceptis bonis contentus esset, nec mortem, nec Deos extimesceret.

Christiana religione non abhorrens. Quare nondum poenitet me operae in comparatione cum antiquissimo codice Longobardici litteris exarato Toleti positaе. Quin potius eum laborem ad plures manare volo, & quidem post Dionysij Lambini diligentiam. Iam fit ut animus de se ipse tum iudicet, cum id ipsum quod iudicat, aegrotet. Lambinus quo iudicatur reposuit. Malo veterem scripturam quo iudicat.

Mox de Gloria: Ea est consensuens laus bonorum incorrupta vox bene iudicantium de eccellente virtute. Ea virtuti resonat, tanquam imago gloriae. Turnebus hanc lectionem tuetur; Lambinus de suo mutat, tanquam imago roci, ut tamen dubitet utrum sequatur. Certe in vet. Cod. est gloriae. Tentabam igitur parua commutatione: Ea virtuti resonat, tanquam imago gloria. Ut ἐμπαρικῶς repeta prouocabulum ea. vel ex ora irrepserit gloria. Sic lib. 1. Virtutem gloria tanquam umbra sequitur. Et Philipp. 1. Est autem gloria laus recte factorum magnorumq; in Repub. meritorum; ubi miror Faernum maluisse: in remp. fama meritorum.

Post: insaniam enim censuerunt, id est inconstantiam sanitate vacantem. Vet. Cod. stultitiam enim censuerunt inconstantiam idem (forte item vel id est) sanitate vacantem. Sic sup. paullo caedem schedat. Cum vero parentib. redditi, id est magistris traditi sumus. melius, ni fallor, praeferebant, demum magistris traditi sumus.

Terentij Comici versum ex Phormione: Communia esse haec, fieri posse, ut ne quid animo sit nouum. Credo C I C E R O N E M aliter ea tempestat legisse. Sic enim in membranis reperi, aliter
arq

atque in vulgatis Comici exemplis circumferuntur :

Communia esse haec : nequid horum vnquam accidat animo nouum.

Post non longè admodum. Et hoc ille Graeculus me audiente Athenis senex Zeno. Sic liber meus. Turnebus tamen aericulus, Pet. Victorius ἀξιχολοῦ reponebant. Sed non fit mihi verisimile Graeco hic nomine vsum CICERONEM. Non placet coniectura Victoriana, quam & auctori ipsi postea displicuisse audio. Lambinus animi incertus, quò inclinat, ignorat. Graeculus aliquando tentaram, & fortasse non praeter rem. Zeno enim, qui, vt Atlas coelum, fūleire illam porticum putabatur, & omnes Stoici in vocibus cudendis excutiendisque ingenium ad reprehensionem vsque exercuerunt. Non longè abiezo, inf. lib. v. Zeno, inquit Cittieus aduena quidam & ignobilis verborum opifex, insinuasse se in antiquam philosophiam videtur. Et lib. iiii. de Finib. ad Catonem Stoicum: Tuus ille Poenulus (alij Zenulus.) Scis enim Cittiaeos clientes tuos è Phoenicia profectos. Poenulum appellat quasi vafrum, & callidū, & Cittiaei à Phœnicib. vt & Poeni, oriundi, teste Laërtio in Zenone. Cui & à Polemone exprobratum legimus : οὐ λανθάνεις, ὦ Ζήνων, ταῖς κηπάαις παρεισρέων δύραις, καὶ τὰ δόγματα κλέπλων φοινικιῶς καταμφισπύεις. Valde vt mirer vulgatam illam lectionem amplexum Guil. Morelium, hontinem ceteroquin doctiss. Scis enim citius clientes tuos.

Mox paullo post: Praesertim, si & ante praeceptis bonis contentus esset, nec mortem, nec Deos extimesceret.

Addidi quod ab editis exfulat, *nec mortem*, *era*
enim in membranis. Et verò M. TULLIUS
in disputatione pridie habita auditori mortem
esse contemnendam, vi veritatis extorserat.

Statim: *Quid peram praesidiū, aut exsequar? q: idv*
nunc exsilio aut fuga freta sim? Vetus cod. *q: oñe nun*
auxilio exsilij aut fuga. Sed productior esset ver
sus: nisi fortè quòve nunc exsilio aut fuga scripsi
poëta ille ἀδύλατον; vel potius:

Qua nunc exsilij fuga freta sim? Sic enim sup.

Aut mortem acerbam aut exsilij moestam fugam

Aut semper aliquam molem meditabar mali.

Quae ex illo Euripidis CICERO conuertiti

Φυγὰς τ' ἐμαυτῷ προσιθείς παλῆς ἐμῆς,

Θανάτους τ' ἄλγους, καὶ χακῶν ἄλλας ὁδοὺς.

Infrà: Ego sum is qui dicam me non laborare: actum
habiturum quod egerint. Sic in vulgatis. Diony
sius ille tanquam imperiosus aedilis de plane
pronuntiat: *Emendo libris omnibus inuitis, Ratum ha*
biturum, nec enim alterum Latinum est. O criticum
audacem & confidentem! Ego videor ex anti
quis membranis veram lectionem posse ex
sculpere, vna littera extrita, *actum abiturum quod*
egerint. Ait CICERO, quidquid molientur fi
nem esse habiturū. Nam & ipse lib. v. Finium:
Hoc fortasse non poterat sic abire. Et Catullus ad Cal
uum: *Non nō hoc tibi falsè sic abiit.* Et quem sibi le
gendo familiarē CICERO effecerat, Terentius
Eunucho: *Mirabar, hoc si sic abiret.* Et, *Credim' te im*
pune abiturū? vbi tamē libri quidā habiturū praefer
runt, vt alibi: *Siquidē istuc impunè habueris.* Deinde:

Nimis iracundè agunt, praesertim cum ab his non sanè
animosè defendatur sententia. Lego de veteri libro,
claro

claro sensu non sanè animosa. Qui enim iracundè, vt Epicurei solent, disputant, animosè quidem, at illa de corporis voluptatibus non satis illorum animosa, nec viro digna sententià est.

Infra: Graeci in singulas scholas, & in libros singulos dispartunt. Opus enim quaerunt: quamquam planè disputationis sunt, delectationis. Turnebus & Lambinus reponunt, quamquam plenae disputationes delectationis sunt. Quorum illo facio, vt debeo, pluris omnium hominum neminem; vincat tamen, cuius nos studio capi conuenit, veritas. Alter cod. meus: quamquam plenae disputationis delectationes sunt. alter: plenae disputationis, delectationis sunt. Licet, inquit plenam disputationē scholae illae cōtineant, delectāt nihilominus. Sic li. v. Parūne cognitū est superiorib. nostris disputationibus, an delectationis & otij consumendi causa locuti sumus, &c.

Extremo libro: Hae sunt illae fibrae stirpiū, quas initio dixi, persequēdae, & omnes elidendae, ne vlla vniquam possit consistere. Lambinus coniicit persequēdae, vt nihil intentatum relinquat bonus vir, vbi acumen illud exquiras experiatur, vt ex mustaceo laureolā colligat. Nos solum illud seruemus, vt vulgatam, quā potest, tueamur, cum vet. codd. auctoritate, quae, vt esse debet, sacrosancta est apud me, tum eiusdem T V L I I gladio, & Maronis. Sic enim ille lib. proximo: Sunt omnia ista ex errorum orta radicibus: quae euellenda & extrahenda penitus, non circumcidenda, nec amputanda sunt. Et Virgil. II. Georg. v. 405.

Iam tum acer, &c. Et Persius Sat. v.

Disce, sed ira cadat naso; rugosaque sanna

Cum veteres auis tibi de pulmone reuello.

AND. SCHOTTI
 NODORVM
 CICERONIS
 LIBER. III.

*Perditum ire, comparare se. CICERO-
 NIS Epistolae aliquot glossis subla-
 tis emaculatae.*

C A P. I.



VLLIANAS Epistolas magne
 fructu terit iuuentus, nec, si me
 audiet, de manibus deponet, ut
 sensa mentis amico exponere
 Latine possit, noménque pareat,
 & amicos inueniat. Agedum, medicinam, si
 possumus, locis deprauatis adhibeamus. Lib.
 vii. Epist. 5. C. Trebatium Iureconsultum
 C. Caesari Proconsuli de meliore nota com-
 mendans, ad ceteras, quas in eo laudat virtu-
 tes: *accedit, inquit, quod familiam ducit, in Iure civili
 singularis memoria, summa scientia.* Rectè & acutè
 vidit Pet. Victorius sic legendum, non ut ad
 eam diem editum circumferebatur, *quod fami-
 liaritatem ducit.* Manutius quoque interpretan-
 dum putauit, atque adeò summus in litteris
 Muretus

Muretus variis lectionibus in Prouerbiorum numerum à Desiderio praetermissum, referendum censuit. Nos in praesens interpunctione planiorem locum sic reddamus, *quod familiam ducit in Iure civili*. Significat enim in Iurisprudencia Memoriam regnare, locumque principem necessariò obtinere in tam vasto legum Rom. pelago, atque opinionum varietate. Propriam enim esse Iurisconsultorum Memoriam saepe in libris de Oratore TULLIUS praedicat.

Lib. XIII. Epist. I. ad Terentiam: *Per fortunas*, inquit, *miseras nostras vide ne puerum perditum perdamus*. Si quod in his litteris, etsi perexiguum, iudicium est meum, legendum existimo: *ne puerum perditum eamus*. Scriptum fortasse erat ab imperito librario: *perditum eramus*: accessit corrector semidoctus & *perditum perdamus* subiecit. Io triumphae, acclamans, At verò, quia pugnantia haec includunt,

Auditum admissi risum teneatis amici?

Quantò rectius quod damus. Plautus enim sic in Amphitruone, & in extrema Aulularia:

Quamobrem ita faceres, meque meosque perditum ires liberos.

Et in Andria Terentius:

Cur te is perditum?

Et Elaccus lib. I. Carminum:

Vidimus flauum Tiberim retortis

Littore Etrusco violenter vndis

Ire deiectum monumenta regis,

Templaque Vesta.

Per fortunas autem praedicandi formula est,

est, qua & lib. III. ad Atticum Epist. xx. utitur. *Ad quae recuperanda, per fortunas, incumbere, vis facis.* Rursum lib. v. Epist. i. f. *Ne provinciae prorogetur, per fortunas, dum ades, quidquid provideri potest, provide.* Glossema porro lib. xvi. ad Tironem Epist. xi. tollendum arbitror: *Ex hac parte bellum diligentissime comparatur.* Dele, me auctore bellum, ac furcis eiice, ut à Manutius factum video, inculcante rursum Lambino, contra libros antiquos, quos inspexi: itaque saepenumero Cicerone cōcise, ut Q. Fratri Epist. i. *Pompeius se comparat, homines ex agris accessit.* Ibidem: *Sed & illud te moneo, ut te ante compares, & quotidie meditare.* Item in Miloniana: *Milo paulisper, dum se vxor, ut fit, comparat, commoratus est.* Insequenti proximè Epist. xii. *Sin autem ille me suis conditionibus stare voluerit, bellum paratum est; eiusmodi tamen, quod ille sustinere non possit.* Vbi & nodus vindice dignus incidit. Nā vel noluerit, neganter legendum, ut in plerisque libris; & *sin* pro sed si, interpretandum: vel *sin* voluerit, pro si non voluerit, ut saepe alias. Illo tamen modo in ea ipsa Epistola legas: *Sin autem erit bellum, video me castris & certis legionibus praefuturum.* Quare videndum an stare hic dictum sit pro perseverare, ac nolle de sententia decedere. Ut in Quinctiana Cicerone perseverandi verbo pro perficiendi, inusitato est usus modo, cum L. Sisenna, citante Nonio Marcello.

CAP.

C A P. I I

Crassus & Cassius. CICERO & Macrobius emendati.

C Caesarem in Seruilia Bruti matre malè
audisse, & in Iunia Tertia Bruti sorore &
Cassij vxore, auctor est Suetonius Tranquillus
cap. I. & Macrobius lib. II. Saturn. Vnde ma-
narit iocus ille Tullianus: *Equidem quo melius
emtum sciatis, comparauit Seruilia hunc fundum, Tertia
deducta. Deductores enim & Perductores audiunt malè
apud Comicos, vt amoris conciliatores, quos
Seneca Rhetor Pararium facere ait, si mentem
assequor.* T V L L I V. s. quoque noster in Ver-
rem lib. III. quae de frumento est oratio: *Hic
est Docimus, qui ad istum deduxerat Tertiam, Isidori mi-
ni filiam, vt abductam ab Rhodio tibicine.* Haec autem
Iunia Tertia Seruiliae filia, C. Cassij, vt dixi, eius
qui cum Bruto in Caesaris percussoribus fuit,
vxor erat, non C. Crassi, vt in Macrobio malè
vulgatur. Emendandum itaque Dionis Cassij
auctoritate lib. XLIV. Hist. de Bruto sic loquen-
tis: *Καὶ μετὰ τούτο τὸν Κάσιον τὸν Γάϊον σαθέντα
ἂν δι' αὐτὸν ὑπὸ τοῦ Καίσαρος, καὶ προσέτι καὶ στρατη-
γία τιμωθέντα. τὸ δ' ἀδελφῆς ἀνδρὰ ὄντα προσέλαβε.*
Tertia autem dicta est, Romanorū more, quod
tertio loco nata. Soror enim ipsius Cassij M.
Lepidi cōiux fuit. Nec desunt homines doctis-
simi, omnisq; aded antiquitatis peritissimi, qui
sibi aquam ad Suetoniū haerere fateantur in-
genuē. *Seruilia* verò Iunij Silani vxor cū esset,

vt Plutarchus in Catone Vticēsi refert, qui Cato Sēruiliae frater vterinus erat, & auunculus Bruti: hinc odia Brūti & Cassij in Caesarem exarserunt: quod huius vxorem, illius verò matrem ac sororem adulteriis Caesar polhuisset. Quamobrem in eius caput, illis auctoribus conspiratum est, tribusque ac viginti vulneribus in curia Pompeiana confossus periit, cum deducta ad talos veste, Brutum sic nominatim compellans: καὶ σὺ τέκνον, vel vt alij, καὶ σὺ ἐκ ἐκείνων & τέκνον. Haec in Cassij nomine nostra opera emendatus Macrobius erit. Contrā verò in Crassi nomine C I C E R O instaurāndus, lib. vii. Epist. xxiii. extrema: *Quaesiui de mea Tullia, quid egisset: per Liciniam se egisse dicebat, sed opinor Cassium non ita multum vri vxore.* Vbi reponendum censeo Crassum, quod Liciniae gentis cognomentum est, non Cassius. Soror enim eius Licinia hic appellatur: & verò feminas gentilitio ferè nomine dictas notum vel leuiter Romanarum rerum lectione tinctis. Nec enim placet quod quidam hic comminiscuntur, vt quemadmodum fratres pro patruelibus aut cōsobrinis dici interdum solent, ita & sorores: Quibus vt assentiar non prius, quàm locupletē id teste comprobent, adduci possum, & ad Iureconsultos, quorum propria est ea Cognationum graduūque tractatio, libens prouoco.

C A P. III.

Nerui sapientiae. C I C E R O *illustratus. Epicharmus expressus, eiusdemq; Poetae allata plurima.*

ACCVSATVS à Dolabella Appius Claudius è Prouincia Cilicia rediens, de maiestate & de ambitu postulatus; absolutus est, cumq; ad urbem esset triumphum petens; simulatq; Dolabella ad postulandum, noménq; deferendum accessit, introiit in urbem, & triumphi postulationem abiecit. M. C I C E R O hoc illi summae gloriae ac maximi triumphi instar fore ait, si inimicis superatis victor discedat: *Ages, inquit, victor ex inimicorum dolore triumphum iustissimum. Ego enim planè video fore neruis opus sapientiaq; tua, vehementer vt inimicos tuos poeniteat intemperantiae suae. Manutitus & legit, & interpretatur, neruis, opibus; item Lambinus, qui vulgatum de mendo condemnat. Ego verò contra sentio; eamque retineo. Respexit enim ad Epicharmium illud, quod M. & Q. TULLII referunt: sic enim illè lib. i. ad Attic. Epist. XIX. Vt crebro mihi vaser ille Siculus insusurret Epicharmus cantilenam illam suam: Νῦν φε. & μέμνατο ὁ πρῖν, ἄρβρα τὰυτα τῷ φρενῶν. Quod carmen sic reddidit Q. Frater de Petitione Consulatus ad Marcum: Quamobrem Επιχαρμειον illud tenero, neruos atque artus esse sapientiae non temere credere. In quam sententiam elegans exstat Dionis Chrysostomi*

sofotomi oratio, lōgè felicius à Ioachimo, quàm Thoma Naageorgo conuersa. Huc respexit, vt diximus, C I C E R O, habétque commodum sensum vulgata lectio, etsi neget, id Victorius. Ad alteram verò dicti partem allusit idem lib. II. id Attic. Epist. xx. *Sed quia, vt video, pragmatici homines omnibus historicis praeceptis, versibus denique cauere iubent, & vètant credere.* Ibi enim νήφειν ver- tit cauere, quod *vigilare* aliàs significat. Respexit & eodem fortasse L. Munacius Plancus, lib. x. Epist. xxii. *Tu, mi C I C E R O, quod adhuc fecisti, idem praesta, vt vigilanter, neruoseque nos, qui stamus in acie, subornes.* Haec autem Epicharmi sententia ex- stat lib. xvii. Polybij, cuius ἀποπασμάτια ha- bemus, & apud Stobaeum sermone III. ac Sui- dam, in verbo πρόχειρον, & in dictione νήφει, quod exponit γρηγόρει, hoc est *vigila*: pro quo malim νάφει, & μέμνασθαι, pro μέμνησε, Dorica Si- culaque dialecto, qua Epicharmum hominem Siculum usum constat, cum Empedocle, Theocrito, aliisque ciuibus. Est autem Tro- chaicum Catalecticum, qualia exstant apud Stobaeum, & duo haec in secundo Commen- tatorum Xenophontis:

Τῶν πόνων πᾶλ' ἔσιν ἡμῖν πάντα τ' ἀγαθὰ οἱ θεοί,
Ὡ πόνηρε, μὴ τὰ μαλακὰ μῶμεο. μὴ τὰ σκληρὰ
ἐχῆς.

Eiusdem eodem metri genere illa apud C I-
C E R O N E M Tusc. I.

Emorinolo, sed me esse mortuum nil aestimo.

Quod ex illo Graeco versu Epicharmi C I-
C E R O conuertit, legiturque apud Sex. Empi-
ricum: ἀποθανὲν ἢ τεθνήσκειν οὐ μοι διαφέρει.

Tertium

Tertium item Epicharmi carmē citat M. TULLIUS lib. III. ad Q. Fratrem: γῶθι πῶς ἄλλω χέ-
 ρηται. *Fac scias quo pacto se aduersus alium gesserit.*
 Pertinebat & hoc ad amicitiae praeceptum:
 vt primum illud eius dictum.

Quod autem dixerat CICERO *neruis opus*
esse, recte dictum est: nam & Nerui attribuuntur
animo, vnde Ingenij neruos intendere. Ingenium
vbi intenderis valet. Et Terentianum forte illud,
vereor ne in neruum erumpat. Sic & lib. v. Epist. i. ad
Torquatum: Vereor ne consolatio nulla posset vera
reperiri, praeter illam, quae tanta est, quantum in cuius-
que animo roboris est atque neruorum. Et Actione II.
in Verrem: Magnum fortasse onus & mihi pe-
culosum, verumtamen dignum, in quo omnes neruos atatis
industriæque meae contenderem.

C A P. I V.

Fidem domino probare. Patro, auo,
 maioribus. Elegans TULLII in
 Epistolis locus castigatus.

CICERONIS Epist. II. ad Senatum Popu-
 lumque Rom. lib. xv. emēdator per me,
 quoad eius fieri potest, legetur. Sic enim edi-
 tur: *Monui Regem, [Ariobarzanem] vt omnem di-*
ligentiam ad se conseruandum adhiberet, amicosque in
patris eius fide atque iudicio probatos, hortatus sum
Regis sui vitam, docti casu acerbissimo patris eius,
omni cura custodiaque defenderet. Deprauatus
haud dubie, & à mala natus manu locus.
 Victorius

Victorius suis in codicibus abesse monet *fide*:
 Manutius item in plerisque eorum, quibus ad
 hoc C I C E R O N I S volumen illustrandum
 est usus, desiderari affirmat: legendum tamen
 hic videri *amicosque patris eius fide atque iudicio pro-*
batos: hoc est, quibus pater eius fidem haberet,
 & de quibus optimè iudicare solitus esset. Cui
 ego, ut eruditissimo viro lubens assentirer, nisi
 contrà staret veritas, cuius gratia vadimo-
 nium non est deserendum. Non enim, nisi quid
 iudicans fallor, ut *iudicium* alicuius de aliquo,
 sic *fidem* alicuius de aliquo dixeris *παθητικῶς*.
 Melius ergo Victorius, cùm in delendum re-
 ctè censuisset, eiusdemque libri τῷ *fide* care-
 rent. Tentabat itaque *amicosque patris eius iudicio*
probatos; quia *fide probatos* non rectè hic opinaba-
 tur. Servus enim fidem domino probare co-
 natur, non domini fidem probare dicuntur.
 Ampliandum itaque & aliis emendandum re-
 liquit. Equidem vestigiis codicis Medicæi in-
 sistens, emendabam: *amicosque patris eius, auique*
iudicio probatos. Nam ex *auique* librarij fecere at-
 que, mox alius corrector deesse aliquid ratus;
fide de suo infidus addidit. Veteres autè hoc lo-
 quendi modo usos fuisse ostendam. Sic enim
 supra hac ipsa Epist. narratur, Regem in C I-
 C E R O N I S castra venisse, cum Ariarathe fra-
 tre suo, & cum paternis amicis maioribus na-
 tu, ut & auo familiares iidem fuisse videantur.
 Et Philippica III. L. Philippus: *Patre, auo, maio-*
ribus dignissimus. Item in Corneliàna II. apud
 Asconium Pedianum: *Quid? auunculus tuus claris-*
simus clarissimo patre, auo, maioribus. Rursum
 Epist.

Epist. xxxiv. lib. xiii. *Lysonem agnoui dignum & patre & auo. Sallustius in Catilinaria: C. Gracchus, clarissimo patre natus, auo, maioribus, interfectus est, propter quasdam seditionum suspiciones. Vbi τὸ natus, vt glossema hoc quidem loco ὀβελίζω.*

C A P. V.

Spes non res in pueris laudata. CICERONIS de Repub. libri cur Dialogi inscripti.

QUOD de spei bonae indole dici vulgo solet, sumtum è CICERONE tradit B. Hieronymus Epist. viii. quæ ad Demetriadem est, de tuenda Virginitate. Sic enim noster Orator apud Seruium Honoratum, ad extremum lib. vi. Æneid. in illud:

In tantum spe tollet auos —

Fanni, causa difficilis laudare puerum. Non enim res laudanda, sed spes est. Quæ miror equidem omissa à doctis hominibus, qui diligenter TULLII reliqua, tamquam scalmos, collegerunt: quorum alter, nescio cur, partem eius incertis fragmentis ascripserit, cum diserte è Dialogo Seruius laudet. Puto sane è libris Cic. de Repub. desumtum. Fefellit collectorem, quòd Dialogo numerum adscriptum non videret, sed καὶ ἑοχὴν libri de Rep. Dialogus nominantur, quòd nulla disputatio maiori sit contentione ac tempore habita, aut inter plures. Quod & nouendialibus feriis, quæ fuerant Tuditano & Aquillio Coss. disputatio sit instituta, & in nouem

nouem. cum dies, tum libros res distributa,
 pōst ad tres tantum dies reuocata; vt ex eius-
 dem Laelio colligo: & in sex demum libros
 redacta, vt ex III. de Legibus ipse C I C E R O,
 Macrobius, & Grammatici testantur. *Dialogum*
 autem similiter vocat hos libros Rufinus
 de Metris, Diomedes, ac plerique omnes.
 In hos autem libros scripsisse Victorinum au-
 tumo, ex eodem Hieronymo. *Apologia* altera
 in Rufinum: vbi Victorinus in *Dialogos scri-*
pisse fertur, quod de his Rerum publicarum
 libris accipio: vt Volcatium in Orationes Tul-
 lianas, & Appianum in Virgilium scripsisse
 constat. Platonem autem in his libris trans-
 cribendo secutus Orator est, vt in Officiis
 Panaetium, & in Consolatione Crantorem, te-
 ste Plinio in Praefat. Natur. histor: C I C E R O,
 inquit, in libris de Rep. Platonis se comitem profitetur:
 in *Cōsolatione filiae*, Crantorem inquit sequor: Item
 Panaetium de Officiis. Plures autem personae in-
 ductae. In primis Laelius, vt è fragmentis ap-
 paret, & Agellio lib. I. cap. xxii. Fannius quo-
 que, vt ex Epist. xy. lib. IIII. ad Atticum: *Dispu-*
tationem, inquit, quam institui de Rep. in Africam per-
 sonam; in Philo & Laelii, & Manilii contuli. Adiunxi
 adolescentes Q. Tiberonem, P. Rutilium, duos Laelii ge-
 neros, Scaeuulam & Fannium. Eosdem ferè nomi-
 nat lib. III: Epist. v. ad Q. Fratrem. Pugnat ta-
 men secum C I C E R O, qui in Laelio, seu De
 amicitia, Fannium disputationi de optimo
 Reipublicae statu interfuisse negat, vt hoc
 ipsum *μνημονικὸν σφάλμα* ceteris adnumeran-
 dum videatur. De personis & interlocutori-
 bus

us adhuc egimus : de reipſa atque inſtituto diſputationis videndū. Porro cūm puerorum inſtitutio non minima, imò præcipua ſit optimè conſtitutæ Reip. pars, de liberis educandis C I C E R O etiam tractauit, vt locus ille à me allatus oſtendit: alter item Seruij in lib. x. *Æneid.* è quinto de Repub. deſcriptus: *Apud Græcos opprobrio fuit adoleſcentibus ſi amatores non haberent: &: Apud Spartanos rapere & clepere diſcunt. & alibi: Ad militiam euntibus dari ſolebant cuſtodes, à quibus primo anno regerentur.*

C A P. V I.

Alienſis pugna. Religioſus dies. Urbis captae annus. C I C E R O N I S ad Atticum locus deſenſus. Varro emendatus, & Nonias à Turnebi caſtigatone vindicatus.

M Varro lib. ii. de vita pop. Rom. *Vt noſter exercitus ita ſit fugatus, vt Galli Romæ Capitoliſi ſint potiti, neque inde ante ſex menſes geſſerint. Vbi ceſſerint rectè emendauit I. Lipſius, Belgij ocellus, nemini paullulum modò humaniori obſingulare ingenium, doctrinamque ignotus. Nos in laboris partem veniamus. Repono igitur paenè, pro illo Romæ, traiecta, vt olim quidem ſcribi ſolet, diphthongo, ſic eſſagitante hiftoriæ veritate. Roma enim excepta arce Capitolina potiti Galli Senones, & abſque*

que Manlio fuisset anseris strepitu excito, arcem occupassent: unde *Capitolini* cognomen honoris ergo familiae datum. C I C E R O VII. ad Atticum: *Nostri olim Vrbe reliqua capta arcem tantum retinuerunt.* Sed quid testibus in aperta re utar? Illud agamus, ut prius quam de manibus C I C E R O N E M depono, eius ope tercorruptum Nonij Marcelli locum, etiam in Iuniana ac Lutetiana editione instaurem. Sic enim in Religio. M. T V L L I V S ad Atticum: *Non maiores nostri funestiores diem esse voluerunt Aliensis pugnae, quam Urbis captae: quod hoc malum ex illo. Itaque aliter Religiosus etiam nunc dies, aliter in vulgus.* Lege meo quidem periculo: M. T V L L I V S ad Atticum nono: *Maiores nostri, &c. & mox, Alter Religiosus e. n. d. alter in vulgus ignotus.* Prius mendum suspensor natum ex compediis, ut sit, non. pro nono lib. vbi hodie haec leguntur epist. v. quibus si negationem addideris, pugnantia dixerit Cicero. Ego verò minuta haec admonere superfluum libens, nisi doctissimum Turnebum in errore induxissent vox etiā ommissa *ignotus*, Adversariorum lib. xxx. cap. ix. Dies enim nescio quos *Vulgares Religiosis* opposuit, finxitque eos qui nullo omine obsceni essent. Ceterum *Religiosi dies* Masurio Sabino apud Agellium, lib. iiii. cap. ix. quos propter ominis diritatem relinquimus. Deriuat enim ille à *relinquendo* Religionem, ut Caerimonias à *carendo*; T V L L I V S verò à *relegendo*, lib. ii. de Nat. Deorum, ut à *superfedendo* superstitionem: alij à *superstitibus*, quos à Diis precabantur: Nonius in *superstitiosi*. Quo autem die pugnata *Aliensis* sit pugna,

in historiis ambiguum. Tacitus enim xv. Annalium A.D. xiiii. Kal. Sextil. quo die in Calendario Farnesiano Romae eruto: LVCARIA signantur, quae Romani in luco celebrabant, qui permagnus inter viam Salariam & Tiberim fuit, quod victi à Gallis fugientes è praelio ibi se occultauerant & NF. hoc est: *Nefastus postrema parte diei*, notatur. Meminit & Macrobius lib. i. Saturnal. cap. iiii. & Festus in Lucaria. T. Linius lib. vi. & Plutarchus in Camillo, A.D. xv. Kal. Sextil. cladem Aliensem exceptam narrat. Scriptor verò noster de Viris illustribus, A.D. xvi. Kal. Aug. cui quamobrem assentiar libentius, sic habeto. Pridie enim eius diei, hoc est postridie EID. QVINCTIL. pro felici eius pugnae successu sacris operatum auctor est Agellius lib. v. cap. xvii. Macrobius i. Saturn. cap. xvi. & Verrius Flaccus lib. iiii. de verb. signific. *Vrbe*, inquit, à Gallis Senonibus recuperata L. Attilius in Senatu verba fecit, Q. Sulpicium Trib. mil. ad Aliam aduersus Gallos pugnatum rem diuinam dimicandi gratia postridie EIDVS fecisse: hinc exercitum pop. Rom. occisione occisum, & post diem tertium eius diei urbem praeter Capitolium captam esse. Hinc dies, qui sunt postridie Kal. Non. Eid. atros dictos & habitos. Afranius in Fratriis apud Nonium dict. Atri dies: Septembris heri Kalendae, hodie atri dies. Virgilius vii. Aeneid.

— *infestum Allia nomen,*

dixit, & M. Lucanus :

Et damnata diu Romanis Allia Fastis.

Poëtas enim moduli causa duplici LL. fluij nomen scribere obseruauit Seruius: ceterum

Plutarchus Eidib. Februariis Gallos à Camillo expulsos, fugatosque refert. Sex ergo amplius mensibus arcem Galli obsederunt. Nec minus variatum in Annalibus de anno captat Urbis. Plutarchus enim incertum esse ait. Tantum constare captam Romam post annos amplius cccclx. quam condita esset. Dionysius Halicarn. lib. i. ἀρχαιολογίας, ab exactis Regibus anno cxx. expleto. Plinius verò libe xxxiiii. cap. i. anno ab V. C. cccclxiii. His annum adiicit T. Livius. Qui Fastos nuper digessere Capitolinos, magno historiae & Antiquitatis commodo erutos, annum numerant cccclxiii. post Rom. cond. Sed de his nos pluribus egimus in Vitis comparatis Aristotelis ac Demosthenis. Ad hanc autem cladem refero illud Lucilij lib. xxiii. Satyr. apud Nonium: *Populus Rom. victus vi & superatus praeliis saepe est multis; bello verò numquam.* Et Caecilius apud Priscianum in Comoedia sic affatur: *Nullae nationi tot, tam continuas victorias, tam breui spatio datum arbitror, quam vobis.*

C A P. VII.

Sagum. Res commodae. CICERONIS è Xenophonte Oeconomia quàm correctà, quàm illustrata.

ELEGANS Xenophontis de Oeconomia libellus est, quem de Gracis Latinum fecisse M. TYLLIVM locuples testis Fabius:
suo

ſuo more tamen, vt non tam verba appendere, quàm reddere ſenſum voluiſſe videatur: auctor Hieronymus Epist. ad Pammachium, quae eſt De optimo genere interpretandi. Idemque refert C I C E R O N E M interpretatum libri nomen fuiſſe, *Vniuerſae diſpenſationem domus*, Epist. ad Algaſiam, Quaeſt. VI. (Et ex eo Iſidorus lib. IX. Etymologiarum cap. IIII.) Rurſumq; prooemio Chronici Eusebiani à ſe Latine conuerſi. Sic igitur C I C E R O beneficio L. Columellae lib. XII. cap. I. de Re ruſtica ſeruatus, de viri & mulieris ſocietate; quorum alteri audaciam in re augenda, propulſandaque iniuria; alteri verò timiditatem natura indidedit: eoque fieri, mutua vt opera indigeant. Quae omnia Xenophonteae ſunt, & in Ariſtotelis quoque, aut cuius ea ſunt, Oeconomicis fuſius leguntur: *Simplex igitur natura non omnes res commodas amplecti volebat, idcirco alterum alterius indigere voluit: quoniam quod alteri deeſt, praesto plerumque eſt alteri*. Ita C I C E R O, quae haud dubie ex his Xenophonteis expreſſa: Τὴν φύσιν μὴ πρὸς πάντα τὰ αὐτὰ ἀμφοτέρων εὐπεφυκέναι. διὰ τούτο καὶ δεόνται μᾶλλον ἀλλήλων, καὶ τὸ ζεύγος ὠφελιμώτερον ἑαυτῶν γεγέννηται, ἢ τὸ ἕτερον ἐκλείπεται, τὸ ἕτερον δὲ ὠφέλιμον. Quod cū in communi vita vſu veniat, vt nemo non alterius indigeat; recte eſt ab Homero dictum Odyſſ. θ. verſ. 167:

Οὕτως οὐ πάντεσσι θεὸς χάριεντα δίδωσιν
 Ἀνδράσιν, οὔτε φῦλιν, οὔτ' ἀρ' φρένας, οὔτ' ἀγορήτιον.

Ἄλλος μὲν γὰρ τ' εἶδος ἀκιδνότερον πέλει ἀνὴρ.

Commodas autem *res*, quod Xenophon ἐν περὶ κέναι, pro solidis, integris atque perfectis dixisse videtur Orator, ut apud Nonium Lucilius in *Commodum*:

—— *bis quino octoginta videtis*

Commoda de Capua, quinquaginta atque novena.

Hic Complutensis Nonij codex scriptus praefert —— *atque ducenta*. Suspiciatufque sum rescribendum: Lucilius lib. v. —— *octoginta videtis, & talenta* exaudio, ut obiter haec emendem. Plautus in *Asinaria*:

Viginti argenti commodas minas, eius quae dem matri.

Eidem Comico, *Commoda vir statura*, qui Graecis τετραγών & ἀνὴρ, P. Terentio & C. Lucilio solidum corpus pro compacto, firmoque, quod Graecis τευχὼν: Celfo, & Columellae quadratum corpus: Suetonio in Tiberio, iusta statura, & quadrata, in Vespasiano. Plura Victorius lib. XIII. Variarum Lect. cap. ix. & lib. xx. cap. xxii. *Commodas* igitur *minas* intelligo non accommodatas, sed integras, ut nihil absit. M. Varro Sefqui-Vlyffe, apud Nonium in *Solidum*. *Vlyffen* nauibus duodecim domo profectum decem annos solidos errasse, pro, decem ipsis annis, ut Latine dicimus, & totis atque integris. Quod verò mox ab eodem Columella adfertur de supellectile in orbem redigenda, mutilum esse observavi: *Ac primum, inquit, ea secrevimus, quibus ad res diuinas uti solemus. Postea mundum muliebrem, qui ad dies festos comparatur; deinde ad virilem: dictum item sollemnium ornatum. Retraho*

traho à fuga vocem ; deinde ad bellum, virilem : dietum item sollemnium ornatum . Sagum vestem militarem quae bello apta est, viro reponendam docet. Vera est emendatio ex his Xenophontis verbis : ἀρχόμεθα πρῶτον, ἔφη, ἀδροίζοντες οἷς ἀμφὶ θυσίας χρώμεθα, μετὰ ταῦτα κόσμον γυναικὸς τ̃ εἰς ἑορτὰς δαιμονίην, ἰδῆτα ἀνδρὸς τ̃ εἰς ἑορτὰς, καὶ πόλεμον.

C A P. V I I L

In eo posita est fortuna. In eo sunt omnia. T V L L I V - S lib. xv. ad Famil. illustratus.

R O G A T C I C E R O Cassium, vt & M. Marcellum antea Epist. vii. lib. xv. & L. Aemilium Paullum Epist. xiii. dent operam, ne quid accedat temporis ad Ciliciam prouinciam, quam & Senatus-consulto & populus plebiscito, anno post Rom. Cond. 1000. annuum esse voluit : hoc, inquit, lib. xv. Epist. xiiii. à te ita contendo, vt in eo fortunas meas positas putem. Respexit, ni fallor, Demosthenicum illud Prouerbij specie vsurpatum ; qui ab Aeschine in celebri illa pro Ctesiphonte de Corona actione reprehensus in verbo gestuque cum esset ; iocans ita se purgat : πάνυ γὰρ παρὰ τὸ το (οὐχ ὀρᾶς) γέγονε τὰ τῶν Ἑλλήνων πράγματα, εἰ τὸ τ ῥῆμα,

ἀλλὰ μὴ τὸτ' διελέχθω ἐγώ. Negat in eo positas fortunas Graeciae hoc an illud locutus sit, vt reddidit ipse C I C E R O in Oratore perfecto. Deinde, quod identidem repetit : Sic velim enitare, quasi in eo mihi sint omnia, deprecans ne prouinciae tempus prorogetur. Idem etiam M. Caesium rogat lib. II. Epist. VIII. Tibi cum mea omnia commendatissima esse cupio, tum nihil magis, quam ne tempus nobis prouinciae prorogetur. In eo mihi sunt omnia. Perfamiliare & hoc verbum Lucilio, in eo omnia pono. Sic enim apud Nonium Marcellum in Proprium, è lib. Satyrarum XVII.

Cetera contemnit, & in vsura omnia ponit

Non magna, proprium verò nil neminem habere.

Et lib. xx. Satyr. apud Lactantium lib. I. Institut. cap. XXII.

Terricolas Lamias, Fauni quas Pompiliique

Instituere Numae, tremis has. hic omnia ponit.

C A P. I X.

Beneficium pro culpa, apud Iurisconsultos. C I C E R O N I S in Timaeo locus vnus & item alter emendatus.

DI V I N I Platonis Timaeum, qui de vniuersitate est, Latine C I C E R O exscripsit, vt ad rerum vbertatem verborum etiam copia cresceret, & luminibus Graecae facundiae magis, magisque splenderet oratio, reddereturque copiosior. Denique vt Philosophiam Latinis

Latinis illustraret litteris. Eum Dialogum ad meam ipse vtilitatem cum Graecis Platonis comparavi, neque operam luisse visus sum. Non longè à principio sic editur: *Quid est quod semper sit, neque vllum habet ortum: & quod gignatur, nec vnumquam sit. Quorum alterum intelligentia & ratione comprehenditur, quod vnum semper atque idem est: alterum quod adfert opinionem per sensus rationis expers.* Boëthius Seuerinus, Latinorum non contemnendus Philosophus, Commentario tertio in Topica Tulliana sic legisse videtur: *Quorum alterum intelligentiae ratione comprehenditur, alterum adfert opinioni sensus rationis expers.* Post in eodem Graecè sic editum video à Typographorum *σεφάτω· καθ' ὃν διόν τε ἀνελέχτης προσήκει λόγος εἶναι καὶ ἀνικήτης.* Ex Proclo in Timaeum legendum coniicio, *καθ' ὃν διόν τε.* Adferam & illud, de humanae vitae conditione: *Deinde ut huic animanti principem se ducemque praeberet, vitamque eius pulcerrimè regeret & gubernaret: nisi quatenus ipse beneficiis sua culpa sibi aliquid miseriae quaereret.* Sic de veteribus libris summa accuratione in Gallia exciditur, cum Lambini, tum Mich. Bruti opera. Ille tamen *τὸ beneficiū* ut glossema delendum putat; sed tota errat via, dum ut apud Poëtas Medea, *videt meliora probatque, Deteriora* sectatur. Nec defuit, qui tentaret, *beneficij sui culpa.* Repone me auctore: *quatenus ipse beneficio suo sibi aliquid miseriae quaereret.* Erat enim vel in eo quod versus dirimit intervallo, aut certè ad oram adscripta explanatio, *id est culpa sua*, qua vocem rariorem esse lectori antiquarius suggerit: haec, ut fieri

amat, quia notior est, in contextum seriemque irrepsit: Altera verò in antiquis libris, etsi deprauata nonnihil, remansit. Quare postliminij iure locum recipere actione. Vnde vi iubeo. Graecè enim est αἰτίον. Sic enim Philosophus: Καὶ κατὰ δύναμιν ὅτι κάλλιστα καὶ ἀρίστα τὸ θνητὸν διακυβεύειν ζῶον, ὅτι μὴ χαλῶν αὐτὸ ταυτὶ γίγνοιτο αἰτίον. *Beneficium* enim veteribus illis Prudentibus, disertissimis hominibus, sequiore etiam notione vsitatum pro opera & culpa. Veniat in rem praesentem Vlpianus L. Ex damno, xl. D. dam. n. inf. *Consequens est, inquit, dicere detrimentum hoc, quod beneficio eius contingit.* Et L. Communi, vii. D. Com. diuidendo: *Quia haec pars beneficio alterius venditori accessit.* Idemque L. inter omnes, xlv. D. de Furtis: *Competit enim actio non ideo, quia nunc abest, sed quia vnquam beneficio furis asuerit.* Vocem itaque vt probam, notaeque melioris à fuga retrahamus. Sic & Opera, pro culpa Catullus, ac Probus Aemilius adhibent. Et Honos, pro κλέος, καὶ ἀνείδος, vtroque versum vocabulum; vt iam lib. ii. cap. viii. ex Agellij lib. xii. Noctium docuimus.

C A P. X.

Come dicere, *Aufonius* è C I C E R O -
N E *illustratus* , P. *Terentius lau-*
datus.

C I C E R O N I S poëmation , vt alia eiuf-
dem pleraque, intercidiffè, quod *Limone*
apud Donatum infcribitur, obferuatum. Quia
verò Terentium Comicum Orator ibi lau-
dandū fufceperat, à cuius affidua lectione mi-
nimè abhorruiffè res ipfa clamat, equidem
in eam veni ſententiam , vt vnus litterae
immutatione *Libonis* nomine infcribendum
putaſem, cùm in gentis Terentiae laudem
carmen pangeret. *Terentius* enim *Libo Tregel-*
lanus fuit poëta, ad quem & libros M. Teren-
tius Varro miſſiſſe dono dicitur. Quorum li-
brorum primo *Terentius*, à *Tereno* Sabina voce
pro molli deriuatur : vnde traductis hodie lit-
teris *tenerum* manſit : quem librum laudat
Macrobius lib. iiii. Saturnalium cap. xviii.
Vt enim Dialogos T V L L I V S , Platonis
exemplo, principum perſonarum ; quae in-
ducuntur, nomine infcripſit ; ſic & Poëmata
quae pangebatur : vt *Marium* , de quo Scaeu-
la dixit :

Canefcet ſaeculis innumerabilibus.

Cuius etiam ſcripti fui meminit Orator, lib. i.
de Legibus, i. de Diuin. & lib. xii. ad Atticum.

Antea quoque etiamnum puer *Pontiũ Glaucum*
tetra-

tetrametris lusit: quod poemation Plutarchi etiam aetate legebatur. Nunc autem intercidit, compositum tamen ad Aeschyli imitationem: qui Tragicus ἐν τῷ Ποντίῳ γλάυκῳ citatur à Strabone, ab Athenaeo, aliisque. Sed ad me redeo. Ciceroniani Poematiij hoc reliquum à temporum iniuria, veluti naufragij tabula, conseruatum est, continens praestantissimi Latinorum Comici P. Terentij Elogium:

*Tu quoque qui solus lecto sermone, T E R E N T I,
Conuersum, expressumque Latina voce Menandrum
In medio populi sedatu auribus adfers:*

Quidquid come loquens, ac omnia dulcia dicens.

Simile & C. Caesaris versibus editum, exstat de Terentio iudicium:

*Tu quoque tu in summis, ô dimidiate Menander,
Poneris, & meritò, puri sermonis amator.*

Vim tamen maiorem in ea verborum lenitate, id est, πᾶσι, requirit idem, Graecorum Comicorum exemplo: & hoc etiam deesse Comico illi dolet. M. verò Terentius in Etesin palmam tenere ait, vt in argumento Caecilium, & in sermonibus (vt equidem Horatij auctoritate interpretor) dicteriis & salibus M. Plautum. Sed haec Critici viderint. Hoc tantum: M. T V L L I V M ab Aufonio Gallo expressum, videri, in Protreptico ad nepotem:

*Tu quoque qui Latium lecto sermone, T E R E N T I,
Comis, & astrictus percurris pulpita focco.*

Ad noua vix memorem diuerbia coge senectam.

Comis, non, vt quidam, pro Comice dixit vterque scriptor, mea quidem sententia, sed vt

Comiser

Comiter loqui dicimus: vnde & Comitas, facilitasque morum.

C A P. X I.

*Homerus è Platonis Rep. educitur vnctus
& coronatus. CICERONI lux al-
lata. Minucij Felicis tentatus locus.*

MINUCII Felicis, caufidici olim Rom. te-
fte Lactantio, Dialogus est in manibus,
qui à principe persona inducta *Octavius* inscri-
bitur; falso hætenus liber octavius Arnobij
habitus: qui B. Hieronymo auctore, septem
dumtaxat libros aduersus Gentes plenos eru-
ditionis reliquit. Minucius igitur, si non mole,
sed reapse aestimes, magna aliorum pro Chri-
stianis vincit volumina, cum rerum copia,
tum dictionis venustate. Sic verò de Platoni-
cae Reip. idea, qualis nec fuit, nec erit, disse-
rens: Poëtæ ipsi permirum quantum veritati ipsi sua
auctoritate nocuere: Et Plato ideo præclare *Homerum*
illum inclytum, laudatum, & coronatum, de ciuitate,
quam in sermone instituebat, eiecit. Meridum, quod
hunc locum insedisse videtur, quâ possumus,
expurgemus. An pro laudatum, lautum? Quod à
librario immutatum, lautum & lotum dici igno-
rante, eamque cognationem quæ est inter au-
& o, vt in *aula* & *olla*. An potius lauatum, vna
dumtaxat extrita littera subiiciam, hæreo.
Quid si ita? *inclytum lana tum coronatum. Lauatum*
enim simul & *coronatum* reponere hoc quidem
loco

loco vix aſſim. Sane lana coronatum educit è ſua Republ. Plato. *Lautum* qui dicit, vnctum etiam exaudit. Haec enim inuicem comitantur. Vt autem in conuiujs Hebraei, ſic Graeci, & Romani, cùm ſe inuitare liberalius vellent, & lautius epulari, loti in balneis, mox odoratis vnguentis delibuti fertisque redimiti accumbebant: pleni his Plautus, Catullus, Horatius, Propertius, Martialis, ceteri: ad eundem modum cadauera lauari, & vngi, quo diutiùs integra ſeruarentur, conſueuerant. Q. Ennius:

Tatquinij corpus bona femina lauit, & vnxit.

Saepe etiam mortuo impoſita corona aurea, florida, vel oleaginea, vt diſcimus è C I C E R O N E pro Flacco, Ariſtophane *Εκκλησιαζούσαις*, Plutarcho in Marcello, Luciano *περί πένθους*, Valerio Maximo lib. v. capite 1. Dion. Halicarnaſſ. lib. v. & xi. Plinio lib. x. cap. 43. Chione Epist. ad Platonem, Artemidoro lib. III. cap. XLIX.

Quia verò *Exſilium* mors quaedam ciuilis eſt, quo aqua & igni interdicitur, idcirco puto à Platone è Republ. quam fingebat, *lautum*, vnctum & coronatum educum Poëtarum omnium iuxta ac Philoſophorum propè Deum Homerum, veluti impietatis reum, quique Deos fabuloſos confingeret, & Muſicam, quam immutari nefas eſſet, permutaret. Segeſtanas quoque mulieres, cum Dianae ſimulacrum exportaretur ex opido, quaſi exſulatum profiſceretur, vnxiſſe, & coronis floribùſque ornariſſe auctor eſt T V L L I U S
noſter

noster lib. in Verrem IIII. qui de Signis est.
 Sed cur, quaeso, à legislátore *laurea corona* vin-
 ctum Homeri caput, cum aurea mortuis aut
 florida imponi soleret ? an ob Poëtarum
 mollitiem ? Nodum qui soluerit, hic mihi
 μάντις ἄριστος, & magnus Apollo fuerit. Pla-
 to autem lib. III. Politicὸν de Poëtis : ἀπο-
 πέμπειν τε ἂν εἰς ἄλλω πόλιν μύρον κατὰ τῆς
 κεφαλῆς χαλαχέοντες καὶ ἐρίῳ σέψασθαι. Diony-
 sius Halicarn. Epist. ad Cn. Pompeium de
 Platone : Ομηρον ἐκ τῆς χαλασχευαθμένης ὑπ'
 αὐτῷ πολιτείας ἐκβάλλει σεφανώσας, καὶ μύρον
 χρίσας. Maximus Tyrius Sermone VII. ἀλλὰ
 καὶ σέψαντας ἐρίῳ τὸ ἄνδρα, καὶ χρίσαντας μύρον
 ἀποπέμπειν παρ' ἄλλους. Et Sermone VIII. ἐγὼ
 μὲν γὰρ θαυμάζω καὶ ἐκπλήττομαι, ὅπως τὰ μὲν Ομή-
 ρου ἐπὶ τῇ θαυμαστῇ πολιτείᾳ καὶ σοφίᾳ τῶν νέων
 ἀπεπέμψατο αὐτῷ Ομήρῳ σεφανώσας τὴν ποιητὴν
 καὶ χρίσας μύρον, ἀλλοιούσας δὲ παρρησίαν
 τῶν ἐπῶν. Quod & Eusebius lib. II. extremo
 Praeparationis Evangelicae de Platone tra-
 dit. Itémque Proclus Lycius, Commenta-
 rio in Platonis Rempublicam Lucubratio-
 nis pro Homero cap. XIX. Theodoretus
 Cyrensis Episcopus, λόγῳ ἀθεραπευτικῇ.
 Ομηρον ὁμῶς τῶν τῶν φιλοσόφων ὁ ἄριστος,
 ἐπέγνωτε τὸν δῆμῳ τὸν Ἀρίστων, ὡς ἡγῆμαι, μύρον
 γὰρ ἀλείψας, χαθάρπευε αἱ γυναικες τὰς χελιδό-
 νας, ἐκ τῆς ὑπ' αὐτῷ ἐπιτεθείσης ἀπέπεμψε πό-
 λεως : ἀκολασίας χαλῆσας καὶ δυσσεβείας δι-
 δάσχαλον. βλασφημεῖν γὰρ φησὶν ἐκπαιδεύει τοὺς
 νέους, καὶ πονηρὰς αὐτοῖς περὶ τὸν θεὸν ἐγίγινε
 δόξας

δόξας, καὶ ἀπαλοῖς ἐτι οὖσι μαθήματα πονηρὰ, καὶ
 ἐφθαρμένα εἰρήσι, καὶ ἑτερα ἄλλα καλὴγορήματα
 πάμπολλα ἐποίησατο ὅς χορυφαῖε τῷ ποιητῷ.
 Idem repetit Therapeutica x. quod antea
 Dion Chrysostomus Orat. LIII. Κελεύει μάλα
 εἰρηνικῶς (fert. εἰρηνικῶς) σέφανίαν αὐτὸν ἐρίφ καὶ
 μύρφ καλαχέανίαν, ἀφιέναι παρ' ἄλλης. τὸ τὸ
 αἰγυυῶκες ἐπὶ τῷ χελιδόνων ποιῶσιν. M. quo-
 que TVLLIUS in iis libris, quibus in optimum
 statum Reipub. anquirat, quosque ad Platonis
 (cuius hic se comitem esse apud Plinium in
 Praefat. profitetur) exemplum expressit, Poë-
 tarum principem educit lib. III. de Republ.
 apud Nonium in Fingere: Ego verò eodem, quo ille
 Homerum, redimitum coronis, ac delibutum vnguentis
 emittit ex ea vrbe, quam sibi ipse fingit. Et Tusculana
 II. Ad malam domesticam disciplinam, vitamque um-
 bratilem & delicatam cum accesserint etiam Poëtae,
 nervos omnes virtutis elidunt. Rectè igitur à Platone ex-
 pulsus dicuntur, & ex ea ciuitate, quā finxit ille, cum mo-
 res optimos, & optimum Reip. statum exquireret. Lau-
 datum tamen si quis in Minucio mordicus tuc-
 tur, non repugnabo, quia idem Proclus cap.
 XVIII. loca Platonis, quibus Poëtam laudet,
 colligit, vt & in Homeri laudatione Dion
 Chrysostomus.

C A P. . X I I

C I C E R O. & Claudianus Mamercus emendati, Plato in Phaedone conuersus.

FA C T O libenter vt in Philosophorum castra, etiam Latinorum, identidem diuertam, etsi CICERONI nostro dictione sint admodum dissimiles, & duri aded atque horridi: cum vt reru cognitio inde hauriatur, tum vt e styli comparatione, quod ille ait, — *quid distent aera lupinis*, melius appareat. Contraria enim inuicem comparata magis magisque illustrantur. Dabo in praesens specimen, plura fortassis alias, in Claudiano Mamercio Vienne nsium Galliae presbytero, de animorum a funere statu differente: qui contra atque Faustus Rhegiensis opinabatur, animos corporis expertes esse recte ait. Verum persananda hic non pauca ex optimis Neruiorum membranarum, in Martiniana biblioth. Benedictinorum Sodalium a me inspectis. Lib. II. cap. VII. Philosophorum veterum recitans opiniones Platonis multa adfert: *Quo fit*, inquit, vt mirari admodum digne nequeam, huius Platonis animam, qui tantis equidem saeculis ante puerperinam Virginis, ante Incarnationem Dei, ante hominis resurrectionem, ante praedicatam in Gentibus summae Trinitatis unitatem ineffabilem, vnum, tres in Diuinitate personas, laudabili cusu, mirabili ingenio, inimitabili eloquio quassuit, in-

uenit, prodidit, Patrem Deum, paternamque mentem, artem, siue consilium, & vtriusque horum amorem mutuum, vnani, summam, aequiternam (male aequiternam) indiuisam diuinitatem, non solum ita credi oportere docuit, sed ita esse continet. Haec quicū editis committere volet plurima persanata deprehendet, etiam in prima Basiliensi Mosellani editione, quae longè est quàm triplex Parisiensis lacunis plena, emendatior. Adhaec integrum etiam verbum, quibus omnes carent libri, à fuga retraximus. Statim: *Lyssiae similes, quem Plato idem cassa rerum verba fundentem in Phaedro eatenus increpet, ut esse deterius astruat gnarum verborum, ignarum esse causarum, quam nescientem rerum, verba nescire: potius arbitrans imperitum silentium loquaci imperitia.* Hic dubito ausimne de meo reponere: *Quam nescientem rerum verba scire.* Nihil enim hic duo codices fauent: sustineo itaque. Subiicit TVLLII locum è primo de Oratore, in quo legendum arbitror: *Eloquentia est scientia comprehensarum rerum plurimarum, sine qua verborum volubilitas inanis atque irridentia est.* Sic enim malo, quàm quod editur *comprehendarum.* Apud Platonem autem Lyssiae hic locus est qui à Socrate in Phaedro exagitur: *Περὶ μὲν τῶν ἐμῶν πραγμάτων ἐπίστασαι, καὶ ὡς νομίζω συμφέρεν ἡμῖν τούτων γενομένων ἀκήκοας. ἀξιῶ δὲ μὴ διὰ τὸ τοῦ ἀτυχῆσαι ἐν δέομαι, ὅτι οὐκ ἐράσῃς ὧν σε τυγχάνω. ὡς οὐκ ἐμοὶς μὲν τότε μεταμέλει ὧν ἂν εὐποιήσῃς, ἐπεὶ δὲ τῆς ἐπιθυμίας παύσῃς.* Ibidem & alter Platonis, sed è Phaedone, qui de immortalita

te est animorum locus à Claudio fecit con-
uersus, sed in editis mirè deprauatus legitur.
Platonis itaque verba adscribere non pigebit,
nequis hic Phaedri nomen per errorem re-
ponere pertentet. *Persuadens igitur in Phædo-
ne Socrati sic ait vera ratio.* Ita enim interpun-
gendum. Nunc disertissimum Philosophum
audiamus: Ἐὼς ἂν τὸ σῶμα ἐχωρῶν, καὶ συμπε-
φυρμένη ἢ ἡμῶν ἢ ψυχὴ μετὰ τῷ τιούτῃ κακῷ,
οὐ μή ποτε κτησώμεθα ἱκανῶς οὐ ἐπιθυμῶν.
φαμέν ὅτι τὸτο εἶναι τὸ ἀληθές. μυρίας μὲν γὰρ ἢ
μῖν ἀσχολίας παρέχῃ τὸ σῶμα, δια τὴν ἀναγ-
χαίαν τροφήν. ἐτι ὅτι ἂν τινες νόθῃ προαπέσχωιν,
ἐμπροδίζουσιν ἡμῶν τὸ τῷ ὄντι δῆραν, ἐρώτων τε
καὶ ἐπιθυμιῶν, καὶ φόβων, καὶ εἰδώλων παντοδαπῶν,
καὶ φλυαρίας ἐμπλήουσιν ἡμᾶς πολλῆς. ὥς ἐπὶ
αὐτῷ οὐδε φρονῆσαι ἡμῖν ἐγγίγνεται οὐδέ ποτε
οὐδέν. Καὶ ἐκ τούτῃ ἀσχολίαν ἀγομεὶ φιλοθ-
φίας πῆρι, διὰ τὰυτα πάντα. τὸ δὲ ἔσχατον πάν-
των ὅτι ἂν τις ἡμῖν καὶ σχολὴ γένηται ἀπὸ αὐτῷ,
καὶ τραπώμεθα πρὸς τὸ σκοπεῖν τι, ἐν ταῖς ζη-
τήσεσιν αὐτῷ πανταχῶς παρὰ πῖπτον θόρυβον πα-
ρέχει καὶ ταραχὴν, καὶ ἐκπλήττει, ὥς μὴ δύνασθαι
ἐπὶ αὐτῷ καθαροῦν τὸ ἀληθές. Ἀλλὰ τῷ ὄντι ἡμῖν
δέδεικται, ὅτι εἰ μέλλομεν ποτε καθαρώς τι εἴσεσ-
θαι, ἀπαλλαχθέντες αὐτῷ, καὶ αὐτῇ τῇ ψυχῇ δεα-
τέον αὐτὰ τὰ πράγματα. Καὶ τότε ὥς ἔοικεν
ἡμῖν εἶσαι οὐ ἐπιθυμῶμεν τε καὶ φάμεν ἐρασάμεναι
φρονήσεως, ἐπιδόαν τελευτήσωμεν, ὥς ὁ λόγος
σημαίνει. ζῶσι ὅτι οὐ. εἰ γὰρ μὴ οἶόντε μετὰ τῷ
σώματι μηδὲν καθαρώς γινώσκειν, δυοῖν δ᾽ ἀτερων, ἢ
οὐδὲ μὲν ἐστὶ κτήσασθαι τὸ εἶδεναι, ἢ τελευτήσασθαι.

τότε γὰρ αὐτὴ χεῖρ ἀσπὴν ἢ ψυχὴ ἔσαι χωρὶς ἔ
 μάλῃ, πρότερον δὲ οὐ. καὶ ἐν τῷ ἄν. ζῶντι οὕτως ὡς
 ἔοικεν ἐγγυλάτῳ ἐσόμεθα ἔ᾽ εἰδέναι, ἔαν ὅτι μάλισα
 μὴδὲν ὁμιλῶμεν τῷ σώματι, μὴδὲ κοινωνῶμεν ὅτι
 μὴ πᾶσα ἀνάγκη. μὴ δὲ ἀναπιμπλώμεθα τῷ τῦτῳ
 φύσει, ἀλλὰ χεῖραρέωμεν ἀπὸ αὐτοῦ. Καὶ οὕτω
 μὴ χεῖραροὶ ἀπαλαττόμενοι τῷ σώματι ἀφροσύ-
 νης, ὡς τὸ εἶδος μετὰ τριούτων τε ἐσόμεθα καὶ γνωσ-
 μεθα δι' ἡμῶν αὐτῶν πᾶν τὸ εἰλικρινές. Quod ita
 reddidit Claudianus : *Donec corpus habeamus, per-*
mixtusq; sit tali malo noster animus, nunquam nos id
quod iam olim concupiscimus satis plenè consecuturos.
Concupiscimus autem veri scientiam. Corpus enim nobis
primum innumerabiles, & infinitas occupationes infert,
quibus conterimur ob necessarium victum, & alimentum
quotidianum. Deinde si qui morbi ingruerint impedimēte
sunt, quo minus inquirere, & inuenire veritatem possi-
mus. Iam cupiditatibus & cupidinibus, & timoribus in-
numerabilibus variarum rerum appetitionumq; visioni-
bus, & infinita quadam dementia corpus oneratur, ut
prae illo ne sapere quidem vlla in re possimus. Et si quan-
do tempus aliquod ad philosophandum vacuum vel ha-
buerimus vel fecerimus, tunc quoque in ipsis cogitationi-
bus nostris intercurrit, turbam errorum inferens menti,
ut obcaecante illo veritatem peruidere non possimus. Ita-
que vnum hoc in omni quaestione nobis, & id quidem eui-
dentissimè probatur. Si quid vnquam bona fide scire vo-
lumus, recedendum esse à corpore, & in ipso animo rei
considerandas. Tunc enim videmur consecuturi quod
concupiscimus, & cuius rei amatores nos profitemur. cum
desuucti erimus, nam dum viuimus desperandum est. Et
enim si constat nihil sinceri mixtum corpori animū prae-
uidere posse, sequitur alterutrum, aut nullo tempore nec
 usquam

*vsquam contingere homini verã scientiam posse, aut tunc
deum cum excesserimus è vita. Defunctorum enim ani-
mus liber est, & solutus à corpore. Eo autem tempore quo
vivimus, ita demũ appropinquabimus, applicabimurque
scientiae, si quàm minimum corpore utamur, neque in so-
cietatem eius, nisi quatenus necesse est, animum dimitta-
mus, Ita enim minimè replebimur vitiosa, turbulentaq;
natura corporis, sed puri à contagione eius, in quantum
facere possumus, erimus. Et si ita fecerimus, incorrupti
sincerique digredientes, ad omnia incorrupta sinceraque
veniemus.*

C A P. X I I I.

*Requirere, Terror. L. Domitius. Q.
Arrius, P. Varius. Nympharum aedes
à Clodio incensa. Scantia & Sentia.
Apronius & Aponius. Miloniana
saepius contra Lambini sententiam
castigata.*

IN Miloniana T V L L I I, etsi longa ea oratio,
ut quidem à C I C E R O N E conscripta est,
quae habita lōgè breuior, teste Fabio lib. I I I I.
cap. I I I. iure tamen prima omnium, auctore
Pediano, censenda: In ea, inquam, lustranda,
comparandaque cum membranis, haec fortè,
in quibus mihi cum Dionysio Lambino mi-
nus conveniret, notabam. Cuius in limine edi-
fic video: Haec novi iudicij nova forma terret oculos,
qui quocunque inciderunt, veterem consuetudinem fori,

& pristinum morem iudiciorum minimè vident. Obseruo autem in M. Fabio lib. XI. Institution. Orator. cap. III. & in antiquis calamo exaratis in extremo sic legi, *Et pristinum morem iudiciorum requirunt.* Vt legitimi verbi *requirunt* glossema additum videatur illud, *minimè vident.* Requirunt autem oculi quodd non vident, sentiuntque deesse. Sic & Asconius Pedianus; eruditus sanè T V L L I I I interpret, illud in Diuinatione in Verrem: *Nihil de suis veteribus ornamentis requireret,* interpretatur his verbis: *Non sentiet sibi deesse aliquid ex iis rebus, quas numquam habuit.*

Statim Orator: *Et si contra vim collocata sunt, adferunt tamen Oratori horroris aliquid.* Lambini editio Lutetiana anni MD C LXXII. quanunc vtor, ad oram habet *honoris aliquid*, nisi si operarum id, vt suspicor, σφάλμα est. M. Ant. Muretus è Vaticanis libris eam eruit lectionem, tametsi editiones librique scripti constanter, *omissa horroris voce*, cum negatione legant: *Non adferunt tamen Oratori aliquid;* hoc est, nihil praesidij vel adiumenti huiusmodi Oratori adferunt, vt omni metu vacuus esse possit: quae Fr. Fabricij explanatio, etsi tacito eam nomine ferri posse neget Lambinus, equidem non reiiciendam censeo. Et mox vt omni errore sublato, rem planè quae venit in iudicium, videre possitis. Rectè est in membranis, vt omni terrore sublato. Varius autem terror ab aduersariis inferebatur, quam C I C E R O primum in tractatione propositionis Sillogismi tollit. In-

frà:

frà: *Quod verò te Cn. Domiti, huic quaestioni praesse voluit, nihil quaesivit aliud nisi iustitiam, gravitatem, humanitatem, fidem.* Repono ex auctoritate scripti libri *L. Domiti*, vt & in editis quibusdam cūsum reperi, contra quorum auctoritatem Franc. Siluius, de Tullianis Orationibus non malè meritis, ex deprauato Asconij codice, huic Domitio Cn. praenomen dedit. Mox: *At nunc P. Clodio mortuo vſitatis iam rebus, enitendum est Miloni, vt tueatur dignitatem suam.* Proba est scripta in membranis lectio: *At nunc P. Clodio remoto.* Et in editis mendum haerere pridem animaduertit doctissimus Victorius lib. xxi. Variarum, cap. vnde-vicesimo, putatque legendum pro illo. *At non, At verò P. Clodio mortuo.* Sed verius est *remoto.* Idemque contra priscos libros post-illa reponit: *Praeter hoc commune odium.* Retineamus itaque receptam lectionem, vtpote membranis subnixam: *praeter hoc ciuile odium, quod hostili opponit, vt in ea pro Q. Ligario: Non hostile odium sed ciuile discidium.* Subiicit Orator: *Quid? quod caput audaciae est, indices, quis ignorat maximam illecebram esse peccandi, impunitatis spem.* Et si Hieronymus Ferrarius, homo pereruditus, rā audaciae vt glossema iugulat, placetque illi, *quod caput est, quod adhibetur aliàs frequentius: quia tamen in manu scriptis est, retineo.* Post non longè: *Vt Q. Arrius meus amicus dixit.* Praenomen Q. membranis acceptum est referendum: & verò Q. Arrium familiarem etiam suum nominat in Vatiniana.

Sic infrà P. Varius est restitutus, pro quo vulgò malè editur, Cn. aut Q. Pompeius. Item: *Quae postea sunt in eum congesta? quae quemuis etiam mediocrium delictorum conscientia perculissent, ut sustinuit Dii immortales?* Sic lego è membranis, ac tueor, & cur damnet Lambinus, equidem non video. Quid ni enim Latine dixerim *criminum aliquem conscientia percelli*, non secus atque *ira, furis, ac furore agitari*? Nec melius est, nisi quid iudicans fallor, quod ille supponit: *Quemuis enim mediocrium delictorum conscium perculisset.* Sexta ab hinc pagella: *Eum qui aedem Nympharum incendit, ut memoriam publicam recensionis tabulis publicis impressam exstingeret.* Hic rursus à Dionysio dissentiam necesse est, qui *publicae recensionis legendum* contendit. Mox animi dubius nunc hanc tuetur, nunc veterem praefert, quia, ut ait, antiquior est. Addam hoc amplius, quia C I C E R O N I familiarior. In Caeliana enim de Sex. Clodio P. Clodij administro sic ait: *Qui aedes sacras, qui census Populi Ro. qui memoriam publicam suis manibus incendit.* qui locus huic geminus est. In ea verò de Haruspicum responsis extrema, de Nympharum aede incensa: *Idemque*, inquit, *earum templum inflammauit Dearum, quarum ope etiam aliis incendiis subuenitur.* Et Paradoxo IIII. in Clodium: *Aedes Nympharum tua manu deflagrauit.* Infrà: *Quid de muliercula Scantia: quid de adolescente Apronio dicam?* Feminae nomen in antiquis libris scriptum, partim *Sanctia*, partim *Sentia*. Hoc autem, ut *Scantiae* nomen, ut Romanum agnosco, *Sanctiae* verò ut Hibericum hic repudio. Adolescentis verò nomen *Aponius* est in

in iisdem membranis, extrita canina littera. *Aponij* verò non pauci in antiquis marmorum inspectionibus visuntur, & Dio Cassius lib. XLIII. Κοίνων Ἀπώνιον ἄνδρα ἰππία nominat. Post locus est interpunctione sanandus, brevius faciliusque atque Lambinus tētauit: *Quae* verò aderant iam & impendebant, quonam modo ea aut depellere potuissetis, aut ferre? Imperium ille si nactus esset (omitto socios, exterarum nationes Reges, tetrarchas. Vota enim faceretis, ut in eos se potius immitteret, quàm in vestras possessiones) vestras pecunias, vestra tecta dico? A liberis medius-Fidius, & à coniugibus vestris nunquam ille effrenatas suas libidines cohibuisset. Sic leget qui me audiet, etsi conatum aliorum & acumen non damno. Lambinus de suo nimis hic largus est: nec improbo quae tentauit verius in hoc loco instaurando, quàm absoluit, optimus Victorius lib. xx. Variarum cap. xviii. modò eruditi illi homines mihi vicissim concedant, veterum ut librorum auctoritatem ex fide secutus ab iis sine acerbitate dissentiam.

C A P. XIII.

Stemma Clodianum. In Orat. pro M.
Caelio, obscuris lux data.

IN Caeliana, qua aduersus Atratinum M. Caelium beneficii reum defendit, inducit Orator Ap. Claudium Caecum, P. Clodij acerrimi CICERONIS hostis abauum, sic Clodiam sororem eius impudicam, profligataeque libidinis

dinis alloquentem : *Non patrem tuum videras? non patruum? non auum, proauum, atauum audieras Consules fuisse?* Quibus in verbis, quia magnum interpretum in gente Claudia explananda ex ignoratione silentium apparet, quo discendi cupidis aliqua ex parte gratificemur, Clodij familiam, etsi de T V L L I O pessimè meritam, pro virili repraesentemus, parua cum temporis, tum chartae iactura, (si iactura ea appellanda est, vnde fructus existit:) compendio verò ingenti ac veluti face in abdita re atque obscura, Historiaeque bono.

Igitur P. Clodij, eius qui è Patricia gente Claudia, adoptione in plebeiam, quo C I C E R O N E M melius laederet, transiit, Pater fuit Appius Claudius Pulcher; qui Consul Romae fuit, cum P. Seruilio Isaurico, anno Urb. Cond. 1017. Cuius de Aruspicum responsis orat. initio sic meminit: *Ea tela, quae collega patris immisit, leuiora atque hebetiora videantur.*

Frater Clodij germanus Ap. Claudius Pulcher. Eius mentio lib. 111. ad Atticum Epist. 11. Dictus etiam adoptione Metellus: vt ex Oratione pro Domo, & Aruspicina paret.

Patruus eius C. Claudius Pulcher, Cos. cum M. Perperna fuit, anno post Ro. cond. 101.

Auus, C. Claudius Cos. cum M. Perperna fuit, anno 103.

Proauus C. Claudius, qui cum Ti. Graccho Cos. fuit, anno 106. in Fastis Capitolinis sic nominatur C. C L A V D I V S A P . F . P . N . P V L C H E R .

Abauus fuit Appius Claudius Caecus: de quo

quo C I C E R O in Tusculanis, in Catone maiore, & in hac Caeliana.

Ataus, P. Claudius Pulcher, Ap. Caeci pater, Cos. cum L. Iunio fuit, anno v. c. 101111.

C A P . X V .

Sex. & P. Clodij, Tribu. pleb. impuri. Ligurræ. Ligurritio. C I C E R O N I S pro Domo sua illustrata oratio. I. Lipsij coniectura confirmata.

LI P S I V M, dum vixit, in oculis tulimus, à funere etiam obseruamus, nuper admodum, magno sui desiderio relicto, in Domino maiorumque religione acquiescentem. Is in Variis, quas iuuenis reliquit, C I C E R O N I S nostri plurima loca, quæ deprauata restituit, quæ obscura illustrauit: adiungendo & Sex. Propertij poetæ elegantis quaedam, & M. Terentij Varronis togatorum doctissimi è Satyris Menippeis nonnulla. Atque vtinam vir tantus coeptum vrgere opus, vt poterat, voluisset; superuacaneus fortasse, dicam Romanè atque ingenuè, omnis hic noster labor, conatusque fuisset: certè facem præferre acuto limatòque iudicio, quo plurimùm valuit, vnus profecto potuisset. Qui post etiam edita Epistolica institutione, auctor est hortatorque iuuentuti, vt M. T V L L I V M anno vno & item altero legant assiduè, versent, manibúsque deponant. Dehinc in Antiquis lectionibus

M. Plau-

M. Plautum recensendum existimauit; vt T. Liuium Epistolice quaestionibus emendauit. Denique ad Corn. Tacitum ita se applicuit, solus vt de tot tantisque edolasse, & obscuri acutique historici mentem tenuisse Pythagorica enigratione videatur. Igitur in Variis, Valerij Catulli Epigramma LXXXII. non in P. Clodium, vt Mureto placuit, conscriptum esse docuit, sed in Sex. Clodium, eius in Tribunatu libidinum, legumque ferendarum administrum. Sic enim doctus ille poeta:

Lesbius est pulcher, quidni?

Hic Gellius alij edunt, qui & in gregalibus Clodij numeratur in Haruspicina oratione: Tam eminentibus canibus Scyllam, tamque ieiunio, quam quibus istum videtis Gellius, Clodius, Tullius, vestra ipsa mandante. Quo in Epigrammate notari a poeta censet Lipsius Sex. Clodium, quem vt & TULLIVS oderat, & Lesbium vocat: sicut *Lesbiam*, quam perdit amabat, pro Clodia compellauit. Mos enim nomina amicarum commutandi poetis veteribus perfamiliaris, quo furta tegerent homines impuri: quemadmodum Satyrici deflectere nomina soliti, vt mordere minus videantur. Appuleius Apologia priore: Eadem opera accusent C. Catullum, quod *Lesbiam* pro Clodia cognominet: & Tucidam similiter, quod, quae Metella erat, *Perillam* scripserit. Ostendi id CICERONIS verbis, locisque pluribus pro Domo posset, quando interpretes minus hic viderunt, tum hoc potissimum, quo P. Clodium sic appellat: *Hanc tibi legem Sex. Clodius scripsit, spurciorem lingua sua. Sexte noster, bona venia dic, quoniam Dialecticus es,*

Et hoc quoque liguriis, quod factum non est, ut sit factum ferri ad populum; aut verbis ullis sanciri, aut suffragiis, confirmari potest? hoc tu scriptore, hoc consiliario, hoc ministro, omnium non bipedum solum, sed etiam quadrupedum impurissimo Remp. perdidisti.

Et longo satis interuallo: *Quaere hoc ex Clodio, scriptorem legum tuarum. Iube adesse. Latitat omnino: sed qui requiri iusseris, inuenient hominem, &c.* Et in Caeliana hominem vocat *sine re, sine fide, sine spe, sine sede, sine fortunis, cre; lingua, manu, vita omni inquinatum.* Equidem confirmo Lipsij summi amici felicem coniecturam: propterea quod iocatus est doctus poeta Veronensis in *Pulchro* Claudiae gentis cognomine; cum ait:

Lesbius est Pulcher, quidni?

Adhuc in Fastis Capitolinis magistratuū pop. Rom. ac triumphorum, frequēs esse Pulchrorum cognomen Claudiis attributum inspe-
ctanti manifestum, & proximo iam capite abundē ostendimus. Genus autem libidinis turpissimum quo inquinatos Clodios Poeta & Orator noster significat, à me proferri pudor, vitaeque institutum vetat: quo flagitio Tiberium Caesarem, mōstrum hominis, infamem. fuisse auctor Tranquillus: vnde illud in Attel-
lanis increbruit:

Hircum vetulum ore ligurrire.

Alterum item Catulli in Alphenum lepidum Epigramma xxxi. in Cn. Pompeium esse cō-
scriptum eidem Lipsio assentior lib. IIII. Va-
riarum cap. v. hoc principio:

*Alphene, immemor atque vnanimis falsè sodalibus,
Ficto nomine, veluti telum iactum in Pe-
mpeit m.*

peium, qui C I C E R O N E M per simulationem prodidisset, iuuiissetque tacite Clodium, C I C E R O N E M Vrbe expellentem.

C A P. X V I.

Ligus & Paetus gentis Aeliae cognomina. Aelius Ligus Trib. pleb. improbus.
C I C E R O N I S Sextiana illustrata.

I N ea quam pro P. Sextio De vi aduersus M. Tullium Albinouanum T Y L L I V S noster bene longam habuit, anno post Rom. Cond. 1000 cxcvii. obscurum illud de Ligure mihi quidem occurrit, fortè an & aliis negotium legentibus faceffat. Demus itaque obscuris lucem, si possumus, Sic enim Orator: *Intercessit Ligus iste, nescio quis, additamentum inimicorum meorum.* Et mox: *Ex nouem Tribunis, quos tunc habueram, vnus me absente defluxit, qui cognomen sibi ex imaginibus Aeliorum arripuit, quo magis nationis eius esse, quam generis videretur.* Taxat nimirum Aelium Tribunum pl. Pisone, & Gabinio Coss. qui cum esset obscurus & ignobilis, Liguris sibi cognomentum ex Aelia gente assumsit, vt ab illis Aeliis Liguribus, clarissimis viris originem ducere videretur: sed contrà euersisse C I C E R O hic ostendit, vt ex illo cognomine potiùs, ex Ligurina natione, quàm ex Aelia gente putaretur esse. Fuit autem *Ligus*, gentis Aeliae cognomen, sicut & *Paetus*. De hoc sic in Cluentiana legimus: *Quid tu, inquit, Paetes?* (malè

(malè enim *Pacete* quidam edunt:) hoc enim sibi *Stalenus* cognomen ex imaginibus *Aeliorum* delegerat, ne, si se *Ligurem* fecisset nationis magis suae, quàm generis vti cognomine videretur. Haec ille. In Capitolinis autem magna olim à me Romae voluptate inspectis Fastis, Collega in Consulatu Cn. Popillij anni 10XXCI. sic nominatur: P. AILIVS. P. F. P. N. LIGVS Ceterum de *Ligure* illo improbo Tribuno Orator noster pro Domo sua verba faciens, sic ait: Ille nouicius *Ligur*, venalis adscriptor, & subscriptor tuus. Rursum initio De haruspicum responsis: Eum à me nunquam esse accusandum putavi, non plus quàm stipitem illum, qui quorum hominum esset, nesciremus, nisi se *Ligurem* esse ipse diceret. Quid enim hanc persequar pecudem ac belluam, pabulo inimicorum meorum & glande corruptum? Errant enim hic homines docti, qui *Pisonē* Cos. pro illo *Aelio* Trib. accipiunt. Vt autem ibi additamentum inimicorum suorum dixit, ita hic pabulum ac glandem, vocum nimirum notione alienam in sedem migrante, nominat. *Ligures* verò gens hodie culta ac peringeniosa, nauigandi, negotiandique arte excellens, malè olim audiit vt agrestis: Testem damus omni exceptione maiorem M. ipsum TVLLIVM in Rulliana rr. ad populum Rom. *Ligures*, inquit, montani, duri, atque agrestes, docuit ager ipse nihil ferendo, nisi multa cultura, & magno labore quaesitum. Verum enim-verò non adedò desipio, vt ab hac gente inclyta *Ligurriendi* vocem deriuem, neque ab *Aelio* illo Tribuno pl. Antiquior enim vox, P. Tetentio familiaris, & forsitan origine Graeca est, si Donato credimus in Eunuch. qui

qui λιγυρὸν *suave* exponit; ceteri pro arguta, atque acuta voce, stridulâq; & canora. Sic enim Comicus de prostitutae pudicitiae moribus, adolescentes informans:

Quae cum amatore suo dum cenant, ligurriunt.

In eadêmque fabula: *Itidem patria qui obligurri-
rat bona.* hoc est, vt idē exponit, qui *suauibus escis
sua absumserat.* Ita de coniuratis noster, Catili-
naria 11. *Patrimonia sua profuderunt fortunas suas ob-
ligurrierunt.* Tralate verò idem Dec. Bruto scri-
bens, pro absorbere, ac spe deuorare: Cùm qui-
dam è collegis nostris agrariam ligurrerent curationem
disturbauit rem. Et Verrina v. *Improbissima ligurrien-
tem lucra,* dixit: vbi furta quidam legunt, vt Ho-
ratijs lib. 11. Sermonum:

Tractauit manibus calicem, dum furta ligurrit.

Hinc *Ligurritio* deriuata est Tuscul. 1111. pro,
heluandi vitio. Scribunt autem duplici cani-
na littera Manutius, eiúsque affecclae, fortè
quia iam Flaccus produxerat. Vidi qui à lin-
gendo *Lingurrere* scribi mallent, sed haec li-
teratoribus relinquamus.

C A P. X V I I:

singularia T V L L I I. Minutio. Vola-
ticus. Expiatio religionum, por-
tentorum explanatio, Nouissi-
mus. Coaeuus. C I C E R O *variè
emendatus.*

VT aliae ex alijs res, veluti cathena aptae
sunt atque connexae: artésque aded inter
se

se ac Virtutes arctissimo sunt vinculo copu-
latae: sic & in meditando usu-venit, vt aliud
ex alio commentanti in mentem veniat, vt de
Singularibus M. T V L I I denuò dicendū, quia de
Ligurritione diximus. Exstarēt libri Statilij Ma-
ximi de *Singularibus* C I C. à Sosipatro laudati, fa-
cilis profectò nobis in hoc stadio cursus esset,
campusq; apertus, ac prona dissertatio. Nunc
quando optare id citius quàm sperare liceat,
quod vnum possumus, quando quod volumus
non licet, id agamus; vt ne aliud in vita, aut
certè nihil, meditando nos egisse posteri iudi-
cent. Quas rarius C I C E R O adhibuit voces, re-
fugit, ac veluti reformidauit, eas, credo, *Singu-
lares* Statilius appellauit, quod semel dūtaxat,
aut ad summū iterū rara notione in eius scri-
ptis apparerēt. Verum enimvero perdifficilis
sanè hodie, nisi me fallunt omnia, ea diūd ica-
tio est, quod vix dimidiam. Oratoris operum
partem temporum nobis iniuria (vt nihil est
in rebus humanis proprium, nihil perpe-
tuum) reliquerit.

Vt *Ligurratio*, eadem forma Valerius Catul-
lus *esuritionem* dixit, quàm *esuriginem* Varro; *Esu-
riem* alij nominant.

Aureli, pater osuritionum,

Non harum modo, sed quot aut fuerunt,

Et sunt, aut aliis erunt in annis.

Sic & *Minuritionem* C I C E R O dixit extremo
primode Oratore dialogo, etsi *minutionem* alij
legant, *munychionem* non-nemo, *pedem incognitum*
Victorius. Sed Festo Pompeio *minuritiones* mi-
norum sunt auium cantus, & *μινυρίσκει* est ca-
nere;

L

nere;

nere : Minus itaque ad vocis remissionem pertinebit. Plura doctissimus Turnebus lib. 1. Aduersariorum cap. XII. *Volaticus* verò quis C I C E R O N I vsitatum. credat , non magis quàm *Essentiam* , qua vsum voce T V L L I V M auctor est Sidonius Apollinaris.

In ea autem de haruspicum responsis sic lego: *Non sentiunt id, quod tamen mihi iam suspicari videntur, illius furentes ac violentos impetus in seipsos posse conuertere: ut autem vis furoris est comes, ita furentes & violentos in impetus non male coniungi equidem arbitror, volaticos tamen pro violentis Sturmius supponit, exponitque impetus qui modo in hunc, modo in illum fierent. Quam etiam Orator vocem adhibet, de Academia T. Attico sic scribens lib. XIII. Epist. 25. O Academiam volaticam, & sui similem, modo huc, modo illuc. In eadem Haruspicina oratione C I C E R O : Itaque est enim interpretatio illa Pontificum, ut iidem potestatem habeant iudicium : Religionis expiatio, vel ab vno Pontifice perito recte fieri potest. Sic enim Car. Sigonius, Deus bone quantus vir! Notis ad T. Livium legendum hic censuit: quia supra paullo: Primum expiabo religionem meorum aedium. Et Philippica in M. Antonium 1. Ut inexpiables religiones in Rempublicam inducerentur, dixit Orator. Infra tamen non longe constanter editur, Portentorum explanationes, tametsi docti homines expiationes tentarunt. Sed cur explanationes non retineamus, equidem non video, cum & Valerius Max. initio Memorabilium, hunc T V L L I I locum mutuatus sic exprefferit: Portentorum depulsis Etrusca disciplina explicari voluerunt.*

vunt. Explicari dixit, quod explanari T V L L I V S, qui & antea interpretatio Pontificum dixit: In extrema autem T V L L I I oratione: In quo, inquit, constituendae nobis quidem sunt procurationes & obsecrationes: vt quidem Lambinus edendum euraui, malletque reponi si modo membranae adspirarent, precatiohes aut postulationes: aut saltem ostentorum addi. Mihi secus videtur, & retineo, vt meus est mos, quoad eius fieri potest, receptam lectionem, & siquid mutandum est, pro obsecrationes, obseruationes, lectoris tamen arbitrio, subiicerem.

Novissimus vitauisse C I C E R O N E M autumat Agellius, sed vt fallitur, sic fallit in Atticis Notis lib. x. cap. 21. Quo loco deceptus Romanus Vallengis lib. 11. Elegantiarum cap. L. C I C E R O N I vocem abiudicat, etsi M. Cato eiusque aemulus C. Sallustius vsurparint, atque adeo M. Varro, apud quem L. Aelius Stilo novam iam tum vocem *Novissimum* pro extremo nominat. Vsi sunt & alij C I C E R O N I S aequales, adhibentque C. Cassius & Dec. Brutus in Epistolis. Quid? ne in Notis illis oberres diutius, non tantum in Oratore, ad Brutum reperiesset, sed & in Epistola (si ea modo C I C E R O N I S est) ad Octavianum: *Vt novissima conferam primis: hoc est, uti idem ait: vt ordiar ab initio, & perducam ad extremum.* Quin & in Oratione pro Roscio Comœdo: *Brevi tempore, qui ne in novissimis quidem erat histrionibus, ad primos peruehit Comœdos.* Et C. Cassius C. Caesaris percussor lib. xii. ad Famil. Epist. 13. *Vt haec novissima nostra facta non incōduementiam fuisse iudices.* Novissime autem semel iterumque Cn. Plancus dixit lib. x. ad

Fam. vt ceteris vsitatiùs quàm C I C E R O N I
fuisse videas. *Intercapedinis* vocem. & *Diuisorij*
meritò formidat Orator vt *Ithyphallicam* lib. IX.
Epist. XXII. ad Pactum. Libro tamen de Fini-
bus adhibere non dubitauit: *Quas ob causas in eo-
rum vita nulla est intercapedo molestiae.* Adhibet
quoque filius eius Tironi scribens lib. XVI. Ep.
*Itaque iam me non paenitebit intercapedinem scribendi
fecisse,* quem & capedines vini cum M. Antonio
patris percussore ad ebrietatem exhaustisse
C. Plinius refert.

Coaeuus semel in Vatiniana media legi ob-
seruatum, qui Graecis σὺνχρονος, C I C E R O N I
cum gignendi casu *Aequalis* alciuius. Sic eni-
ibi: Nunquam puer aut adolescens inter coaeuos fuerat.
Verum doctissimus Turnebus, qua valuit te-
σοχία reposuit pridem *Adquos* libro XXI. Ad-
uersarior. cap. XI. extremo: quam esse germa-
nam emendationem locus clamat. Valeat ita-
que *coaeuus* & *cocis* cū iure relinquamus; nos
aequalis adhibeamus. *Mansues* quoq; C I C E R O N I
attribuit vir doctissimus in Electis, reponēs in
aurea illa de provincia administranda Epist.
ad Q. Fratrem: *Sit lictor mansues & tuae lenitatis
apparitor.* Pro quibus vulgò editum, *Sit lictor non
suae, sed tuae lenitatis apparitor:* quam lectionem
cur retineam facit, quòd *Mansuetus* dixerit C I
C E R O non rarò, cui *Ferus* opponit; *Mansues*
verò aliàs numquam. Plura non colligo, nec
ire per singula libet: cetera suggeret Marius
in Observationibus, quae rariùs à C I C E R O N E
vsurpata, sed cum dilectu seligantur, ne
priscorum poëtarum rancidas voces admi-
sceas. Similia collegi sup. lib. I. cap. III.

AND. SCHOTTI.

NODORVM CICERONIS LIBER IV.

Ineptus. Ineptire quid Crasso apud
CICERONEM de Oratore, &
Horatio Trans pondera dextram
porrigere.

C A P. I.

AVDAX forsitan ac praeceps M.
TVLLII de Graecis iudicium,
ab animi perturbatione profe-
ctum, quo negat Graecis suppe-
tere, in tanta verborum copia &
vbertate, vocem qua Ineptam efferant, ἀμφο-
λόως à Latinis in variis rebus vsurpatam, quam
singulatim Graeci commodèque efferant.
Qui enim, ait CICERO, aut tempus quid postulet non
videt: aut plura loquitur: aut se ostentat: aut eorum qui-
bus cum est, vel dignitatis, vel commodi rationem non ha-
bet: aut denique in aliquo genere aut inconcinnus est, aut
multus, is Ineptus dicitur. Graecè verò quot quan-
tisque formulis ac modis varietur, in Com-
mentariis Budaens Galliae lumen, & Italiae

Iulius Scaliger singulari oratione differuit: &
 nos alibi eum De optimo interpretandi gene-
 re, ac de Graecarum litterarum usu atque uti-
 litate à C. I. C. E. R. O. N. I. S. sententia verba feci-
 mus. Illud tantum nunc quaerendum, quem
 lib. I. de Oratore L. Crassus his verbis *Ineptum*
esse dixerit: Equidē cum peterem magistratus, solebam
inprehensando dimittere à me Scaeuolam, cum ei ita di-
cerem, Me velle esse ineptum. Id erat petere blādius, quod
nisi ineptē fieret, bene non posset fieri. Hunc autem esse
unum hominem ex omnibus, quo praesente ego ineptus esse
minimē vellem: quem quidem nunc mearum ineptiarum
testem & spectatorem fortuna constituit. Quē locum,
ut aliās plerumque Valerius Max. lib. IV. cap.
V. ita trāscripsit: Consulatū, inquit, petens L. Cras-
sus, cum omnium candidatorum more circum forum sup-
plex populo ire cogeretur, nunquam adduci potuit, ut id
praesente Q. Scaeuola grauissimo & sapientissimo viro
socero suo faceret. Itaque rogabat eum, ut à se, dum ine-
ptae rei, deseruaret, discederet: maiorē verecundiam di-
gnitatis eius, quā candidat togae suae respectum agents.
Ineptire Crassus dixit prensando in candida to-
ga (vnde Candidatorum nomen) magistratum
ambire, multa ineptē dicere ac facere: Romae
enim Candidati magistratū ambientes pren-
fabant, cum dextram obuiis porrigerēt, mul-
tosque prehensarent, ac nominatim appella-
rent, adhibito etiam seruo, Nomēclatore hinc
dicto, qui latus interdum foderet, & Quiritium
nomina suggereret. Vilibus adhaec homini-
bus interdum prehēsa manu etiam callosa ac
sordida blandirētur. Hunc quidem fratrem ap-
pellando, illum natum, alium parētem ac pro
fingu-

singulorum aetate ac dignitate praeter decorum cunctis adulantes, ineptissime faciebant. Ineptire itaque, idem quod prensando ambire CICERONI visum; quod Horatius Epistola ad Numicium, *trans pondera dextrā Porrigere* dixit, ut ingeniosè interpretatur homo doctissimus, Pet. Angelius Bargaeus, data ad Iosephum Boccā Epistola, princeps ipse sui saeculi poetarum, editis eruditis Cynegeticōn libris. Poëta autē Flaccus de summo bono quaerens, Stoicis beatum videri negat, qui magistratum ambiret, qui prensando inepta cōmitteret, obuiosq; putide nimis atque officiosè appellaret:

*Mercemur seruum, qui dicet noniina: laeuum
Qui fodiat latus, & cogat trans pondera dextram
Porrigere.*

Trans pondera dixit, etsi multitudinis numero, hoc est, praeter animi grauitatem, dignitatem atque decorum, ut illo ad Pisonem carmine:

Quis regit ipse suam, nisi per tua pondera, mentem.

Nominatim autem obuios cōpellare gratiosum ac popolare. Sic Othonem ad imperium cuctum à militibus legimus, quòd singulos in exercitu cōpellare consueuisset. Agamemnon quoque apud Homerū Menelaum monet, ut quemque nomine appellet suo, & ad rem strenuè gerendā cohortetur Iliad. x. v. 67.

Ἀθέγχεο δὲ ἢ κεν ἱηοῖα, καὶ ἐξ ἡγορδαὶ ἀνωχθεῖ,
Πάριον δὲν σὺ γενεῆς, ὀνομάζων ἄνδρα ἐκείνον,
Πάντας χυδαίων· μήδε μεγαλήθεο θυμῷ.

Pondera fortasse etiam in Horatio pro mercibus pondere vendi solitis accipiant, quae trutinā ac bilance appenderetur, trans quae dextram

porrigere, etsi sordidae essent ac liquidae merces, Candidati prensando atque ambiendo cogerentur. Sed alia longè mens aliorum, qui Flaccum nostra sunt memoria interpretati.

C A P. I I.

Dionysij Halicarnassei locus contra aliorum sententiam emendatus.

DIONYSIVS grauis in primis auctor, & Rhetor elegans, in Epist. ad Ammaecum, de Aristotele, Demosthenéque initio, multorum calculo vitiosus legitur, sed nòdum omnino, quod sciam, emendatus. Henricus quidem $\sigma\epsilon\phi\alpha\nu\theta$ ita edendum curauit: $\text{ἵνα τ' ὁρῶσαν ἢν πρότερον αὐτὸς ἔσχον βεβαιώσω, μαθὼν ὅτι προτερῆσι τῶν Δημοσθένους λόγων αἱ Ἀριστοτέλους τέχναι.}$ Locum vitiosum esse vidit Stephanus, nec commodum sensum elici posse: addendum itaque censuit $\delta\psi\pi\rho\tau\epsilon\rho\upsilon\sigma\iota$. Verum ne sic quidem negatione addita locum sanauit. G. Morelius idem vidit, addidit itaque ad oram Demosthenis à se editi, incertum siue ex ingenio, siue ex antiquo codice, còmodiorem lectionem, quae facilem sensum eiicit. Quam & Hieronymus W. & Fred. Sylburgius editione secuti sunt, $\text{ἵνα ἢ μαθὼν ὅτι προτερῆσι τῶν Δημοσθένους λόγων αἱ Ἀριστοτέλους τέχναι ἔκων μὲν δαξάσω, ἢ τὸν ἀντιλίον φωράσας τ' ὁρῶσαν ἢν πρότερον αὐτὸς ἔσχον βεβαιώσω, καὶ τὸν ἄλλως ἔγνωκα.}$

ἔχεται γέ, &c. Mihi tamen, pace tantorum virorum dixerim, vnius vocis parua mutatione emendari posse videtur; si βεβαιώσω in μὲ-
τέω commutetur, nulla addita negatione. Et verò facilis librario errandi ansa obici potuit ex compendij notā μὲ & secundae alphabeti litterae, quae sic in antiquis codicibus calamo exaratis ferè pingitur *h*; quae figura non dissimilis est u consonanti Latinorum, & forma, & vulgari pronuntiatione. Sensem verò commodum hunc eliciam; *Vt priorem sententiam vel ipse mutem, cognito priores esse Aristotelis libros Rhetoricorum orationibus Demosthenis: vel eum qui ita sentit, & commentaria de re parat, antequam opus foras det, de sententia deducam.* Et verò Graecarum litterarum peritis non insolens formula videbitur, ἢ γράμματα μεταλίδεμαί. i. sententiam immuto, vñtata Thücydidi, Xenophontii, & Synesio.

C A P. . I I . I .

C I C E R O *pro Archia poeta emendatus.*

Animi auersio.

TVLLIANI lectionibus hoc opus destinamus: colligam itaque è Liciniana haec pauca: *Quod si non hic tantus fructus ostenderetur, & ex studiis delectatio sola peteretur, tamen, vt opinor, hanc animaduersionem humanissimam ac liberalissimam iudicaretis. Nam ceterae neque temporum sunt, neque aetatum omnium, neque locorum. Lazarus Bonamicus primus legi voluit animi remissionem.* quam

tamen lectionem Petro Victorio. lib. xxviii. cap. vii. & Mureto probare non potuit. Equidem siquid audere fas sit: lego ex coniectura *animi auersionem* propius à vestigiis veteris editionis. Nam & veteres D. interponere solent ne asper fieret vocalium hiatus, vt apud M. Plautum *mederga: ted' hoc nectis, & propino tibi' eccum* & alia innumera, de quibus nos in Observationum libris. Vnde factum suspicor, vt librarius scriberet, *animad' versionem*. Est autem sumtum *animauersio* pro recreatione & relaxatione, sic enim paulò ante: *An tu existimas ferre animos tantam passe contentionem, nisi eos doctrina eadem relaxemus.* Sed adiurationem praestare decet, tabulisque obsignatis agendum. Caesar i. Belli Gallici: *Vbi totius Galliae animi à se auerterentur*, pro abalienarentur. C I C E R O quoque in Laelio: *Tu velim à me animum parumper auertas, Laelium loqui ipsum putes.* Et in Oratore: *Vt ab eo quod agitur, auertat animos.* Liuius lib. v. belli Punici: *Auertera animum ab assiduo moerore* dixit, & lib. viii. *Auertit id certamen* C I C E R O ad Torquat. lib. vi. Epist. i. & iii. *Auerrere cogitationem à miseria.* & Virgil. iv. Aeneid. vers. 394.

— *quamquam lenire dolentem*

Solando cupit, & dictis auerrere curas.

Et sanè eleganter. vt enim *conuerrere animum* pro rebus seriis intelligimus, sic *auerrere animum*, pro recreatione & soludicra.

C A P. I V.

Maſtare Deum hoſtia. *Plautus Amphitruone illuſtratus. CICERONIS in Vatinium lectio edita comprobata.*

MTULLIVS interrogatione in Vatini-
nium : Cum inaudita ac nefaria ſacra ſuſce-
perit, cum inferorum animas elicere, cum puerorum ex-
tis Deos manes maſtare ſolitos. Quoniam Octaviū
illum πανάγασον, repugnantibus libris omni-
bus placare ſubſtituere voluiſſe, alioſque aucto-
ritate ſua fregiſſe video, faciendum mihi puta-
ui, vt veram CICERONI vocem aſſererem,
& vindicias ſecundū libertatē darem contra
eos qui ſtatim ὀβελίſτοι, quæ rara reperiunt.
quæ, Quam lepidæ lexes? cōpoſtæ vt teſſerulæ omnes

Endo pavimento atque emblemate vermiculato?

Exſtarent CICERONIS libri omnes, aut Statili
Maximi libeſ De ſingularibus CICERONIS,
multa haberemus à Ciceronianis vulgò reie-
cta, quibus Latinae linguae pomoeria proferri
poſſent. Tale illud lib. vi. de Rep. à Marcello
in Maſtare ſervatum fragmentū : Ferunt hoc lau-
dibus, maſtant honoribus. Quem deſcribebat Chri-
ſtianus ille Cicero Lactantius lib. v. cap. x. Si qui
doloris vel mortis metu, vel ſuapte perſidia caeleſte ſa-
cramentum deſeruerint, & ad ſuneſta ſacrificia con-
ſenſerint, eos laudent & honoribus maſtent. Et eius
præcepto Arnobius, lib. i. adu. Gent. alio ma-
ſtatis cultu, & lib. vii. vt inferior Deus ſit, qui honorib.
maſtatur humanis. Et ne longè exempla petātur,
ille

ille ipse C I C E R O in eadem: Quo etiam maiore
 es malo mactandus. Vbi ille idem *καίλαραδο*
 mactandus reponendum censebat, exosus, cre-
 do, hanc vocem. Et Verrinis: Cum videant ius
 ciuitatis illo supplicio esse mactandum. Et i. Catilin.
 Nonne hunc in vincula duci, non ad mortem rapi, non
 summo supplicio mactari imperabis? Et Plautus Am-
 phitruone. Sacrifico ego tibi. A. Qui? quia enim te
 macto infortunio. Et Naeuius Gallinaria:

Mactatote hisce verbenis; mactat villam infortunio.
 Dicebant igitur veteres vt litare Deum, sic &
 mactare Deum hostia pro sacrificare, quod Comi-
 corum illorum locus pertinet: Aliter verò:

Caelicolum regi mactabam in litore taurum.

Cuius rei ignoratio, & Plauti & C I C E R O N I S
 locis corrigendis, ac corrumpendis ansam
 dedit. Idem T V L L I V S orat. pro Flacco. Quam
 potestis P. Lentulo mactare victimam gratiorem? Est-
 que sacrorum verbum per *εὐφημισμὸν* vsurpa-
 tum, teste Seruio ad illud:

— mactant lectas de more bidentes.

Et iv. Georg. ad illud:

— Panchaeis adulescunt ignibus arae.

Quod nefas esset prisca superstitione scaeva
 verba proferre, ne vltiarentur sacra. Hinc
 mactare pro occidere, adulescere pro incendi.
 Fuisse, abuisse, vixisse, pro mortem obuisse. Mactare
 enim *κρίνω* pro augere, & Macte, magis aucte.
 Hinc illud eorum, qui sacris operantes vinum
 libabant: Macte hocce vino inferio esto. Quod ex
 Catone de re rustica Arnobius vsurpat. Hinc
 illa, Macte animi, macte virtute. Lucil. lib. v.

Macte, inquam virtute, simulque his versibus, esto.

Accius

Accius διδασκαλικῶν lib. I.

Sapientiae inuicte gratia atque honoris

Pater honeste rem mactauit aurea.

Doctissimus Turneb. legit lib. XXI. Aduersar.
cap. XXVIII.

Pater Nestorem mactauit aurea.

Lipsius verò Belgij ocellus lib. IV. Antiqu.
Ect. cap. V.

Patera honeste em mactauit aurea.

Em enim ἀρχαϊκῶς προεμν.

C A P. V.

Iugula, Orionis gladius. C I C E R O in
Arati Phaenomenis explicatus. Glossa-
rium vetus emendatum.

DOLENDVM sanè diuinum illud M. T V L -
L I I poëma de Signis Caelestibus, ex φα-
γομένοις Arateis conuersum, temporum iniu-
ria tam mutilum ad nos mancumque per-
uenisse. Certè singulos eius versus gemma-
rum instar, vt debeo, caros habeo: Quo enim
pauciores nostram ad aetatem peruenierunt,
tanto illi mihi cariores. De *Orione* versus eius
hodie ex incendio hi conseruati sunt:

Exinde Orion obliquo corpore nitens,

Inferiora tenet truciulenti corpora tauri.

Quem, qui suspiciet in caelum nocte serena

Late dispersum non viderit, abacta verò

Cetera se speret cognoscere signa potesse.

Gladium huic affigere scriptores soliti, de
quo

quo Plinius lib. xxxii. cap. xxxi. & Lucanus:

En siferi nimum fulget latus Orionis.

Manilius: *Et nimis obliquus demissus ducitur ensis.*

Hinc Virgilius *armatum* appellat, pro *aureo gladio armatum*:

Armatumque auro circumspicit Orion.

Isidorus etiam lib. iii. Etymolog. *gladius est stellarum luce terribilis.* Hunc porro gladium proprio

nomine Latini *iugulam* dixere, ut Festi Pompeij

Epitoma. M. Varro *iugulam* quasi iugulum à

spacio quod inter iugulum & collum est, dictam

vult. Ut autem Graeci *φάσσανον* pro *σπάσανον*

dicunt, permutatis litteris. Sic *iugulam* Latini,

quod iugulum petat Festo, quasi nux iugladis.

In Glossario vetere in voce *Iugulatores* *προβά-*

της, exponitur: *ἄστρον ὠρίωνος ὡς Ὀρίωνος ὡς φη-*

σιν. Ios. Scaliger in Festum legit *ἄστρον ὠρίωνος*

ὡς Ἀπίος φησι. Idque quia M. Varro lib. vi. de

ling. Lat. Attij meminit. Sed quia *iugulam* vocat

non Orionem, sed Orionem *iugulam*, legendi-

dum censeo *ὡς Ἀππίος φησι.* Nam *iugulam* vocat

Plautus Amphitryone scena i.

Credo ego hac noctu nocturnum obdormuisse ebrium;

Nam neq; se Septentriones quoquā in caelo comouent.

Neq; Iugula, neque Vesperugo, neq; Virgiliae occidunt.

Vel sic potius legam: *Iugula ἄστρον ὠρίωνος ὡς*

Ἀππίος, ἢ Ἀπίος ὡς φησι ὁ Βάππων.

Interpres Germanici Caes. Caesius Bassus

nisi corruptus est, *incolam* vocauit. *Orion*, inquit,

incola dicitur, ante Tauri vestigia fulget, & dicitur

Orion ab vrina vel ab inundatione aquarum tempore enim

hyemis habet ortum, cum mare & terras aquis & tem-

pestatibus turbat. Hanc Romani iugulam vocant, eo quod

fit

fit armatus vt gladius. Iugula quidam pro incola substitutendum putant; probabile id certè videtur nisi in praefat. eorum legeretur, A sinistris Orionis, qui est incola, fluuius Eridanus sub pedibus Orionis, qui & incola dicitur, & mox hoc loco subiicit: hunc Romani iugulam vocant. Iugulae autem stellae sunt in humeris & ceruice Orionis: tametsi Varro Iugulam propriè dicit esse in Orione, quà iugulus est: totum tamen Oriona sic vocat Manilius:

*Nunc Cancro vicina canam, cui parte sinistra
Consurgunt iugulae. —*

C A P . V I .

*Vehiculi Thensae quale genus. Thensarum
Nomenclator. CIC. Verrinis allata lux.*

DE thenfis Festus Pompeius & Asconius Pedianus in C I C E R O N I s Verrinas, qui & vocis etymon ritumque explicat, vel à θεῶν & θεῶν thensa, vel à tentando, vt variè scriptam vocem etiam absque spiritu appareat. Sic enim ille: Thensae sacra sunt vehicula pompa ordinum & hostiarum. Thensas alij à diuinitate dici putant, alij quòd ante ipsas lora tendantur, quae gaudent manu tenere, & tangere qui eas deducunt. Seruius autem Honoratus in illa Maconis:

— Hic illius arma •

Hic currus fuit. —

Ait currum, quo secundum Homerum in bello vitur; aut thensam significat, qua deorum simulacra portant.

portantur. Apponam & Maronis verba è lib. II. Aeneid.

— *pueri, innuptaeque puellae*

Sacra canunt, funemque manu contingere gaudent.

Tertullianus libro de Spectaculis: *Plaustrum Iouis* vocat eius thensam. Ordo autem thensarum ita procedebat, vt è Capitolio in Circum descenderet, vt ait Dionysius lib. VII. Antiq. Rom. & Suetonius in Vespasiano, ac Xiphilius. Initium earum, Romanorumque erga eas religionem tradit Macrobius lib. I. Saturnalium. Ex qualibet porro materia factas ait Festus, nihil tamen vetat, quin credamus ligneas factas, ex ea arbore quae cuiuslibet Deo sacra esset. Harum forma expressa est in Numismate apud Fulvium Ursinum in gente Rubria, & Anton. Aug. libro de Antiquis Numism. Vnaquaeque Thensa foramen in medio habebat, ad vinciendum impositas imagines, quod ex Varrone lib. VI. de ling. Latina colligo. Hinc pendent lora, quae manu quisque tangere gestiebat, vt ait CICERO de Aruspiciu. resp. Maro, & Arnobius lib. IV. aduersus Gentes. Habitum porro eorum qui deducebant vel vehabant, describit Tertullianus lib. de Corona, & Liuius lib. V. Quinam autem Dij in hac thensarum pompa deducti sint, Dionysius refert: nec solum Iupiter, Iuno, Minerva, Neptunus, & alij Dij maiorum gentium, sed etiam antiquiores, velut eorum Deorum dearumque patres, vt Proserpina, Lucina, Nymphae, Musae, Gratiae, Liber, Hercules, Aesculapius, & alij Semidei & Heroes, de quibus Ovidius lib.

lib. III. Erotic. Eleg. II. In his Thenfis imagines Deorum erant velut in Throno constitutae, vt ait Glossarium: *Thenfa* θεόν. Et paullo post: *Thenfa* ἄρμα δεῦ, & Pacatus Panegyrico. Hanc gloriam in pompa sibi arrogarunt Imperatores, & in primis Caesar: de quo Suetonius, & Dio. lib. LXIII.

Hanc porro pompam disponebat *Nomenclator thensaurum*, si rectè capio verba Firmici *Astronomicon* III. cap. xv. Quamquā *Nomenclatoris* nomen ita sumi non debeat, vt vulgò fit apud alios auctores, & maximè apud Horatium, qui dicit *nomina seruus*, sed pro eo qui nomina vniuscuiusque rei callet, vt est apud I. C. Hinc est quod in libris Plinij, vbi vulgò *nominis dator* legimus, habent antiqui codices *nomenclator*. Vel potius pro scriba publico, qui in registris scribit ea, quae sunt sui muneris. Sic apud Symmachum *Nomenclator tuitionis* is dicitur, qui in Chartophylacio habet datas à Principe tuitiones. Quam autem partem apud Romanos vindicarit *Nomenclator*, patet apertè ex Tertulliano, libro de Spectaculis: *Quanta sacrificia praecedant, succedant, quot collegia, quot sacerdotia, quot officia moucantur, sciunt homines illius urbis, in qua daemoniorū conuentus consedit.* Et vetus inscriptio Romæ, qua & *Buccinator nominū* est, alibi:

SOLI INVICTO

SACRYM

T. POMRONIVS

REPENTINVS

NOMENCLATOR

TENSAR. IYGARIS

M

S. D.

S. D. D. D.

DEDIC. XV. K. IVL.

MARVLLO. ET ABLIANO COSS.

OB DEDIC. SPORTVLAS

DEDIT. SINGVL. * II.

C A P. VII.

Opida & vrbes interire . Sulpicius ad
CICERONEM.

SER. Sulpicius lib.v. Epist.v. CICERONEM
 In morte filiae consolans : *Quae res mihi non
 mediocrem consolationem attulit, volo tibi commemora-
 re si fortè eadem res tibi minuere dolorem possit. Ex Asia
 rediens cum ab Aegina Megaram versus nauigarem,
 coepi regiones circumcirca prospicere. Post me erat Aegi-
 na, ante Megara, dextra Piraeus, sinistra Corinthus.
 Quae opida quodam tempore florentissima fuerunt, nunc
 prostrata & diruta ante oculos iacent. Coepi ego sic me-
 cum cogitare. Hem, nos homunculi indignamur, si quis no-
 strum iuterit, quorum vita breuior esse debet, cum vno
 loco tot opidorum cadauera proiecta iaceant. In eam-
 dem sententiam L. Seneca, Philosophus ele-
 gantissimus, Epistola xcii. ad Lucilium, de
 Lugdunensis coloniae incendio, litterariam
 consolationem adhibens, longa & disertà epi-
 stola, vnde haec decerpſi : Quoties Asiae, quoties
 Aethiopiae vrbes vno tremore ceciderunt ? Quot oppida in
 Syria, quot in Macedonia deuorata sunt ? Cyprum quo-
 ties vastauit haec clades : quoties in se Paphus corruit ?
 frequenter nobis nuntiati sunt totarum vrbiũ interitus.
 Et post : Cinitas Lugdunensis arsit opulenta, ornamen-
 tumque provinciarũ, quibus & inserta erat & excepta:*

vni tamen imposita, & huic non altissimo monti. Non vides quemadmodum in Achaia clarissimarum urbium iam fundamenta consumpta sint, nec quidquam exstet, ex quo appareat eas saltem fuisse. In Athenas aliasque vrbes euerfas exstat hoc Epigramma in Virgilij Catalectis:

Quisquis Cecropias hospes cognoscis Athenas,
Quae veteris famae vix tibi signa dabunt.

Hāsne Dei dices caelo petiere relicto?

Regia partitis haec fuit vna Deis?

Idem, Agamemnonias, dices, cum videris arces:

Heu victrix victa vastior vrbe iaces.

Hae sunt quas merito quondam est mirata vetustas,

Magnarum rerum magna sepulcra vides.

Ouid. Epistola I.

Iam seges est, vbi Troia fuit, ressecandaq; falce,

Luxuriat Phrygio sanguine pinguis humus.

Et xv. Metam.

In species translata nouas, sic omnia verti

Cernimus, atque alias assumere robora gentes,

Concidere has: sic magna fuit censuque virisque

Nunc humilis. veteres tantummodo Troia ruras,

Et pro diuitiis tumulos ostendit ouorum.

Clara fuit Sparte, magnae viguere Mycenae,

Nec non & Cecropis, nec non Amphionis arces;

Oedipodioniae quid sunt nisi nomina Thebae?

Quid Pandioniae restant, nisi nomen, Athenae.

Et de Populonia Claudius Rutilius Numatianus in Itinerario:

Agnosci nequeunt aeui monumenti prioris,

Grandia consumpsit nomina tempus edax.

Sola manent interceptu vestigia muris,

Ruderibus totis tecta sepulcra latent:

*Non indignemur mortalia corpora solui,
Cernimus exemplis oppida posse mori.*

Aufonius quoque:

Mors etiam saxis marmoribusque venit.

Verum de Opidorum Regnorumque interitu multa colligit Semestrium libro 1. doctissimus Pet. Faber cap. ix. Sed quid plura? Illud verò quale est? non vrbibus modo, sed & aedibus aetatem attribui à Prudentibus Iuris, vt L. 15. De oper. public. in C. Theod. & à Mamertino in Panegyrico: à Cassiodoro 1. Variar. Epist. xxv. Macrobio lib. 11. Saturn. cap. vi. Symmacho lib. 1. Epist. iv. Sed quid mirum Vrbes, homines, interire atque occidere? cum & regnis atque imperiis aetatum gradus, atque aded mundo seu vniuerso attribui videam, à Nasone 1. Metam. Romano verò Imperio à L. Iulio Floro, sine is Annaeus Seneca est, lib. 1. Praefatione, & Ammiano lib. xiv. initio. Verba, vt cum Floro componantur, adscribere non pigebit: *Rom. populus ab incunabulis primis adusque pueritiae tempus extremum, quod annis circumcluditur fere trecentis, circummurata pertulit bella; deinde aetatem ingressus adultam post multiplices bellorum aerumnae Alpeis transcendit & fretum: in iuuenem erectus, & virum ex omni plaga, quam orbis ambit immensus, reportauit laureae triumphos. Iamque vergens in senium, & nomine solo aliquoties vincens, ad tranquilliora vitae discesit.*

C A P. VIII.

CICERONIS *locus cum Aeschinis oratione contra Ctesiphontem comparata.*

NOTA in vulgus Aeschinis ac Demosthenis περί σεφάνου aduersaria actio. In illa quidem haec legens notabam. Eubulus ille, quem perstringit initio, ut flagitiosus etiam traducitur à Luciano dialogis aliquot, item ab Athenaeo. Quod subiicit; ἀλλὰ ἀγαπᾶν ἐν αὐτῇ τῇ πόλει τιμωρῶμεν ὑπὸ τῷ δήμῳ, καὶ μὴ ἐργολαβεῖν ἐν τοῖς κηρύγμασιν, id nimirum est, quod Latini dicunt, non sequestrem esse, hoc est, rem perficiendam suscipere, & inde lucrum facere. CICERO pro Plancio: Cuius tu tribus & venditorem & corruptorem, & sequestrem fecisse planum clamitas. Infra hoc ex Phoebe cortina profert Orator oraculum:

Οὐ πρὶν τῆς δε πόλεως ἐρεῖψετε πύργον ἐλόντες
Πρὶν γε θεοῦ τεμένη κυανώπιδος ἀμφιζίτης
Κῦμα πολικλῦζε κελαδὸν ἱερᾶσιν ἐπ' ἀκλαῖς.

Quod apud Pausaniam in Phocicis legitur, sed aliquot verbis mutatis, quibus intellectu facilius est:

Πρὶν καὶ ἐν ἐμῷ τεμένει κυανώπιδος ἀμφιζίτης
Κῦμα πολικλῦζε κελαδὸν ἐπὶ διοπαίωντον.

Deinceps Hesiodum sic commēdat, ut à pueris ediscenda eius carmina, quae virili aetati profint, suadeat: διὰ τὸ τοῖς ἡμᾶς ὄντας τὰς
Ἡσιόδου δὲ ποιητὸς γυνώσκας ἐκμανδάνην, ἢ ἄνδρες

ὄντες αὐταῖς χρώμεθα. Sic & Romani princeps eloquij M. TULLIUS lib. VI. Epistolarum Leptam hortatur ut filium Hesiodi versum edoceat :

Τῆς δὲ ἀρετῆς ἰδρῶτα θεοὶ προπάροιδεν ἐδιδκιν.

Virtutem posuere Dij virtute parandam.

ΜΟΧ : ὡς ἐκπεπληγμένον καὶ ἀδυμῆνιν καὶ χρυσόκερων ἀποχαλῶν. Exemplar Aldinum non χρυσόκερων sed χρυσοκέρων legit. Sed neque hoc, neque illo pacto legendum, sed potius χρυσόχρων, ut de aureo colore intelligatur, scommate in pallorem Demosthenis ē studiis contractum iocatus. Et statim, ταῦτα δὲ τίνος ἐστὶν ὡς κίναδος ῥήματα ἢ δάυμαλα. Ita legendum est non κίναδος, idque manifestum est ex CICERONIS libro de Oratore perfecto. κίναδος verò vulpem astutissimam significat.

C A P. I X.

Contentius ambulare. CICERO Tusculanis expositus. Nonius Marcellus castigatus, & L. Sisennae historia.

MULTA Nonius peccat. Fatendum est enim; saepè etiam librariorum manus. Eius rei hoc capite exempla dabo, quae mota sunt ab oscitantibus scribis: in voce *Contentum* M. Varronis locus, de liberis educandis, duabus post paginis collocandus, quod pertinet, in dict. *Cibarius*. Quadrat enim cum illo loco CICERONIS V. Tuscul. de rege Ptolemaeo: cui cum peragranti Aegyptum, comitibus non
consc-

consecutis cibarius in casa panis datus esset, nihil visum illo pane iucundius ferunt. *Cibarius* porro panis est, à quo furfur excretū non est, quem Graeci *ἀλόνωρον* vocant, teste Brodaeo lib. iv. Miscell. cap. x. Sic Columella *ctbarius* *oleum* pro vili, parūque pretij dixit. Ceterū ne in priore Nonij loco hiatus relinquamus, credo equidem Nonium hunc C I C E R O N I S locum, sui oblitum, cū illum de pane cibario exscripsisset, in dict. *Contentum*, ponere voluisse, qui est in eadem Tuscul. v. *Socratem ferunt cū vsque ad vespertinam ad Piraeum contentius ambularet, quaesitumque esset ex eo, cur id faceret: obsonare ambulando famem se dixit.* Quem idem locum malè exponit, pro cōtinuus, perseverans, cū sit *contentius* pro concitatus, & vehementius.

Idem in Soni Nonius: *Soni & sonus, pro sonitus & sonu.* Lege, *Soniti & sonu, pro sonitus & sonu* ex m. scripto quē inspexi Compluti, exemploq; sic flagitante: vt Sisennae lib. iv. Histor. *Postquam in sonu signorum praelium magno cum clamore virorum commissum est.* Qui locus mihi manum iniicit, vt alterum L. Sisennae apud eundem Nonium in *Saga*, ex lib. iiii. Histor. emendem: *Senatus auctoritate Sagaria nunc; lego, Senatus auctoritate saga induunt.* Sic enim suprā pauld idem Marcellus in *Senatu* Sisennam dixisse adnotavit: quamvis vulgati etiam optimae notae ibi corrupti sint. Adscribam itaque locum emendatiorem, tum ex fide duorum manuscriptorum, tum efflagitantibus exemplis. *Senati vel Senatus, pro Senatus. Sisenna Histor.*

lib. III. L. Calpurnius Piso ex Senati consulto duas nouas tribus. Varro de vita pop. Rom. lib. I. Posteaquam Q. Fabio Maximo Dictatore. Locus mancus est, nec huc pertinet, nisi aliud addatur. Addo itaque ab ingenio: Senati consultum factum est, vel quid simile. Plura collegit Agellius lib. XIV. cap. XVI.

Idem, Crebritudinem, pro, crebritate. Sisenna Histor. lib. IV. Nam clandestina celeriter transigi, apud notos cogitata dici decet, non explanari. Puto legendum, celeritudinem pro celeritate, in Sisenna vero celeritudinem transigi vt omnia quadrent; & ex eiusdem lib. V. Histor. supra aduocat Nonius, celeratim pro celeriter, Quo magis celeratim poterant, in insidiis suos disponit. Ennius celere dixit, Accius celeranter.

C A P. X.

Choragium. Domuitio. C I C E R. I. de Diuinat. Appuleij Milesia fabula i Fulgentio aucta. Reuersionem facere, & Reditioem.

FVLGENTIVS de prisco sermone ad Chalcidum Grammaticum Timaei Platonis ecphrasten: Choragium, virgine funus vocatur. Suspicio Coragium scripsisse, & ἀπὸ τῆς χορῆς & ἄγω deriuasse. Festus scenicum instrumentum interpretatur. Argentatis choragiis P. Lentulus Spinther scenam adornauit An. post Ro. cond. 1000. auctor Val. Maximus lib. II. Memorabilium cap. IV.

Appu-

Appuleius Apologia I. *Quid si choragium thymelicum possiderem, num ex eo argumentarere isti me consueſſe tragoedi (quidam libri Gragidij) ſyrmate hiſtrionis, Crotalone? Ad trieterica orgia mimi centunculo? Et pro quouis apparatu Cornificius ad Herennium gloriae choragium dixit. Laudat verò Appulei locum Fulgētiſſimus: Choragio itaque perfectō domuitionem parant. Quae cū in Madaurenſi ſcriptore iuncta non legantur, qui tamen Domuitionem parare, omnibus libris uſurpat; puto defeciſſe extremo lib. IIII. in Pſyches Cupidini deſponſae fabula: Taedas, inquit, nuptiales, quibus praeluxerant, ibidem lacrymis ſuis exſtinctas relinquentes deiectis capitibus domuitionem parant. ubi pro deiectis capitibus, olim perfectis choragiis legiſſe Afros illos exiſtimabam; ſed à librariis, ut ſolet, omiſſum verius eſt. Leg. itaq; deiectis capitibus, choragioq; perfectō, domuitionem parant. Sic enim proximè ſuprà: Iam ſerialium nuptiarū miſerrimae virgini choragium ſtruitur, iam taedae lumē atrae fuliginis cinerem arceſſit. Quae & ipſe Fulgētiſſimus ſcripſit lib. III. Mytholog. Perfecto namque choragio puella per montis decliua, zephyri flantis leui vectura delapſa, in quandam domum auream rapitur. Idēmq; in Pollinctor ex Appuleij Hermagora haec citat: Pollincto eius funere domuitionem paramus. ubi quidam libri: Pollinctor eius funeri dum vnctionem parat. Lucil. lib. XXVI. Domuitionis cupidi imperium regis paene imminuerunt, apud Nonium in Domuiſio. Pacuuius Hermiona: Nam ſolis Danaïs hic domuitionem dedit. Apud eundem in Obſcenum, Accius Aſtyanacte: Hanc δὲ καὶ ὁ νόον regionem ſac deſiſtere exercitum morari, & me à*

domuitione arcere, tam obsceno omine. Sic enim leuiter immutabam, vt Matus apud Varronem lib. vi. de L. Lat.

Obsceni interpretes, funestique ominis auctor.

Nec ab hac voce C I C E R O N E M abhoruisse video, nisi à quibusdam interpolatus circumferretur, qui, quae non affequebantur, tamquam corrupta mutabant, & ad oram, quae reppererant, nimis officiosi addebant. Sic enim i. de Diuinatione: *Rhodiorum classi propinquum reditum, ac domuitionem dari.* Et apud Cornificium, seu quisquis est auctor, ad Herennium. *Atridae domuitionem parant.* quod in vulgatis in *domi vltionem* vertit. Arnobius quoque lib. vii. *Quid domuitiones illae volunt, quibus bene vt valeant Superi, auspiciabili salutatione mandatis?*

Reuersio aequae proba vox, & amplius *Reditu.* M. Varro libro iv. de vita Pop. Rom. apud Nonium in *Anceps*: *Caesar reuersionem facit; ne post occipitium in Hispania exercitus, qui erant, relinqueret; quò se coniceret Pompeius, vt ancipiti vrgeretur bello.* Et M. T V L L I V S lib. xvi. ad Atticum Epistola vii. *Dij immortales quàm valdè ille reditu, vel potius reuersione mea laetatus?* Et Philipp. initio, *Exponam vobis breuiter consilium, & profectionis & reuersionis meae.*

Frequens & Reditio. Idem Varro rerum humanarum libro xx. *Ad milites facit reuersionem: vbi reditionem reperisse Nonium puto, in dictione Reditus, vbi de genere variantibus agit: sed, vt sollemne ipsi, malè descripsit.*

scripsisse . Nam eodem libro Varro : *Omnes Tarquinius eiecerant , ne quàm reditionis per gentilitatem spem haberent .* Nisi fortè *συνένομα* ponere Marcellus , vt aliàs saepe , studuerit . Nam & in C I C E R O N I S illo , *profectionis & regressionis meae* , illum legisse obseruauit .

C A P . X I

Silentium , superbiae argumentum . C I C E R O N I lux : L. Floro medicina interpunctione allata .

M E M O R A B I L E Tarquinij Superbi factum , qui filio ad Gabios transfugae per nuncium nihil respondit , vt refert L. Florus , siue is Annaeus Seneca est : *Filio Gabius , vt voluerat , recepto , atque per nuncios consulenti quid fieri vellet , eminentia fortè pauperum capita virgulâ decussit : cùm per hoc interficiendos esse principes intelligi vellet , quae superbia sic respondit .* Iornandes huius abbreviator sic exscripsit : *ea superbia sic respondit , vt senserat .* Quidam vir doctus , *qua superbia sic respondit .* Equidem malim è declamandi more Annaeis perfamiliari , interiicere videri , vt aliàs saepe , exclamando : *Quae superbia ? Cùm per hoc interficiendos esse principes intelligi vellet (Quae superbia !) sic respondit .* Ad

Ad eundem modum & lib. iv. cap. i. *Quibus id nefas sociis aggressus est Calilina; ipse patricius: sed hoc minus est, Curi, Porci, Sullae, Cethegi, Autronij, Var- gunteij atque Longini, (quae familiae? quae senatus in- signia?) Idem Florus lib. 3. De bello Gallico verba faciens: Quae Ariouisti Regis superbia? Cùm Legati dicerent, Veni ad Caesarem: Superbiae autem argumentum est nihil respondere. Sic C I C E R O L. Valerio I. C. iocans extremo libro i. Epist. ad famil. Qui istinc nunc veniunt, partim te su- perbum esse dicunt, quod nihil respondeas; partim contu- meliosum quod male respondeas. Item C. Trebatio Iure-cōsulto & ipsi lib. vii. Epist. xvi. Qui istinc veniunt, superbiam tuam accusant, quod negent te per- cunctantibus respondere. Et eidem, in Topica prae- fatus: Etenim cùm tu mihi meisque multa saepe scripsis- ses, veritus sum ne, si ego grauarer, aut ingratum id aut superbum videretur. Item Tusculana i. Quid si te interrogauero, nōne respondebus? superbum id quidem est, sed nisi quid necesse erit malo non roges. Quae cùm ita sint, superbi semper est habitum ingenij, minime dignari responso.*

C A P. XII

Auerruncus Deus. Dij meliora. Dij perduint. Aricinae mentes. C I C E R O illustratus. Nonius, Fulgen- tius, & Appuleius saepius emendati.

L V C I L I V S apud Nonium lib. xxvi. Satyr. *Dij maluerint meliora atque amentiam auerrun- casint*

caſſint tuam. Sed Feſtus Pompeius in *Verruncent*, hoc Pacuuius adſcribit. M. Varro de lingua Latina lib. vi. *Ab auertendo*, inquit, *auerruncare*, vt Deus, qui eis rebus praeſt, *Auerruncus*. Idem & *Auruncus* eſt. In glosſario veteri θεὸς ἀπορρόωναι. Et alibi ἀλεξιχακ. Fulgentius in *Fabre*, pro *eradicare* exponit. Feſtus verò & Nonius *verruncent*, pro *vertant*, Accius *Aeneadis*:

Te Sancte venerans precibus inuicte inuoco,

Portenta, vt populo, patriae, verruncent bene.

Perſius Sat. v. *Depellentes Deos appellat.* Appuleius de Socratis daemónio: *Qui tibi queat tum ſomniis, tum ſignis, tum etiam fortasse coram, cum vſus poſtulat, mala auerruncare, bona proſperare.* Sic enim in veteri libro melius quàm excuſis *auertere*, quod ſuprà adſcriptum à ſemidocto receptum in ſeriem, altero de poſſeſſione deturbato. Antidamus in *Moralib. Fabre compactum animal hominem* quis ferat, ſic ex re pecuatum? quis *auerruncaſſit tam Aretinas hominum mentes?* Vbi quidam *arretinas* tentarunt, alius *Aretinas*. Atqui Fulgentius teſteas vel argillaceas *Aretinas* exponit, & *pecuatum*, ſtultum. Idemque lib. i. *Mytholog.* Sunt qui ſpretà capitis generoſitate, *Atricinis* atque *Arcadicis* ſenſibus glandium quippiam ſapiant, atque eorum altiori ſtultitiae nubo, ſuperata caligentur ingenia. Vbi *Eretinis* Baſil. editio praeſert. Scriptus, quem vidi, codex, *Aricinis*: vt ad *Aricium nemus*, cui & Diana praeſerat, reſpiciat, vbi glandium copia. Sed *ἄλγος δρυὸς*. Iterum vapulet Marcellus. cedo alteram vitem, quoniam in hac militia Centurionis ius occupauimus. Lucilij illa totidem verbis eodem loco, ſui oblitus C I C E R O N I adſcri-

adscribit, quae tamen nusquam exstant, nisi quod lib. ix. ad Atticum Epist. xi. & quidem verbis, ut apparet, Attici usurparit. *Contra igitur? Dij inquit, auerruncent: quasi, Ne Dij fuerint.* Sed haec *paupertas* Nonio solemnis, non longè abiero. In eodem ipso Lucilio lib. xxx. in dict. *Imberbis pro imberbes, & Sexcentum:*

Maximu' si argenti sexcentum ac mille reliquit

[*Maximus si argento*] *Imberbi, Androgyni, barbati, Moecho cinaedi.*

Nisi sunt ab oscitantibus librariis, ut solet, reperita, nec oblitterata, ne scripturam venalem deformarent: quod obiter moneo, quia ab Hadriano Iunio tentatum frustra videam. Pro uerbis verò speciem habere ex Arnobio doctissimo scriptore didici, lib. 3. aduersus Gentes: *Procul ut distat, auerruncetur amentia.* Et lib. III. *Namque haec mala, quibus vrer, torreo, gesto nūminis auerruncare clementia.* Ut & illud: *Dij meliora, vel Dij melius:* quod apud omnes maiorum gentium poëtas occurrit, ut exempla colligere putidae sit diligentiae. In scripto Nonio Complutensis bibliothecae legitur, *Dij mī nuerint meliora, pro mibi annuerint:* vincat tamē Varonis lib. vi. de L. Lat. & Festi in *verruncent* auctoritas, & Nonij ipsius, qui in *monerint* pro *monuerint* ex Pacuij Chryse cum Varrone & Festo eodem laudat, cum Lucilio Ciceroniq. suprà adscripsisset. Nec audiendi, qui *Dij munera dent meliora* reponendum docuerunt. Sed quoniam Dij in scenam inducti, eadem opera Madaurensis alterum locum sanemus, *Apo- logia* II. ubi in Herennium Rufinū calumniarum,

retum, morésque eius impudicos acrius inuehitur: In iuuentute saltandus fabulis exosus planè & eneruis, sed, vt audio, indocta & rudi mollitie. Negatur enim quidquam histrionis habuisse, prater impudicitiam. In hac etiam aetate, qua nunc est, qui istum deperdunt, multi sunt: honos auribus praefandus: domus eius tota lenonia est. Sic Basil. editio omnium postrema. Florentina, qui istū deperdunt multus honos. Emendo: qui istum Dī perdunt, multus honos auribus praefandus. Natum mendum quod Dī, & Dī, vnica littera longa veteres scriberent: quae formula etiam Plauti est, quem studiose Afer ille affectatur. Ennius Telepho apud Nonium in Maetare: Qui illum Dī Deaeque magno maetassint malo. Ex Turpilius Leucadia, apud Nonium in Confidens: Videtur Phrygius incessus, quā est confidens? Dī istum perdunt. Sic enim obiter concinno. Terentius: Vt illum Dī Deaeque senium perdunt, qui me hodie remoratus est. & in Heauton. Sce. VI. Act. IV.

Vt te quidem Dī deaeque, omnes, quantum est Syre,

Cum istos inuento cumque incepto perdunt.

Et in Phormione Act. I. Scena II. Homo confidens: illum Dī omnes perdunt. In Hecyra Act. III. Sc. 4. Cadauerosa facies. Dī illum perdunt. Vtitur & M. TULLIUS restituente Iac. Cuiacio Iure consultorum coryphaeo, libris Observationum.

C A P. X I I I.

C. Plinij Praefatio Poetarum versibus,
& M. TULLII loca declarata.

C Plinius audaciam dedicandi operis Tito Vespasiano Caesari purgas: Hanc, inquit, tibi imputabis, & in nostra culpa tu tibi ignoscas. Malim equidem

equidem legi, & in tua culpa tibi ignoscas. Et verò facilis erat librario corrumpēdi anſa obiecta, eum ex tua facile *nra*, hinc denique *noſtra* exſcribatur. Aufonio idem in mentē veniſſe video, culpam deprecanti ad Imp. Theodoſium:

Tu modo te iuſſiſſe pater Romane memento,

Inque tua culpa tu tibi da veniam.

Idem hiſtoricus Titi Imp. modeſtiam laudans, qui ſecūda fortuna nihil factus erat elatior, vt & Suetonius ait cap. xiv. Dictus eſt enim ob morum ſuauitatem & elegantiam, *Amor & delictum generis humani. Nec quidquam*, inquit Plinius, *in te mutauit Fortune amplitudo, niſi vt prodeſſe tantumdem poſſes, quantum velles.* Quis non videt M. TULLII locū in Ligariana extrema expreſſiſſe? Nihil habet nec *Fortuna tua maius, quam vt poſſis; nec natura melius quā vt velis cōſeruare quā plurimos.* Et pro Marcello, initio: *Totum hoc quantumcūque eſt, quod certè maximum eſt, totum eſt tuum. Quinetiam illa ipſa rerum humanarum domina Fortuna, in iſtius ſocietatem gloriæ non offert: tibi cedit: tuam eſſe totam, & propriam fatetur.* Ibidem Plin. Etiam non aſſecutus voluiſſe abundè pulcrum atque magnificum eſt. Exprefſit illud Propertij lib. ii. Eleg. x. ad Muſam:

Quod ſi deficient vires, audacia certè

Laus erit: in magnis & voluiſſe ſat eſt.

Extrema Epistoſta: *Quia verò occupationibus tuis publico bono parcendum erat, quid ſingulis contineatur libris huic Epistoſtæ ſubiunxi.* Alluſit fortean ad Horatium, qui in Epistoſta i. lib. ii.

Cū tot ſuſtineas & tanta negotia ſolus,

Reſ Italas armis tuteris, moribus ornes,

Legibus emendes, in commoda publica peccem,

Si longo ſermone morer tua tempora, Cæſar.



